

ରାମହରଦ

ননীবালা

ননীবালা মেয়েকে বল্লে, সুপুৰি কুড়িয়ে আন তো কালী রায়ের গাছের তলা থেকে ।

মেয়ে বল্লে—হ্যাঁ, খাণ্ডা পিসি কাড়িয়ে আছে, বলেছে এবার সুপুৰি কুড়ুতে হ'লে পরসা দিয়ে যেও । সুপুৰি এমনি পাওয়া যায় না বাজারে ।

ননীবালা এ গায়েরই মেয়ে, তার রাগ হয়ে গেল খুব । কালী রায়ের বুড়ী দিদিকে ঘাটের পাথ পেয়ে খুব করে শুনিয়ে দিলে ।

বুড়ী বল্লে—তুমি ভাই অনর্থক তিলকে তাল কোরো না । সুপুৰি কুড়ুতে এসেছিল সেদিন, সৰ্ব্বদা কুড়ুতে আসে, তাই বল্লাম আমাদেরও তো দরকার আছে, কেন আস রোজ রোজ ?

—সৰ্ব্বদা কুড়ুতে যাবার দায় পড়েছে !

—রোজ আসে, আমি বলছি । তুমি ভাই জানো না ।

—কে বল্লে রোজ যায় ?

—আমি জানি । রোজ দেখি যেতে ।

—আচ্ছা বেশ । এবার যায় যদি, পরসা নিয়ে যাবে ।

কালী রায়ের দিদি পাড়ার পাড়ার বলে বেড়াতে লাগলো—বড় গোমর হয়েছে ঐ ননী । পরসা দেখাতে আসে আমার কাছে ! এমনি আদ্যেক দিন কাড়ি চড়ে না, আবার পরসার গোমর ! কি-গিরি করে তো চালাচ্ছি—পরসা দেখাতে লজ্জা করে না ?

ননী মেয়ের নাম নালু, ভালো নাম সরবালা । নালু এর গাছের লিচু, ওর গাছের কুমড়োর জালি, শশার জালি চুরি করে আনে । পাড়ার কারো গাছে এঁচোড় আর পাকবার জো নেই নালুর জন্তে ।

ননী কিন্তু তা জানে না । খিদে জালায় সরবালা যা চুরি করে, রাস্তাতেই তা খেয়ে কলে । বিকেলে কি ভীষণ খিদে পায়, কে দেয় একগাল চালভাজা ? রায়দের গাছে কি মাদার পেঁকে আছে ! পাকা যেমনি, বড়ও তেমনি । ঠেলে উঠলো গাছে । রাগ-ঠাকুরমা দেখে বল্লে—ও মা, গেছো যেয়েছেলে কখনো দেখিনি ! তুই এমন গেছো হলি কবে ? নাম নাগ—

—দুটো মাদার পাড়ি ঠাকুমা—

—খেলেই জর ! কেন ওসব ছাই খাবি ?

কেন সে খাবে সে-ই জানে । মা ও-পাড়ার দামারি কাকার বাড়ি গোমাল পরিষ্কার করে ও বিচালি কেটে জল তুলে আটটা গরুকে জাব দেয় । এসব করতে সন্ধ্যা । সন্ধ্যার পর মা বাড়ি এসে ভাত রান্না করবে, তবে খেতে দেবে । পেট যে এখুনি জলবে, তার কি ? কি খাবে সে, ভেবে পায় না । শুধু সে নর, পলটু, হাবু, নস্ত, ননকু, রেপু, নেপু সবাই আসে ।

ওদেরও বাড়িতে ওই অবস্থা । ছপুরে ভাত খাও, তারপর বিকেলে হাজার খিদে পাক না কেন, খাবার নেই । তবে সে একটু আসে ঘন ঘন । তার মা বাড়িতেই থাকে না যে । সে কি করবে ? ওরা চাইলে পায়, তার তো চাইবার লোকই নেই । অথচ খিদে—কি ভীষণ খিদে ! পেটের মধ্যে কেমন বেন কামড়ায় খিদে জালায় ।

রাত্রে নালুর জর হ'ল ।

ননী পড়ে গেল মুশকিলে । মেয়ের গা দেখলে পুড়ে যাচ্ছে । কি খেতে দেবে, কপীর পখি

কি আছে ঘরে? ডাক্তারই বা কোথায়? এক আছে সুরেন ডাক্তার। হু টাকার কম এ রাত্রে আসবে না। মেয়ের গারে হাত দিয়ে দেখে বসে—যেমন তুমি তেমনি হয়েছে আমার অবস্থা। কি যে করি—

রাত্রে বড় জরটা বাড়তে গে চেষ্টায় ডাক দিলে প্রকাশ গাঙ্গুলীর স্ত্রীকে—ও জ্যাঠাইমা—জ্যাঠাইমা—ইদিকে একবার আসুন, খুকীর বড় জর—

প্রকাশ গাঙ্গুলীর স্ত্রী চোখ মুছতে মুছতে উঠে এলেন ঘুম থেকে। অনেক রাত। দেখে বসেন—তাই তো, বড় জরটা বেড়েছে। কুইলেনের বড়ি আছে আমার কাছে। কাল সকালে খাইয়ে দিও—

—দেখুন তো জ্যাঠাইমা, গরীবের ঘরে কি কাণ্ড—

—তাই তো বাপু। সবই অদেখি তোমার। তোমার বাবা ভালো দেখেই বিয়ে দিয়েছিলেন। দোজবরে তাই কি? দিবা চেহারা। কলকাতার বাসা। ইন্জিনিয়ার লোক। হু পরস্য আয় ছিলো, সইলো না তো? কি হবে! অল্প ব্যসে কপাল পুড়লো।

—সে তো একশোবার জ্যাঠাইমা। নইলে খুকীকে আজ দুটো পেট ভরে ভাত দিতে পারি নে! এ কি কম হুখু! পরের বাড়ি দাসীবৃত্তি, তাতে আমার এ গাঁয়ে অপমান নেই। এ গাঁয়ের মেয়ে যখন আমি। বলুন—ঠিক কি না?

—সে কথা তো বটেই মা। তার আর কি হবে বলো। সবই অদেখি। আমি গিয়ে কুইলেনের বড়ি নিয়ে আসি—

—এখন দরকার নেই জ্যাঠাইমা, কাল সকালে পাঠাবেন।

—মা, রাতটা আজ এখানেই থাকবো?

—না জ্যাঠাইমা। আমি বেশ থাকবো এখন। আপনি মায়ের মত, তাই কথাটা বলেন। এ গাঁয়ে ও কথাও কেউ বলবে না।

ননীবালা সত্যিই পরের বাড়ি ঝি-গিরি করে মাসে পাঁচ টাকা আর একবেলা ভাত পায় এক খালা। ভাত সে বাড়ি নিয়ে আসে। যে বাড়িতে কাজ করে, তারা ভাত দিতে কৃপণতা করে না, বড় বড় ধানের গোলা তাদের বাড়িতে পাঁচ-সাতটা, বাগান, পুকুর, জমিজমা সব আছে। মা আর মেয়ে সেই এক খালা ভাত খায়।

ননীবালায় বিয়ে হয়েছিল কলকাতার এক বড় ইন্জিনিয়ারের সঙ্গে। দোজবরে পাত্র হোলে কি হবে, বেশ ছিলেন তিনি দেখতে শুভে। বয়েসটা একটু বেশী ছিল, ননীবালা গিয়ে দেখেছিল তার বয়সের দুটি সংমেয়ে আছে তার। সংমেয়ে দুটি কোথায় থেকে পড়তো, বাড়িতে আসতো খুব কম। মাত্র দু বছর স্বামীর সঙ্গে সে ভেতলার বাসায় কাটিয়েছিল পরম সুখে, এর মধ্যে বারকয়েক দেখা হয়েছিল সংমেয়ে দুটির সঙ্গে।

বড় মেয়েটির বিয়ের সব ঠিকঠাক। সে সময়েই স্বামীর অসুখ করলো। বিয়েও হ'ল, মাংসখানেকের মধ্যেই স্বামী মারা গেলেন। তারপর বড় মেয়ের স্বামী ছোট মেয়েটিকেও নিয়ে গেল সূদূর পশ্চিমে তার কর্মস্থলে।

সংশাস্ত্রী একা বাসায়। ননীকে কেউ বলেও না সে কি করবে, কোথায় যাবে, কি খাবে। সরবালা তখন এক বছরের শিশু।

দরজায় এসে টাঙ্কি দাঁড়িয়েছে, বড় সংমেয়ে স্মললিতা তার ছোট বোন সীমাকে নিয়ে উঠছে মোটরে স্বামীর সঙ্গে। ননীবালা দরজায় দাঁড়িয়ে দেখছে।

সুললিতা কাছে এসে দাঁড়ালো। ননীর প্রায় সমবয়সী তার এই সংযোয়েটি, বরং কিছু বড়। সীমাই ননীর সমবয়সী। সুললিতার পরনে দামী ভয়েলের শাড়ি, হাতে পুঁতির মালা দিয়ে তৈরি ভ্যানিটি ব্যাগ।

ননীবালা বলে—এসো মা, সাবধানে থেকো। চিঠিপত্র দিও।

ননীবালা পাড়াগাঁয়ের লাছুক মেয়ে, নিজের কথা কিছু বলতে জানে না। সুললিতা বলে—ছিল একদিন তার স্বামীকে—ওর অভাব কি, বাবা সর্ব্বশ ওর পেটে ঢুকিয়ে রেখে গিয়েছেন।

ননীবালার পেটেরাতে নগদ বাইশ টাকা আছে। ঐ তার শেষ সখল। ভগবান জানেন।

ননীবালার গহনাগুলো সংযোয়ে দুটি চেয়ে নিয়েছিল বিয়ের সময়। বিশেষ করে সুললিতা। ওগুলো নাকি তার নিজের মায়ের গায়েই আদরের গয়না। জামামত নাকি ওরই প্রাপ্য।

সুললিতা বেশী কিছু না বলেই বিদায় নিলে।

জামাই এসে প্রণাম করলে। এই লোকটিই প্রথম তার সঙ্গে কথা বলে বাবার সময়।

—মা, তাহলে আসি।

—এসো বাবা। চিঠি দিও।

—আগনি সাবধানে থাকবেন কিন্তু। একা রইলেন এখানে। দিনকাল বড় খারাপ পড়েছে।

—তা তো বটেই।

—চিঠি দেবেন—

—তোমরা আগে দিও।

পেছন থেকে সুললিতা বলে উঠলো—ওগো, দেরি কোরো না। সাড়ে দশটা বাজে।

ননীবালা ফিরে এসে ঘরে ঢুক মেয়েকে কোলে তুলে নিলে। বলে—খুকী, ওরা চলে গেল। আমাদের কেলে রেখে চলে গেল। কার কাছে ফেলে রেখে চলে গেল রে? দেওয়ালে স্বামীর কটোখানার দিকে চেয়ে ওর চোখ দুটি বেয়ে ঝরঝর করে জল পড়লো।

এর মাস দুই পরে মেয়েকে নিয়ে ননী বাপের বাড়ি চলে এসেছিলো এবং সেই থেকেই এখানে আছে।

আজ দশ বছর আগেকার কথা এসব।

সংযোয়েরা কোনো চিঠিপত্র দেয় নি, কোনো খোঁজখবরও নেয় নি।

সরবালা সেরে উঠলো না। সেই থেকে রোজ সন্ধ্যার সময় একটু একটু জ্বর হয়। না আছে ওষুধ, না আছে পথি।

ননী যখন পরের বাড়ি কাজ করতে যায়, তখন সরবালা একাই বাড়িতে বিছানায় শুয়ে থাকে। কোনোদিন জ্বর আসে, কোনোদিন আসে না। যেদিন ভালো থাকে, সেদিন কামার-বাড়ির হর আর মতি তার সঙ্গে কড়ি খেলতে আসে। যেদিন জ্বর আসে কাঁধা মুড়ি দিয়ে পড়ে থাকে। একাই শুয়ে থাকে।

ননী কিন্তু খুব শক্ত মেয়েমানুষ। কিছুতেই সে দমে না। সন্ধ্যাবেলা ফিরে এসে সে বেটে কাটে রোজ। আগে বেটে কাটতে জানতো না, ক্রমে শিখে ফেললে। এক পোরা থেকে দেড় পোরা দড়ি কাটতো প্রথম প্রথম, ক্রমে এক সের পর্যন্ত কাটতে লাগলো। রাত দশটার মধ্যে এক সের দড়ি বেশ সফল করে কাটতে পারে। প্রকাশ গাঙ্গুলীর স্ত্রী একদিন এসে বলে, বেটে কাটছো মা? বেশ বেশ।

—শিখিচি জ্যাঠাইমা। কিছু আর করা তো চাই।

—কোথার শিখলি ?

—বাড়িতে । কে আবার শেখাবে । সন্নিহিত কাঁচা বড়ো বয়সে বেটে কাটতো । তার কাটা দেখেছিলাম অনেক দিন আগে । সেই থেকে শিখেছি ।

সরবালার পা ফুললো, মুখ ফুললো, পুরনো ঘুঘুঘে জ্বর । বল্লে—এর একটা ব্যবস্থা কর, নইলে খারাপের দিকে যাবে ।

ননী মেয়েকে সঙ্গে নিয়ে হাসপাতালে একদিন অন্তর যেতে লাগলো । ডাক্তার সাহেবকে বুঝিয়ে বল্লে মেয়ের রোগের ইতিহাস ।

মাস দুই ধরে একদিন অন্তর কামাই করবার ফলে চাকুরি গেল ননীর । এক থানা ভাত আসে না, টাকা কটাও গেল । এমন হ'ল খাওয়া জোটে না । সরবালা সেরে উঠেছে একটু, কিন্তু খাবার অভাবে শুধু কাঁচা পেয়ারা খায় হিমি ঠাকরুণের পেয়ারাভলায় বসে বসে ।

এর ওপর এক নতুন বিপদ বাধলো ।

যাদের বাড়িতে ননী কি-গিরি করতো, কাজ ছেড়ে দেওয়ার জন্যে তারা খুব চটে গেল । তাদের হাতে গ্রামের কনট্রোলার দোকানের কাপড় দেওয়ার ভার । তিন মাসের মধ্যে একখানা গামছাও তারা দিলে না ননীবালাকে । কত অল্পনয় করেও তাদের মন গলানো গেল না । বাইরে বেরুনো যায় না আর কাপড়ের অভাবে । তালির ওপর তালি লাগিয়ে বতদিন চালানো যায় চললো, আর চলে না এমন অবস্থার এসে পৌঁছুলো ।

বিকেল বেলা ননী মেয়েকে বল্লে,—হ্যাঁ রে, বেটের দড়ি কাটিতে বসবি ?

—সন্ধ্যার সময় বসবো মা ।

—তেল নেই, অন্ধকারে হবে না । এখন বোস । তবু আনা চারেক পয়সা হবে সকালবেলা ।

—মা, একটা কথা শুনবে ? আমি চাঁপের বাঁচি আনবো মাদলার বিল থেকে । তুমি চাঁপের খই করতে জানো ?

—খুব জানি । তুই আনতে পারবি ? কার সঙ্গে যাবি সেখানে ? বিলের জলে কেউটে সাপের আড্ডা ।

—বাগ্‌দি-বো যাবে আর আমি যাবো । বাগ্‌দি-বো বলছিল, চাঁপের খই খেলে এক বেলা কেটে যাবে । রাজ্জে আমরা চাঁপের খই খাবো ।

ননীর মুখে ছুঃখের হাসি দেখা দিল । তার আদরের মেয়ে আজ ছুঃখ-বাগ্‌দিদের মেয়ের মত চাঁপের খই খেতে রাত কাটানো খুশির ব্যাপার বলে মনে করছে ।

মেয়েকে বল্লে,—নালু,—কাউকে বলিসনে যে চাঁপ তুলতে যাবি । এ গাঁয়ে আবার ইদিকে নেই, ওদিকে আছে কি না ।

সরবালা চল গেল বাগ্‌দি-বো নীলার সঙ্গে ।

ননী বল্লে,—ও নীলি, দেখিস্ দিদি, নালু যেন বেশী জলে যায় না । পদ্ম গাছে বড় সাপ থাকে ।

সরবালার মন খুশিতে ভরে উঠলো । মাদলার মত বড় বিল পদ্ম আর নালফুলের বনে ভরে আছে । নীল আকাশ উলুড় হয়ে আছে বিলের ওপর । যদিও বর্ষাকাল, আজ আকাশ বেশ পরিষ্কার । শরতের আমেজ আছে রক্তুরের গায় ।

বিলের ধারে নল-খাগড়ার ঝোপে তিত্‌পল্লার ফুল ফুটেছে । বাগ্‌দি-বো বল্লে—নালু, করমচা খাবে মা ? আর এই ঝোপে কত করমচা আছে—

—খাবো খাবো । তবে নীলি একটা কথা । মাকে কিন্তু বল্লে খাবো না । করমচা খাওয়ার

কথা শুনে মা বকবে। জর হচ্ছিল কিছুদিন আগে।

—তবে খেও না মা। থাক গে।

—না থাকো। তুই তবে বলি কেন? আমি ঠিক খানো—

এক মুঠো ভাঁশা করমচা চিবোতে চিবোতে নালু ও নীলি নদীর ধারে এসে দাঁড়ালো। নালু তো অবাক। কত বড় বিলটা! কত পদ্ম ফুটে আছে! ওপারে ওরা কি করছে? মাছ ধরছে? কি মাছ? কই, মাগুর?

নালু ডাক দিয়ে বলে,—কি দর, ও জেলে কাকা?

—মাছ নেবা খুকী?

—দর বলো না।

—বাছা বাছা বিলির কই, তিন টাকা সের। আর মাগুর মাছ সাড়ে তিন টাকা।

দাম শুনে কিনবার বাসনা উবে গেল সরবালার। বাপ রে, মাসে মা মোটে পাঁচ টাকা মাইনে পেতো, আমি কিনবো তিন টাকা সেরে মাছ! সে পাঁচ টাকাও আজকাল আর পায় না! হঠাৎ বাগ্‌দি-বো বলে,—নালু মা, মাছ ধরবো?

—তুমি?

—তুমি আর আমি। একজনের কাপড় খুলতে হবে। তুই ছেলেমানুষ, কাপড় খুলে ফেল।

—যাঃ!

—কে দেখছে? কোন লোক নেই এ দিগরে। বিল আর মাঠ।

নালুর কাপড় খুলে দিয়ে বাগ্‌দি-বো শুকে জলে নাথালে। হাঁকা দিয়ে ছুজনে মাছ ধরতে লাগলো। পদ্ম গাছের তলার আর শেওলার দামের মধ্যে। বৃথা পরিশ্রম। আশ ঘটী জল-কাদা মাখাই সার হ'ল। সন্ধ্যা হবার দেরি নেই। বকের দল ছায়াভরা নীল আকাশের গা বেয়ে পাল্লার বড় বিলের দিকে চলেছে। বিলের উত্তর পাড়ে বন-জাম গাছের ডালে ডালে কালো বাহুর ঝুলছে। যুগ্মি পোকা ঘুব্‌-ব্‌ শব্দ করে ডাক শুক করে দিচ্ছে ঘাসের বনে।

নালু বলে, চল নীলি। মা বকবে—এমন সময় তার পারের তলায় পদ্মবনের মধ্যে কি একটা জিনিস পিছলে গেল, সেটাকে পা দিয়ে চেপে ধরেছিল অন্তমনস্ক হয়ে।

চক্ষের পলকে নালু চোঁচিয়ে উঠল,—সাপ! সাপ!—আমাকে খেয়ে ফেলে। ওমা!—ওমা!—উহ—উ—হ—

নীলি লাফিয়ে এল ওর কাছে—ভয় কি? ভয় কি? কোথায় সাপ?

—আমাকে একবারে খেয়ে ফেলেছে—ও নীলি—আমি মরে গেলাম—মাকে বোলো—পা দিয়ে চেপে ধরিছি—উহ—

নীলি জলে ডুব দিয়ে তার নিজের প্রাণ তুচ্ছ করে নালুর পারের তলা দেখতে গেলো এবং পরক্ষণেই প্রাণ আধসের-আড়াইপোয়া ওজনের মস্ত একটা মাগুর হাতে ভুলে ভেসে উঠলো, হাঁকাতে হাঁকাতে হাসিমুখে বলে,—এই দেখো তোমার সাপ—মাগুর মাছে কাঁটা হেনেছে। আর ও ভাবছে সাপে খেয়ে ফেলে—সাপ অত সোজা নয়—

—দেখি, দেখি। ওঃ, এ যে মস্ত বড় মাগুর—

নালু পা দিয়ে কাদার মধ্যে সেটাকে চেপে ধরতে মাছটা উপরি উপরি কাঁটা হেনেছে। পা টনটন করছে ওর। মাছটা ডাঙার ভুলে এনে ওর সব যত্নগা সেরে গেল। ওরা অন্ধকার বাঁশবনের আমবনের পাশ দিয়ে বাড়ি কিরলো।

নীলি বলে,—মাছটা তুমিই নেও সবটা নালু। তোমাকে কাঁটা হেনেছে,—আর তুমিই পা

দিয়ে চেপে ধরলে—

—না নীলি। তোমার আঁকে আমার আঁকে। এসো আমার সঙ্গে—

অন্ধকার উঠানে পা দিয়েই নালু চৌচিরে উঠলো—মাগো—কি এনেছি মা, মস্ত এক মাগুর মাছ—তার পরেই সে থমকে দাঁড়িয়ে গেল। কে একজন চমৎকার মেয়েমানুষ সেজেগুজে ওদের ঘরের ছোট্ট বারান্দাতে বসে মায়ের সঙ্গে কথা বলছে। ওর মা বলে,—এদিকে এসো। দিদি এসেছেন, প্রণাম করো। তোমার মেজদিদি—

নীলি পেছন থেকে জিগোস করলে—কে উনি দিদি?

ননীবালা গর্বের সুরে বলে,—আমার মেজ ঘেরে সীমা। তিনটে পাস। কলকাতার মেয়ে-ইঙ্কলে কাজ করে। সোনার টুকরো মেয়ে। নালুকে নিতে এসেছে। বলছে, মা, আমার কাছে দাও, আমি নিয়ে গিয়ে ওকে লেখাপড়া শেখাবো। ছোট বোনটাকে এভাবে গাঁয়ে কেলে রাখতে দেবো না। তা আমি বলছি,—তোমাদের জিনিস তোমরা নিয়ে যাবে, আমার বলবার কি আছে। তোমরাই তো ওর অভিভাবক, আমি কি বুঝি, মুখা মা তোমাদের—

সীমা উঠে এসে নালুকে জড়িয়ে ধরলে দু'হাত দিয়ে।

ওর মা বলে—তোমার কাপড়ে কাঁদা লাগবে, বোসো মা সীমা, আমি আগে ওকে ধুইয়ে মুছিয়ে দিই।—

সীমা বলে,—হামি দিচ্ছি। কেন, ও কি আমার বোন নয়? কি চমৎকার দেখতে হয়েছে খুকী! নাম কি বিচ্ছিরি রেখেছো মা! সরবালা! সরবালা আবার কি? আমি নাম রাখবো শকুন্তলা, কি সন্দের চোখ দুটি। এক বছরের ছোট্ট খুকী দেখেছিলাম—

সত্যি, আত্ম কি মস্ত সন্দের সন্দের ছিল। কার মুখ দেখে উঠেছিল ননী তাই ভাবছে। বিকেলে সে পুতুর থেকে কাপড় কেটে এসেছে সবে, এমন সময় একখানি ঘোড়ারগাড়ি এসে ওর দরজার সামনে দাঁড়ালো। বেলা তখন আর নেই। ননী একদম চিনতে পারেনি। দশ বছর পরে সে দেখলে সীমাকে। উনিশ বছরের সীমার বয়েস আজ উনত্রিশ। চোখে আবার সোনা-বাধানো চশমা।

সীমা রাতে কত কথা বলে। স্মৃতিলা দিদি মজঃকরণের থাকে তার স্বামীর কর্ণকুলে। সীমা কলকাতার বোর্ডিংয়ে থেকে পড়েছে। বাবার ব্যাঙ্কে টাকা ছিল, ডাকঘরে টাকা ছিল, সব নিয়েছে বড়দি আর তার স্বামী। সীমা জানতে পেরে বলেছিল, তোমরা গরীব মাকে ফাঁকি দিলে। তাঁর কি আছে? তিনি তাঁর ছোট্ট মেয়েটাকে কি করে যাহ্ন করবেন? স্মৃতিলা নাকি বলেছিল—যা, যা, বড় মুষ্টিটির তুমি! সৎমা গেমো মেয়ে না হলে সেই আমাদের সব গপ্পার পুরতো কি না? সৎমা, সৎবোন কখনো আপন হয় না।

সীমাকে খেতে দিয়ে ননী বলে,—কিছু খেতে দেবার ছিল না। ভাগ্যিস, মাগুর মাছটা এনেছিল নালু বিল থেকে ধরে! বুঝি নালু, তোর মাছ ধরা সাতোয়াক হ'ল।

সীমা পরদিন বিকেলে সরবালাকে নিয়ে নৌকায় উঠলো। বাবার সময়ে বলে,—মা, আমি তোমাকে নিয়ে যাবো। বাসা ঠিক করি আগে। বাসাটা ছোট। শকুন্তলার জন্তে (এরই মধ্যেই সে নালুর নতুন নাম দিয়ে ফেলেছে) ভেবো না। ওকে গিরেই ইঙ্কলে ভর্তি করে দেবো। জম্মাষ্টমীর ছুটিতে নিয়ে এসে দেখিয়ে যাবো একবার। ও যে আমার বাবার মেয়ে, তা আমি কি ভুলতে পারি মা? পুজোর পর তোমাকেও খেতে হবে। রান্নার ডিপার্টমেন্ট তোমার হাতে তুলে দিয়ে আমরা দুই বোন লেখাপড়া নিয়ে থাকবো।—কি বলিস শকুন্তলা?

বিরজা হোম ও তার বাধা

ভৈরব চক্রবর্তীর মুখে এই গল্পটি শোনা। অনেক দিন আগেকার কথা। বোম্বালে-কদরপুর (খুলনা) হাইস্কুলে আমি তখন শিক্ষক। নতুন কলেজ থেকে বার হয়ে সেখানে গিয়েছি।

ভৈরব চক্রবর্তী ঐ গ্রামের একজন নিষ্ঠাবান সেকেলে ব্রাহ্মণপণ্ডিত। সকলেই শ্রদ্ধা করতো, মানতো। এক প্রহর ধরে জপ-আহিক করতেন, শূদ্রযাজক ব্রাহ্মণের জলম্পর্শ করতেন না, মাসে একবার বিরজা হোম করতেন, টিকিতে ফুল বাঁধা থাকতো দুপুরের পরে। স্ব-পাক ছাড়া কারো বাড়ি কখনো খেতেন না। শিষ্য করতে নারাজ ছিলেন বলতেন শিষ্যদের কাছে পরস্য নিয়ে থাওয়া খাটি ব্রাহ্মণের পক্ষে মহাপাপ। আর একটা কথা, ভৈরব চক্রবর্তী ভাল সংস্কৃত জানতেন কিন্তু কোন স্কুলের পণ্ডিত করেননি। টোল করাও পছন্দ করতেন না। ওতে নাকি গবর্নমেন্টের দেয় বৃত্তির দিকে বড় মন চলে যায়। টোল! ইন্সপেক্টরদের খোশাঘোষ করতে হয়। তবে দুটি ছাত্রকে নিজের বাড়িতে রেখে খেতে দিয়ে ব্যাকরণ শেখাতেন।

বর্ষা সেবার নামে-নামে করেও নামছিল না, দিনে-রাতে গুমটের দরুন আমরা কেউ ঘুমুতে পারছিলাম না। হঠাৎ সেদিন একটু মেঘ দেখা দিল পূব-উত্তর কোণে। বেলা তিনটে। স্কুল খুলেছে গ্রীষ্মের ছুটির পরে। কিন্তু এত হৃদ্যন্ত গরম যে পুনরায় সকালে স্কুল করার জন্ত ছেলেরা তদবির করছে, মাস্টারদেরও উষ্কানি তাতে ছিল বারো আনা। হেড্‌ মাস্টার আপিস ঘরে বসে আছেন। গোপীবাবু ইতিহাসের মাস্টার, গিয়ে উত্তেজিত ভাবে বল্লেন,—সার, মেঘ করেছে—

মুরলী মুখুজ্যো (এই নামেই তিনি এ অঞ্চলের ছাত্রদের মধ্যে কুখ্যাত) গম্ভীর স্বরে বল্লেন,—কিসের মেঘ?

—আজ্ঞে, মেঘ যাকে বলে।

—কি হয়েছে তাতে?

—আজ্ঞে, বৃষ্টি হবে। স্কুলের ছুটি দিলে ভালো হোত! ছেলেরা অনেক দূর যাবে, ছাতি আনেনি অনেকে।

—বৃষ্টি হবে না ও মেঘে।

খাস ইজ্ঞেদেবের আপিসের হেড্‌ কেরানীও এতটা আত্মপ্রত্যয়ের সুরে একথা বলতে দ্বিধা করতো বোধ হয়। কিন্তু সকলেই জানে মুরলী মুখুজ্যের পাণ্ডিত্যের সীমা-পরিসীমা নেই, আবহাওয়া তত্ত্বটি তাঁর নখদর্পণে। গোপীবাবু দমে গিয়ে বল্লেন—বৃষ্টি হবে না?

—না।

—কেন সার? বেশ মেঘ করে এসেছে তো?

—মেঘের আপনি কি বোঝেন? ওকে বলে জাতমেঘা, ও মেঘে বৃষ্টি হবে না।

আমিও পাশের শিক্ষকদের বিশ্রাম কক্ষ থেকে জানালা দিয়ে মেঘটা দেখেছিলাম এবং আসন্ন বৃষ্টির সম্ভাবনাতে পুলকিত হয়েও উঠেছিলাম। মুরলী মুখুজ্যের নির্ঘাত রায় শুনে আমি তাড়াতাড়ি বাইরে এসে বল্লাম—বৃষ্টি হবে বলে কিন্তু মনে হচ্ছে।

মুরলী মুখুজ্যো বল্লেন—তাতমেঘা। মেঘ হলেই বৃষ্টি হয় না।

—কোন মেঘে বৃষ্টি হয়?

বি. র. ৪—১৬

—এখন বুষ্টি হবে আলট্রা স্ট্রটোস্ মেঘে। যাকে বলে শিটক্লাউড।

—ও!

—তাছাড়া হাওয়া বইছে দক্ষিণ থেকে। মনসুনের আগে হাওয়া ঘুরে যাবে পূবে।

—ও!

আর কোনো কথা বলতে আমাদের সাহস হোল না। কিন্তু ইন্দ্রদেব সেদিন বড়ই অপদস্থ করলেন আবহাওয়াতত্ত্ববিদ মুরলী মুখুজ্যেকে। মিনিট পনেরোর মধ্যেই মেঘের চেহারা ঘন কালো হয়ে উঠলো, মেঘের চাদর ঢাকা পড়লো আরও ঘন আর একখানা মেঘের চাদরে। তারপর স্কুলের ছুটি হওয়ার সামান্য কিছু আগেই ঝন্ ঝন্ মূলধারে বর্ষা নামলো। পুরো ছুটি ঘণ্টা ধরে খাল বিল নালা ডোবা ভাসিয়ে রামবুষ্টি হওয়ার পরে বেলা সাড়ে পাঁচটার সময় আকাশ ধরে গেল। ছেলেরা তখনো পর্যন্ত স্কুলেই আটকে ছিল। কোথায় আর যাবে। সবাই আমরা আটকে পড়েছিলাম।

গোপীবাবু জয়গর্বে উৎফুল্ল হয়ে মুরলী মুখুজ্যেকে গিয়ে বলেন—দেখলেন সার, তখন বন্সাম বুষ্টি আসবে, তখন ছুটিটা দিলে আর এমন হোত না।

মুরলীবাবু বলেন—অমন হয়ে থাকে। ইতিহাস পড়ান, Higher Mathematics পড়ালে বুঝতেন। জগতে space and time নিয়ে অনেক আশ্চর্য ঘটনা ঘটে। এডওয়ার্ড গার্নেটের প্রবন্ধ পড়ে দেখবেন এ বছরের Mathematical Gazette-এ, বুঝলেন?

—সেটা কি?

—এ্যালিস্ ইন্ ওয়াগারলাও পড়েছেন তো? অঙ্কশাস্ত্রে এ্যালিস্ থু, লুক্সমাসের পরীক্ষা আর কি। পড়ে দেখুন। গোপীবাবু চলে এলেন। অঙ্কশাস্ত্রের কথা উঠলেই স্বভাবতঃ তিনি সঙ্কচিত হয়ে পড়েন।

বুষ্টি থেমেছে, স্কুল থেকে বেরিয়ে আমি আর গোপীবাবু চলেছি। দুজনেই আমরা মনে মনে বড় খুশি। হেড্ মাস্টারকে আজ বড় জব্ব করা গিয়েছে। রোজ রোজ কেবল চালাকি! এমন সময় ভৈরব চক্রবর্তীর বাড়ির দাওয়ার দেখি ভৈরব চক্রবর্তী দাঁড়িয়ে। খুব খুশি মন। আমাদের দেখে ডেকে বলেন—কেমন ননীবাবু, বিষ্টি হোল তো?

—এই যে চকোত্তি গম্ভার, নমস্কার। তা হোল।

—হবি না? আজ তিন দিন থেকে হোম করছি বিষ্টির জন্তে। ওর বাবাকে হতে হবে।

অবিশিষ্ট বুষ্টির পিতৃদেব কে, তা ভালো জানা ছিল না। বন্সাম—বলেন কি? হোম করার ফল তাহলে কলেছে বলতে হবে!

গোপীবাবু অর্ধশুট স্বরে বলে বসলেন—লাগে তাক, না লাগে তুক।

ভৈরব চক্রবর্তী কথাটা শুনতে পেরে বলেন—আমুন দুজনেই আমার বাড়ি মাস্টার বাবুর। দেখুন দেখাই।

গোপীবাবু ও আমি দুজনে দাওয়ার গিয়ে বসলাম। মনটা বেশ ভালো। দুঃসহ গরমের পর প্রচুর বুষ্টি হয়ে দিনটি একেবারে ঠাণ্ডা হয়ে গিয়েছে। আজ পনেরো দিন দারুণ শুষ্কটে রাতে ঘুমুইনি।

গোপীবাবু কেবল বলছিলেন—আজ খুব ঘুম হবে, কি বলেন?

—নিশ্চয়। তার আর ভল?

ভৈরব চক্রবর্তী আমাদের নিয়ে গেলেন ঘরের মধ্যে। সেখানে সত্যিই হোমের আগুনের কুণ্ড—বাগি বিছিয়ে তৈরি, বেলকাঠ ও জগুগিডুমুরের ডালের বাড়তি সমিধ (যজ্ঞের কাঠ)

এক পাশে গোছানো। পূর্ণপাত্রের সিঁথে সাজানো, তামার টাটে নারায়ণশীলা! সিঁথুর বেলপাতা তামার বড় খাণ্ডায়। হোম হয়ে গিয়েছে, উপকরণের অবশেষ এদিক ওদিক ছড়ানো।

ভৈরব চক্রান্তি বলেন—দেখলেন মাস্টারবাবু? হোম করার ফল আছে কি না দেখলেন? গোণীবাবু বলেন—আপনি অলৌকিক কিছুতে বিশ্বাস করেন?

—নিশ্চয়ই। নিজের চোখে দেখা। অপদেবতার কাণ্ড দেখেছি যে কত। পঞ্চমুণ্ডির আসনে জপ করার সময়!

—বলুন না ছ'একটা ঘটনা?

—না, সে-সব বলবো না। থাক গে। কিন্তু আজ এক বছরও হয়নি একটা অলৌকিক কাণ্ড দেখেছিলাম আমার এক যজ্ঞমান-বাড়ি। সেইটাই বলি। একটু চা করতে বলি?

এমন সময় আবার কালো মেঘ করে বৃষ্টি শুরু হোল। অন্ধকার হয়ে এল চারিদিক। ঝড় উঠলো খুব ঠাণ্ডা হাওয়ার। ছড় ছড় করে পাকা জাম পড়তে লাগল চক্রান্তি মশায়ের বাড়ির সামনের গাছটা থেকে। নতুন জলে ব্যাঙ ডাকতে লাগলো চারিদিকে।

চা এল। আমরা ছাতি নিয়ে বেরুইনি। এই বৃষ্টি মাথায় করে যাবার উপায় নেই। বেশ জমিরে গল্প শুনবার জন্তে ভৈরব চক্রবর্তীর মাটির দাওয়ার মাছরের ওপর বসে গেলাম।

ভৈরব চক্রবর্তী আমাদের চা দিয়ে তামাক সেজে নিয়ে এলেন। তারপর শুরু করলেন গল্প বলতে:

আর বছর ভাদ্র মাসের কথা। এখনো বছর পোরেনি। আমার এক যজ্ঞমান-বাড়ি থেকে খবর পেলাম তার একটি মেয়ের বড় অসুখ। আমাকে তার বাড়িতে গিয়ে বিরজা হোম করতে হবে মেয়েটির জন্তে। বিরজা হোমে পূর্ণ আহুতি দিলে শক্ত রুগী ভালো হয়ে যায়। আগি এমন মারিয়েছি।

আমাকে তারা নৌকো করে নিয়ে গেল গোবরডাঙ্গা স্টেশন থেকে যমুনা নদীর ওপর দিয়ে। অজ্ঞ পাড়ারী। ঘরকতক ব্রাহ্মণ ও বেশির ভাগ গোয়াল ও বুনায়েদের বাস। যমুনার ধারেই গ্রাম। গ্রামের মেয়েরা নদীর ঘাটেই স্নান করতে আসে।

—গ্রামের নাম কি?

—সাতবেড়। তারপর শুভুন। গ্রামে গিয়ে পৌঁছুলাম বিকেলে। খুব বন-জঙ্গল গ্রামের মধ্যে। একটা ভাঙা শিবমন্দির আছে, সেকলে ছোট ইটের তৈরি। মন্দিরের মাথায় বট অশ্বথের গাছ গজিয়েছে। প্রকাণ্ড বড় একটা শিবলিঙ্গ বসানো মন্দিরের মধ্যে, চামড়িকের নাদিতে আকর্ষণ ডোবা অবস্থায়। পূজো বন্ধ হয়ে গিয়েছে বহুদিন আগেই।

এই সময় আমাদের জন্তে ভৈরব চক্রবর্তীর বড় মেয়ে শৈল চালভাজা ও ছোলাভাজা নিয়ে এলো তেলহুন মেখে। ভৈরব চক্রবর্তী বিপত্নীক, তার মেয়েটি শশুরবাড়ি থেকে এসেছে সবে ক'দিন হোল, চলে গেলে চক্রবর্তী মশাই নিজেই রান্না করে খান।

আমরা সকলেই খাবার খেতে আরম্ভ করে দিলাম। ভৈরব চক্রবর্তীও সেই সঙ্গে। এখনও দিবা পাতের জোর, ওই বরসে এমন চাল-ছোলাভাজা যে খেতে পারে, তার বহুদিনেও পীত নষ্ট হবে না।

তিনি খেতে খেতেই বলে চল্লেন—এই শিবমন্দিরটার কথা মনে রাখবেন, এর সঙ্গে আমার গল্পের সম্পর্ক আছে। তারপর আমরা গিয়ে সে বাড়ি উঠে হাত-পা ধুয়ে জল খেয়ে ঠাণ্ডা হবার পর গৃহস্থানী একটি ঘরে আমায় নিয়ে গেলেন। অসুস্থ মেয়েটি সেই ঘরে শুয়ে আছে। বরসে জেরো-চোক্ষ হবে, নিতান্ত রোগী নর, বেশ মোটামোটা ছিল বোঝা যায়—গলায় একরাশ

মাহুলি। যেহেতু চোখ বুজে একপাশ ফিরে গুয়ে আছে। আমি ঘরের মধ্যে ঢুকতেই এবার সে মাথা তুলে তাকিয়ে দেখে আবার পাশ ফিরলে।

যেহেতুর গারে জর। বেশ জর, জিনের কাছাকাছি হবে। চোখে ক্লান্ত দৃষ্টি, চোখের কোণ সামান্ত লাল। নাড়ি দেখলাম, বেশ নাড়ি, শক্তই আছে। হঠাৎ কোনো ভয়ের কারণ আছে বলে মনে হোল না। তাছাড়া, আমার ওপর যেহেতু চিকিৎসার ভার নেই, আমি এসেছি হোম করতে!

গৃহস্থামী বল্লেন—আপনি আলীকর্বাদ করুন, পায়ের ধুলো দিন মাথায় ওর।

পায়ের ধুলো মাথায় দিতে যাচ্ছি এমন সময় হঠাৎ গৃহস্থামী আছাড় খেয়ে পড়ে গেল খাটের পাশে। আমি চমকে উঠলাম। হাত নড়ে গেল। লোকজন দৌড়ে এল কি হয়েছে দেখতে। কিছুই দেখানে নেই, না একটা-কলার খোশা না কিছু। লোকটি পড়লো কি করে? পায়ের ধুলো দেবার কথা চাপা পড়ে গেল। গৃহস্থামীর মাথায় ও মুখে ওর বড় শালা ঠাণ্ডা জল দিতে লাগলো। যেহেতু ফুঁপিয়ে কীদতে লাগলো। সে এক হৈ-চৈ ব্যাপার।

আমার মনটা ধারাপ হয়ে গেল। আমি তাত্ত্বিক হোম করি। কিছু কিছু দৈব ঘটনা বুঝি। লক্ষণ, প্রতিলক্ষণ, চিহ্ন আর ইঙ্গিত এই নিয়ে মৈব। গোড়াতেই এর লক্ষণ ধারাপ বলে যেন মনে হচ্ছে। তবে কি হোমে বসবো না? সন্ধ্যার কিছু পরে শিবমন্দিরের সামনের রাস্তায় পায়চারি করছি। বড্ড গরম। বাড়ির মধ্যে হাওয়া নেই। রাস্তায় তবু একটু হাওয়া বইছে। হঠাৎ আমার কানে গেল, কে যেন বলছে—শুহুন, শুহুন। দুবার কানে গেল কথাটা। এদিক ওদিক চাইতেই চোখে পড়লো শিবমন্দিরের মধ্যে ঠিক দোরের গোড়ার একটা কে যেহেতু দাঁড়িয়ে।

বল্লাম—আমায় বলছেন?

—হ্যাঁ। ও খুকীর জন্তে বিরজা হোম করবেন না। ও বাঁচবে না।

—কে আপনি?

—আমি যে-ই হই। যদি ভাল চান, হোম করবেন না।

আমি বিস্মিত হোলাম। নির্জন, অন্ধকার, ভাঙা মন্দির। সেখানে এখন যেহেতু আসবে কে? এমন আশ্চর্য্য কথাই বা বলে কেন? আমার খানিকটা রাগও হোল। আমার ইচ্ছার ওপর বাধা দেয় এমন লোক কে? মাহুত তো দূরের কথা, অগদেবতাকেও কখনও গ্রাহ্য করিনি। মায়ের আলীকর্বাদে সবই সম্ভব হয়। ভৈরব চক্রবর্তীকে ভয় দেখানো সহজ নয়।

আমার এই অন্তত দর্শনের কথা বাড়ি ফিরে কাউকে বল্লাম না। রাত্রে বসে হোমের জিনিসপত্রের ফর্দও করে দিলাম। তারপর রাত আটটা বাজল, গৃহস্থামী আমাকে রান্নাবান্না করতে বল্লেন। এইবার আমার গল্পের আসল অংশে আসবো। তার আগে ওদের বাড়িটার সংক্ষেপে কিছু বলা দরকার।

বাড়িটা খুব পুরনো কোঠা বাড়ি, কোনো ছিরি সৌষ্ঠব নেই, কিন্তু দোতলা। পল্লীগ্রামে দোতলা বাড়ি বড় একটা দেশা যায় না। যমুনা নদীর ধারে ঠিক নয় বাড়িটা, সামান্ত দূরে। মধ্যে কেবলমাত্র একখানা বাড়ি। ঐ বাড়ির ছাদ আর এ বাড়ির ছাদের মধ্যে দশ-বারো ফুট চওড়া এককালি জমির ব্যবধান।

ছাদের ওপর একখানা মাত্র ঘর। সেই ঘরে আমার বিছানা পাতা হয়েছে। পাশে খোলা ছাদে তোলা উম্মনে রান্নার ব্যবস্থা করা হয়েছে। সোনামুগের ডাল, আতপ চাল, বাড়ি, আলু

আর ঘি। আমি একাই রাঁধছি, রান্নার সময় কাছে কেউ থাকে আমি পছন্দ করিনে। রান্নার আগে একবার চা করে খেলায়। পরের তৈরি চা খেয়ে তৃপ্তি পাইনে।

রান্না করতে রাত হয়ে গেল। রাত সম্পূর্ণ অন্ধকার। একটু জ্বিলিয়ে তামাক খেয়ে নিয়ে ভাত বেড়ে নিলাম হাঁড়ি থেকে আঙুট-কলার পাতে। তারপর খেতে বসবার সঙ্গে সঙ্গেই মনে হোল ছাদে আমি একা নেই। এদিক ওদিক চাইলাম, কেউ কোথাও নেই, রাত বেশি হয়েছে, বাড়ির লোকও নিচের তলায় খেয়েদেয়ে গুরেছে, গ্রামই নিশ্চুতি হয়ে গিয়েছে। কেবল যমুনা নদীতে জেলেদের আলোর মাছ ধরার ঠুক ঠুক শব্দ হচ্ছিল।

হঠাৎ খেতে খেতে মুখ তুলে চাইলাম।

আমার সামনে ছাদের ধারে ওটা কি গাছ? কালো মত, লম্বা তাল গাছের মত? এতক্ষণ ছাদে বসে রান্না-বাড়া করছি, কই অত বড় একটা গাছ নজরে পড়েনি তো এর আগে? ছিল নিশ্চয়ই, নয়তো এখন দেখছি কি করে। কি গাছ ওটা! সত্যি, যখন চা খেলায়, তখন ছোটো বাড়ির মধ্যকার ওই রাস্তাটা দিয়ে একথানা গরুরগাড়ির কাঁচ, কাঁচ শব্দে আমাকে ওদিকে তাকাতে হয়েছিল। তখন, কই তো অত বড় একটা তাল গাছ—উহু, কই! নাঃ, দেখিনি।

কিন্তু তাল গাছটা এমনভাবে—ও কি রকম তাল গাছ? ওকি! ওকি!

আমি ততক্ষণ বিভীষিকা দেখে ভাত কলে উঠে পড়েছি।

তাল গাছ না।

এখনো ভাবলে—এই দেখুন গায়ে কাঁটা দিয়েছে। যদিও আমার নাম ভৈরব চক্রতি, তান্ত্রিক। পিছনের ছাদের কার্নিসের ওপর দাঁড়িয়ে এক বিরাটকায় অশ্বর কিংবা দৈত্যের মত মূর্তি, তার তত বড় বড় হাত পা—সেই মাপে। মাথাটা একটা ঢাকাই জালার মত, চোখ দুটো আগুনের ভাঁটার মত রাঙা, আগুন ঠিকরে পড়ছে! আমার দিকেই তাকিয়ে আছে অশ্বরটা, যেন আমাকে জালিয়ে ভস্ম করে কেলবে।

বিরাট মূর্তি। তালগাছের মতই লম্বা। অনেক উঁচুতে তার মাথাটা। নিচু চোখে সেটা আমার দিকে চেয়ে আছে।

ভালো করে চেয়ে চেয়ে দেখলাম। ছুঁছুঁবার চোখ রগড়লাম। দুবার চা খেয়ে কি এমন হোল? না। ওই তো সেই বিরাট, তাল শাল নাগকোল গাছের মত তে-ঢাড়া বেথাল্লা অপদেবতার মূর্তি বিরাজ করছে সামনে জমাট অন্ধকারের মতো। এবার ভালো করে দেখে মনে হোল পিছনের ছাদে সেটা দাঁড়িয়ে নয়, কোথাও দাঁড়িয়ে নেই—হুই বাড়ির মধ্যকার ফাঁকটাতে দাঁড়িয়ে বলা যায়! কারণ ওই জীবের নাভিদেশ থেকে ওপর পর্যন্ত আমার সামনে। তার নিচেকার অঙ্গপ্রত্যঙ্গ আমার দৃষ্টিরখার নিচে।

এ বর্ণনা করতে যত সময় লাগলো, অতটা সময় লাগেনি আমার বারকয়েক দেখতে জীবটাকে। এক থেকে দশ গুনতে যত সময় লাগে, বাস্। আমি বলতে পারি অল্প যে কেউ ওই বিকট অপদেবতার মূর্তি অন্ধকারে নির্জনে ছাদে গভীর রাতে দেখলে আর গোলাব ধানের ভাত খেতো না পরদিন।

আমি অপদেবতা দেখেছি, পঞ্চমুণ্ডির আসনে বসলে জপের শেষের দিকে প্রায়ই ভয় দেখাতো। কিন্তু সে এ ধরনের বিকট ও বিরাট ব্যাপার নয়। ভয় পেয়ে গেলাম। ঠক ঠক করে কাঁপতে লাগলাম। চক্ষে অন্ধকার দেখে পড়ে যাই আর কি। পড়লেই হয়ে যেতো। দুর্বল মানুষ মরে ওদের হাতে। মন সবল হোলে ওরাই পালার।

নিজেকে তখুনি সামলে নিলাম। তারামল্ল জপ শুরু করলাম জোরে জোরে। সেই দিকে

চেরে মস্ত্র জপ করতে করতে ক্রমে মূর্তি মিলিয়ে গেল অন্ধকারে ।

মূর্তিটা আমার সামনে সবস্বচ্ছ দাঁড়িয়ে ছিল এক থেকে ত্রিশ গুনতে যতটা সময় নেয় ততটা । এর খুব বেশী হবে না কখনো । সেটা মিলিয়ে যেতে আর একবার চোখ রগড়লাম, কিছুই নেই । বিশ্বাস করুন, প্রায় সঙ্গে সঙ্গেই নিচের তলা থেকে কাঁসাকাটি উঠলো । রুগ্মী মেয়েটি যারা গিয়েছে ।

—তখুনি ?

—তখুনি । এ ব্যাপারের কোনো ব্যাখ্যা দিতে আমি রাজী নই । যা ঘটেছিল অবিকল তাই নিবেদন করলাম আপনার কাছে । বিশ্বাস করুন বা না করুন ।

বুড়ো হাজরা কথা কয়

সকাল বেলা পাঁচুদাসী বাড়ি থেকে বেরিয়েছিল ।

সারাদিন নৌকো বেয়েছে মাঝি, সন্ধ্যায় বনগাঁ ইন্টিশানে এসে পৌছোয় । কতদূরে যেতে হবে তা সে জানতো না । কত জলকচুরির দামের ওপর পানকোড়ি বসে থাকা, ঝিরঝিরে-হাওয়ার-দোলা বাঁশবনের তলা দিয়ে দিয়ে নৌকো বেয়ে আসা ; জলকচুরির নীল ফুলের শোভায় গলুসি-বন্ধিপুরের চর আলো করে রেখেচে ; কত বন্তেবুড়োর গাছে গাছে ঠাণ্ডা নদীজলের আমেজে বকের দল, পানকোড়ির দল বসে ঠিক যেন ঝিমুচ্ছে ।

পাঁচুদাসীর স্বামী উদ্ধব দাস বেশ জোয়ান-মদ্র লোক । বৈষ্ণব কবিতার সঙ্গে কোনো সম্পর্ক নেই ওর—শক্ত হাত-পা, এই লম্বা এই চওড়া বুক, এই হাতের গুলি, এই বাবরি চুল । জাতে কাপালী, বন-জঙ্গল উড়িয়ে তরিতরকারির আবাদ করে সোনা ফলায় । দক্ষিণ অঞ্চল থেকে ওরা এসে এখানে বাস করচে আজকাল সেই সব গায়ে, যেখানে দশ বছর আগেও ছিল কাঁটাবন, ঘোপ-জঙ্গল । যা-হোক দু'পরমা রোজগারও করে, বিশেষ করে আজকাল যুদ্ধের দরুণ তরিতরকারির যা দাম ।

উদ্ধব বললে স্বীকে—চিড়ে কতগুলো আনলি ?

পাঁচুদাসী বেশ শক্ত-সমর্থ মেয়েমাহুব । একহারা, লম্বা, শ্রামল, উনিশ-কুড়ি বয়েস, মুখের ভাবে বেশ একটা কাঁচা লাগে মাখানো—অথচ একা সংসারের সব কাজ মুখ বুজে করে যাবে, চার-পাঁচটা হালের গরুর ডাবায় জল তুলবে কুয়ো থেকে, বাইরের বড় গোয়াল পরিষ্কার করবে, দশ গুণ্ডা বিচালির আঁটি কাটবে—তারপরে আবার রান্নাবান্না করবে—স্বামীর মাঠের পান্ডাভাত, গরমভাত, জনমজুরের ভাত—এসো-জন, বসো-জন, গেরহর সবই ভো থাকে । রাতদুপুরে লোক-কুটুম্ব এলে পাকি আড়াই-সেরা কাঠার এক কাঠা ডবল-নাগরা চালের ভাত বড় তোলো হাঁড়িটার চড়িয়ে দেয় এক নিমেষে । দেখতে নরম-সরম হোলোও লোহার মত শক্ত হাত-পা ।

পাঁচুদাসী একটা ছোট খলে নৌকোর খোল থেকে টেনে বার করে হাতে আন্দাজ করে বললে—কাঠা দুই—

—ওতেই হবে !

—আমি তো উপোস । শুধু তুমি আর মাঝি ছোঁড়া থাকে—

—তেঁতুল এনেছিস্ তো ?

—হঁ-উ-উ ।

স্বামীর দিকে বঙ্কিম-কটাক্ষে চেয়ে বলে—যত পারো—

তারপর আবার নৌকা চললো উলটি বাড়ার কিনারায় কিনারায়, নদীর ঠাণ্ডা শ্রামল জল-ধারা যেখানে ছুঁয়ে ছুঁয়ে চলেচে ভাঁটার টানে সাতভেরতলার বড় বটগাছের দিকে। উদ্ভব দাস তামাক খাবার জন্তে চকমকি ঠুকচে, মাঝিকে বলচে—ইদিকি এবার বাঙানের বীজপাতা দেওয়া হয়নি দেখচি—ঠ্যা রে, এ ক্ষেতটা কি জেড়ো কুমড়োর ?

মাঝি বলে—জেড়ো কুমড়ো না হলে কি অত বড়ডা হয়—গাখচো না ?

—চন্ডির মাসের শেষ—এখনো ক্ষেতে শীতের কুমড়ো কাটেনি—কেমনধারা চাষা এরা ?...
তামুক খাবা ?

মাঝি ছোঁড়া ঘাড় নেড়ে বলে—খাইনে।

—তোর দাদা মনিন্দর তো খায়।

—খায় না ? বলে হুকো শোষে। দাদা খায় বলে কি আমাকেও খেতে হবে ?

—না তাই বলচি।

—কি চর এডা ? আর কদ্দুর ?

—চর পোলতা। আর ছ'খানা ঝাঁক।

—ঝাঁকের মুড়োর, না ঝাঁকের মাজার ?

—একবারে ও মুড়োর—

—তাহ'লে এখনো দেড় ঘণ্টা দু ঘণ্টা—

পাঁচুদাসী দেখতে দেখতে যাচ্ছে, বেশ ভাল লাগছে ওর। বাড়ি থেকে কত দিন একটু বেরনো হয়নি, শুধুই গোয়াল পরিকার, ক্ষার কাচা, বাসন মাজা, তোলা তোলা ধানসিদ্ধ, গরুর ডাবার জল তোলা...এ যেন মুক্ত দিনের লীলায়িত অবকাশ! দিন-শেষের হলদে রোদে আকাশ কেমনতর হয়ে উঠে, নৌকোর গলুইয়ে চলমান নদীর ছলছল রাগিণীর ছন্দ বাজচে, গলা-লহা কি পাখী শেওলার মধ্যে জেলেদের পাতা তেঁতুল ডালের হাড়ির ওপর বসে নৌকোর দিকে চেয়ে আছে, নলখাগড়ার বনের গত শীতকালের তিতপল্লার ফল শুকিয়ে শুকিয়ে ঝুলচে, ভূস ভূস করে শুশুক ডুবচে উঠচে জলে নৌকোর এপাশে ওপাশে।

—হ্যাগো, ওগুলো কি, শুশুক না কচ্ছপ ?

—শুশোক—

—আহা-হা, শুশোক বুঝি ?—শুশুক তো বলে। বাঙাল কোথাকার।

পাঁচুদাসী নাগরিকতার আভিজাত্যে ঘাড় বেকিয়ে হাসির কিলিক দিয়ে স্বামীর দিকে চায়।

—নাও, নাও, ওই হোল, শুশুকই হোল—

—খিদে পেয়েচে ?

—পাইনি ? সে তুই বুঝিস নে ? তোকে বলতে হবে ?

ঠিক ঠিক। পাঁচুদাসীর ভুল হয়ে গিয়েচে। ওর বড় খিদে, জোয়ান ময়দ পুষ্ক, ভুতের মত খাটে দিন-রাত, মাটির সঙ্গে কাজকারবার। একটি কাঠা তার নাম। চিঁড়ে আর তেঁতুল আর লবণ আর আখের গুড়। এক নিঃশ্বাসে কাবার করবে। ওর খাওয়া একটা দেখবার মত জিনিস বটে।

বালাই ঘাট, চোখ দিতে নেই।

—জাঙট পাতার দেবো তো !

—ভিজিয়েচ ?

—না, এই গামছার বেঁধে দিচ্ছি—নৌকো থেকে জলে ডুবিয়ে খানিকটা বসে থাকো! বাঁশলা ধানের চিঁড়ে, এখুনি ভিজ্জে কাঁদা হয়ে যাবে। ওই মাঝি ছোঁড়াকেও দিই ওই সঙ্গে—তাকেও বলো—

চর পোলতা ছাড়িয়ে দু'ধারে বনজঙ্গল, ঘাটবাঁওড়ের চর। ওরা একমনে খেয়ে যাচ্ছে, মাঝি নৌকো বেঁধেছে একটা বাঁড়া ঝোপের কোলে। বড় কুবো পাখী পাখা কটুপট্ করচে আলোক-লতার জালের আর কুঁচকাটার জটিল ডালপালার নিবিড়তায়। কাল রাতের সে স্বপ্নটার কথা মনে পড়ায় পাঁচুদাসীর সারা গা আনন্দে রোমাঙ্কিত হয়ে উঠলো।

আর ঠিক কি কাল-রাতেরই!

যে ভোরবেলা নৌকো ছাড়বে মিশেনখালি ঘাবার জন্তে, ঠিক তার আগের রাতেরই!

সারা গা যেন শিউরে ওঠে আনন্দে ও বিস্ময়ে।

স্বপ্ন দেখলে সে যেন তাদের বাড়ির উত্তরদিকে যে কলুদীঘি আছে, তার উঁচু পাড়ে বড় ঘোড়া-নিমগাছটার তলায় অকারণ দাঁড়িয়ে আছে। যেঁটু ফুল দুটি আলো করেছে দীঘির পাড়, এখন চৈত্র মাসে তার মাঝে মাঝে কালো শুঁটি ধরেছে—সেখানটাতে সে দাঁড়িয়ে রয়েছে, এমন সময়ে একটি ছোট্ট ছেলেকে বনের দিকের কোথা থেকে যেন এল। ওর হাঁটু ধরে দাঁড়ালো, ওর মুখের দিকে চাইলো—ওর হাতে একটা পাকা বেগুন ঝোলানো, তাদের ক্ষেতে বীজপাতা দেওয়ার জন্তে যেমন বেগুন টাঙানো থাকে বাইরের চণ্ডীমণ্ডপের আড়ায়। বল্লে—তোর কাছে আমি আসবো না?

পাঁচুদাসীর নিঃসন্তান বুড়ু প্রাণ বলে উঠলো—আসবি খোকা? আসবি? তোর হাতে ও কি?

—বাগুন। তাদের ক্ষেতে নিড়েন পাট করে পুঁতে দেবানি—

—ওরে আমার সোনা! ক'নে ছিলে এমন মানিক? আর আর—

কি চমৎকার মুখখানা খোকার। ওই ছিক ঘোষের মেজ নাতির মত দেখতে। পাঁচুদাসীর বকের মধ্যে মোচড় দিয়ে উঠলো স্বপ্নের কথা ভেবে। কোথায় হারিয়ে গেল সে মুখ। স্পষ্ট মুখখানা মনে পড়ে এখনো! চোখে জল এসে পড়ে পাঁচুদাসীর।

সত্যি যেন এ স্বপ্ন! সত্যি হবে?

আজই বিশেষ করে ও-স্বপ্ন কেন?

আজ পাঁচটি বছর বিয়ে হয়েছে, একটি ছেলে নেই, মেয়ে নেই। নিঃসন্তান দাম্পত্য সংসারের আকাশে বাতাসে আড়ালে অবকাশে নিহুঁর কালো ছায়া ফেলে থমথমিয়ে থাকে, অথচ অভাব তো নেই সংসারে। গোলাভরা ধান, ভোলভরা মুসুরি, ছোলা, ক্ষেতপোরা বেগুন, কুমড়া, ঢেঁড়নের চারা ঠেলে উঠেছে কানিজালের ক্ষেতে। গত শীতকালে সাতগুণা তাঁড় খেজুর গুড়ে ভর্তি করে আড়ায় তুলে রেখেছে বর্ষাদিনের জন্তে। হাটুরা হাট চার-পাঁচ টাকা শুধু বেগুন কুমড়া বিক্রি। লাউ কী মাচার! যেমন ভেজালো লতা, তেমনি তার ফলন! স্বর্ধ্যমুখী লতা খেতে ছুদিকে মুখ করে যেন চোদ্দ পিঁদিম জালিয়ে রেখেছিল মাঘের শেষেও।

উদ্ধব দাস খাওয়া শেষ করে থালা ধুয়ে ফেলে নদীর জলে। মাঝি ছাড়লে ডিঙি। পশ্চিম আকাশে মেঘ জমে আসচে, কালবোশেখীর দিন, উদ্ধব বল্লে—ও মাঝি, হাত চালিয়ে নাও—ওই জ্বাখো—

মাঝি তাজিলোর সঙ্গে ঈশান কোণের আকাশে চরে বল্লে—তাজমেঘা। জল হবে না।

—তাকে বলগেচে।

—দেখে নিও মোড়ল। তাতের মেঘ, বাতাস উঠতি পারে, জল হবে না।

—বাতাস উঠলেও তো মুশকিল। হাত চালিয়ে নাও—এবার ক'খানা বীক?

—আর একখানা। ওই পাইকপাড়ার বটগাছ থেকে শুক হোল বীকখানা। ওর ও-মুড়োর—
পাঁচুদাসীর মজা লাগে ওদের কথাবার্তা শুনে।

বাড়ি থেকে বেরুলে দুশো রগড়। আজ চরের কাশবনে চড়ুইভাতি চাঁদের আলোর তলায়।
বাঁশের চোড়ে ফুঁ পেড়ে ঘোঁড়াভরা রান্নাঘরে ভাত রান্না নয়। কি বিখ্রী এবারকার তেতি বীজ
গাছের চালাগুলো। আগুন ধরতে কি চায়! ফুঁ পেড়ে পেড়ে চোখ রাঙা হয়ে যায় একেবারে।
সেই ছোট্ট থোকা যেন ওই চরে কাশের ডগায় ডগায় কড়ি প্রজাপতি ধরে বেড়াচ্ছে। তাকেই
ও দেখতে সর্বত্র। সব সময়ই তার কথা মনে পড়চে।

স্বপ্ন কি সত্যি হয়?

যদি সত্যি হয়! কে বলতে পারে?

ওর সারা গা আবার যেন শিউরে ওঠে।

সন্ধ্যার আর দেয় নেই। ওই দূরে বাঁদিকের পাড়ে একটা ইটের পাঁজা। অল্পদিকে হলদে
রঙের কোঠাবাড়ি একটা। বড় বড় গাছের তলায় আরও দু'একটা বাড়ি-চোখে পড়ে। পাঁচুদাসী
জিগ্যাস করলে—হ্যাঁগা, ওই বাড়িটা কাদের? ভালো বাড়ি।

মাঝি বলে—ওটারে বলে ডাক-বাংলা। সাহেবরা এসি থাকে।

উজ্জব দাস বলে—সেবার বাগুন বিক্রি করতি এসে দেখি ওর বারান্দায় গোরু সাহেব
পিলপিল করচে। এই সঙ্গে মটোর গাড়ি দাঁড়িয়ে। ভিড় কি! সাহেবের ছেলেরা ছুটোছুটি
করচে ইদিকি ওদিকি।

পাঁচুদাসী কি ভেবে বলে—হ্যাঁগা, সাহেবদের ছেলেরা দেখতি কেমন?

—খুব করসা।

—কেমনধারা করসা?

—সে কি বোকাবো তোরে? তুই পাড়গোঁয়ে ভূত। সাহেবের কি বুঝি?

—আহ-হা! আর উনি একেবারে শহুরে বাবু! সেই একবার বাগুন বেচতি তো
এসিছিলে—বলে জন্মের মধ্য কন্স, চব্বির মাসে রাস!

ওরা ডাক্তার জিনিসপত্র নামালো। হেসে যেতে হবে ইষ্টিশানে—আধকোশটাক ডাকবাংলার
ঘাট থেকে। একটা ভারি বোচকা, এক বোকা ভাঁটা আর কুমড়া শাক এই সঙ্গে। পাঁচুদাসী
বোচকা কাঁখে পেছনে পেছনে চললো—আগে আগে উজ্জব দাস! মাঝি রইল ঘাটেই, কাল-
তলায় সে রেঁধে-বেড়ে খাবে, নৌকোতে শুয়ে থাকবে রাত্রে—আবার কাল রাত দশটার সময়
ওরা ফিরবে, নৌকো ছাড়া হবে তখন।

উজ্জব দাস বলে—তোমার কি কি লাগবে বল, কিনে দিয়ে যাই—

—হাড়ি একটি, সরা একটি,—আর খলি মাছ যদি বাজারে পাই, মাছের দামটা দিয়ে যাও।

—মুসুরি ভাল খাবা। এক সের ভাল দিইচি আবার মাছের পরসা; ভারি বড়নোক
দেখেচো মোরে!

মাঝি অল্পনয়ের সুরে বলে—দিয়ে যাও মোড়ল। আমাদের ওদিকি থররা মাছ খেতি
পাইনে। যদি কাল বাজারে থররা মাছ পাই—চার আনা জাও।

পাঁচুদাসী স্বামীকে ধমক দিয়ে বলে—জাও না গো ওকে। ছেলেমানুষ। যাচ্ছি একটা
শুভ কন্সে। যা খেতি চার ওর প্রাণ, দাঁও ওকে। চারগুণা পরসা দাঁও মাছের আর দু-আনা

দাও রসগোল্লার—

উদ্ধব দাসকে অগত্যা মগদ ছ'আনা পরমা দিতে হোল মাঝির হাতে । মেরেমাঝুরের নাই পেনে কি আর রকে রাখে লোক ? ঝাকগে ।

কখন গাড়ি আসে নাভারনের ওরা কিছুই জানে না । স্টেশনে গিরে জিগোস ক'রে জানা গেল নাভারনের গাড়ি আসবে কাল ভোরবেলা । কেউ জানে না সে কথা । পাঁচুদাসী স্বামীকে বকলে, না জেনেওনে আসো কেন ? নৌকোতে রাত কাটালে দিবি হোত । এখানে কি শোবার জায়গা আছে ? এত ভিড়, এত লোকের চিংকার—গাগো, ইন্টিশান নয়—যেন কুদিপুরের গাজনতলার আড়ং বসেচে ।

উদ্ধব দাস অভিজ্ঞতার অটুট গাভীরোর সঙ্গে বলে—তুই খাম দিকি । তুই চিনিচিস্ কেবল কুদিপুরের গাজনতলার আড়ং—দেখলি বা কি জীবনে ?

—তুমি খুব দেখেচো তো ? তা হোলেই হোলো—

—ভোর চেরে তো বেশি । আমি আসিনি বনগী ইন্টিশান ? শেরালদ' গিইচি আলু-পটলের আডতে । এই রেল চড়ে যেতি হয় । সাড়ে চোদ্দ আনা ভাড়া । এই দিকি—

উদ্ধব দাস আঙ্গুল দিয়ে কোলকাতা লাইনের ডিসট্যান্ট সিগন্যালটা দেখালে ।

উদ্ধব দাস জিগোস করে একজন কুলীকে—বলি শোনো, একটু ভালো জল পাওয়া যায় ক'নে ?

কুলী আধা বাংলা আধা হিন্দিতে যা বলে গেল তার অর্থ এই—ভালো জল আমি পাব কোথায় ? নিজে খুঁজে জাখো ।

একজন ওদের বলে দিলে, ওভারব্রিজের ওপর বিছানা করে শুতে । ওখানে হাওয়া আছে, মশা লাগবে না, প্র্যাটকর্থে বেজায় মশা ।

ওরা তাই করলে বটে, কিন্তু রাতে পাঁচুদাসীর মোটে ঘুম হলো না । হৈ-চৈ চিংকার, রেলগাড়ি আসচে সারা রাত ধরে । কত কষ্টে ভোর হোল । রাত আর পোহায় না ।

ঘুমজড়িত কণ্ঠে পাঁচুদাসী বলে—হ্যাগো, ওই চা কি লোকের খাবার সময় অসময় নেই গা ? সারা রাতই চা গরম ! লোকে ঘুমবে না চা খাবে ? চক্ষুও কি ওদের ঘুম নেই ? এমন অনাছিটি কাণ্ডও যদি কখনো দেখে থাকি !

ভোরে নাভারনের ট্রেন এল । লোকজন সব উঠলো । ওরাও উঠল । আবার সেই ছোট খোকার মুখ মনে পড়লো পাঁচুদাসীর । সেই ছোট্ট সুন্দর মুখখানি, সন্মুখের এক অজানা দিনের কোণ থেকে উকি মারচে, কিসের আড়াল ওদের দুজনের মাঝখানে ? হাজরাতলার বুড়ো হাজরা ঠাকুর কি সে আড়াল দূর করতে পারবেন !

নাভারন ছোট্ট ইন্টিশান ।

সামনের চণ্ডা পাকা রাস্তা গিরে ওখারের বড় রাস্তার মিশেচে । বড় বিলিতি চটকা-গাছের সারি পথের দুধারে । পাঁচুদাসী বলে—ও রাস্তা কোথাকার গো ?

উদ্ধব দাস জানে না । বলে—কি জানি ? বলতে পারিনে ।

একজন গাড়োয়ান ধানের বস্তা নাগাচ্ছিল গরুর গাড়ি থেকে, সে বলে—ওই রাস্তা ? ও গিরেছে বশোরে, ইনিকে কলকাতার । ওর নাম বশোর রোড ।

বশোর রোড ! বশোর রোড ! পাঁচুদাসীর মুখে হাসি এসে পড়ে অকারণে ! কি নাম বে বাপু !

উদ্ধব দাস সেই গাড়ির গাড়োয়ানকে বললে—নিশেনখালির হাজরাতলার নিরে বাবা ?

—তা যেতি পারি। ক'জন ?

—ছজন। এই তো দেখতে পাচ্চ।

—আজ পরবের দিন, সেখানে বড় ভিড় হয়, কত দেশ থেকে হাজরাতলায় পুজো দিতি লোক আসে। পাঁচটি টাকা ভাড়া লাগবেক যাতায়াতে।

এমন সময় পাঁচদাসী লক্ষ্য করলে দামী শাড়ি পরনে একটি স্কন্দরী বৌ স্টেশনের বাইরে জামতলাটায় ওদের কাছে এসে দাঁড়ালো। ওর সঙ্গে একটি ফরসা জামাকাপড় পরা ভদ্রলোক, চোখে চশমা, হাতে ঘড়ি। পেছনে পেছনে একটা চাকর গোছের লোক, তার হাতে চামড়ার একটি বাল্ল। বৌটি তাকে বল্লে—তুমি কোথায় যাবে ?

পাঁচদাসী সকেচের সুরে তাকে বল্লে—নিশেনখালির হাজরাতলায়—

বৌটি পেছন কিয়ে তার সঙ্গী ভদ্রলোককে বল্লে—ওগো, এরাও সেখানে যাচ্ছে—

ভদ্রলোকটি উজ্ব দাসকে বল্লে—তোমরাও হাজরাতলায় যাবে ?

—হ্যাঁ বাবু। আপনারাও সেখানে যাবেন ?

—আমরাও সেখানে যাচ্ছি। কত দূর ?

—তা তো বাবু জানিনে। আমরা নতুন যাচ্ছি। আজ মঙ্গলবার, সেখানে আজ পুজো দিতে হয়, তাই যাবো। আমাদের বাড়ি অনেকদূর এখান থে।

—তাই তো! এ যে অজ্ঞ পাড়ারী দেখছি। কোথায় কতদূর যেতে হবে না জানলে এখন করি কি—

—বাবু, এই গরুরগাড়ি সেখানে যাবে বলছে। পাঁচ টাকা ভাড়া। চলেন ওই গাড়িতেই সবাই যাই। আপনারা এখন গাড়ি পাবেনই বা ক'নে, মাঠাকরুণ না হয় গাড়িতে উঠুন, আমি হেঁটে যাবো এখন।

বেলা বারোটায় সময় ওরা একটা আধমজা নদীর ধারে এসে হাজির হোল। নদীর নাম ব্যাং নদী—দুধারে বনজাম আর হিজল বাদামের বন, বাশনি বাশের বন আর বেতঝোপ। অত বেলা হোলেও রোদ নেই নদীর এপারে, দিবা ঘন ছায়া। গাড়োয়ানের মুখে শোনা গেল নদী পার হয়ে আধক্রোশটাক গেলেই নিশেনখালির হাজরাতলা।

ইতিমধ্যে বৌটির সঙ্গে পরিচয় হয়ে গিয়েছে পাঁচদাসীর। ওর নাগটি বড় কটোমটো, মুখ দিয়ে উচ্চারণ হওয়া কঠিন—ম-ন-জু-লা। কলকাতায় স্বস্তরবাড়ি, সঙ্গে বিনি এসেছেন উনিই স্বামী, কলকাতায় চাকুরি করেন। পরমাওয়ারা লোক, কলকাতায় নিজের বাড়ি আছে। বিয়ে হয়েছে আজ চার বছর, ছেলেপুলে না হওয়াতে হাজরাতলায় পুজো দিতে চলেছে ওদেরই মত।

ম-ন-জু-লা বলছে—আচ্ছা ভাই, ঠাকুর খুব জাগ্রত, না ?

—শুনেছি তো দিদি। আমারও তো সেইজন্মিই আসা। যদি উনি মুখ তুলি চান—

—আমারও তাই। তোমার বলতে কি, সব আছে কিন্তু মনে স্মৃ নেই। উনি আবার এসব মানেন না, আমি জোর করে নিয়ে এসেছি। বলি চলো, পাঁচ জায়গায় দেখতে হয়—এতে আর কষ্ট কি ? আমার তো দিবা লাগছে ভাই। কি চমৎকার নদীর ধারটা—কলকাতা থেকে কতকাল কোথাও বার হইনি ভাই—মধুপুর যাওয়া হয়েছিল সেবার পুজোয়—দু'বছর হোল—

—সে কোথায় দিদি ? মধুপুর ?

—পশ্চিমে সীওতাল পরগণায়। পাহাড় আছে, শালবন আছে সেখানে। বেশ ভালো জায়গা—কিন্তু এ জায়গাও আমার বেশ ভালো লাগচে—কত পাখীর ডাক। পাখীর ডাক শুনে

যেন বাঁচলাম কত দিন পরে। কেমন সুন্দর, না?

পাচুদাসী বৌটির কথাবার্তার ভঙ্গিতে কৌতুক অল্পভব করলে। পাখীর ডাক শুনে শুনে তার কান পচে গেল। সে আবার কি একটা জিনিস এমন তা তো জানা নেই! যত আজগুबी কাণ্ড! ভক্ততার খাতিরে সে বললে—হ্যাঁ দিদি, ঠিক। চলুন আমার সঙ্গে আখাদের গাঁয়ে ফিটকিপোতার। দিনরাত পাখীর কিচিরমিচির শোনাযাবে।

তারপর ওরা বাঁধ নদী জীর্ণ ধ্বংস পার হয়ে ওপারে চলে গেল। আরও কয়েক দলের সঙ্গে দেখা হোল—আশপাশের গ্রাম থেকে তারাও চলেছে, আজ মঙ্গলবারে হাজরাতলার পূজা দিতে। গাড়ি নদীর ওপারেই রয়ে গেল। এ পথটুকু হেটেই যেতে হবে। নদীর ধার দিয়ে খানিকটা গিয়ে একটা যজ্ঞভূমির গাছের তলা দিয়ে বনঝোপের পাশ কাটিয়ে পথ চলেছে উত্তর-মুখে—বাবলা গাছে ভক্তি সবুজ মাঠের মাঝখান বেয়ে।

পাচুদাসীর বড় আয়োদ্য লাগছিল। কত লোকের সঙ্গে দেখা, কত দেশ-বিদেশ। কলকাতার বৌটিকে ওর বড় ভালো লেগেছে—হোক না কটোমটো নাম, কি ভালো মেয়ে, কি মিষ্টি কথা, অমায়িক ব্যবহার।

আর একটি বৌ এসেছে। ওর নাম তারা, জাতে সদগোপ। বাড়ি বনগাঁর কাছে হরিদাসপুর। তার ছেলে হয়ে মরে যাচ্ছে—গত পৌষ মাসেও একটি ছেলে হয়ে মারা গিয়েছে ওর—সেই ছেলের কথা বলে আর কাঁদে।

ম-ন-জু-লা বোঝাচ্ছে—কৈনো না ভাই। সবই ভগবানের ইচ্ছে। আবার কোলজোড়া খোকা পাবে বই কি—এখনো তুমি ছেলেমানুষ—তার নাম করে চলো, কাজ হবে ঠিক। কি বলো ভাই?

ও পাচুদাসীর দিকে চেয়ে শেষের প্রশ্নটা করলে। কিন্তু পাচুদাসীর মন তখন অনেক দূরে চলে গিয়েছে সেই কলুদীঘির ধারে বড় তুঁততলায়—হাতে পাকা বীজবেগুন, চাঁদমুখানা ওর দিকে উঁচু করা, কত বিঘের ক্ষেতের বীজ!—দুহাতে ছড়ানো...ও ধন সোণামণি, তুমি আসবা, আসবা আমার কুঁড়েঘরে আমার কোলজোড়া হয়ে। আসবা আঁধার পক্ষের শেষ রাতের অন্ধকারে, পাখীপক্ষী যখন ডেকে উঠবে আমবনে, বাঁশবনে, কুল্লো পাখী ডাকবে শিমুল গাছের মগভালে বিলবাওড়ে মাছ ভেসে উঠবে কেউটে পানার দামের মধ্য! বুড়ো হাজরার দোহাই, পেঁচোপাটীর দোহাই...এসো খোকা, এসো...

একজন কে বলচে—আঁচল পাততে হয় হাজরাতলায়—নদীতে নেয়ে আঁচল পেতে ঠাকুরতলায় বসে থাকতে হয়—

পাচুদাসী বললে—কেন?

আঁচলে ফল পড়ে, ফুল পড়ে—বার যা হবে তাই পড়ে।

কথা চাপা পড়ে গেল। সবাই বলচে ওই হাজরাতলা দেখা যাচ্ছে—

ওরা পৌছে গেল।

নদীর ধারে মাঠের মধ্যে চারিধারে বহু প্রাচীন বাঁড়া গাছের সারি নিবিড় কোণ তৈরী করেছে ওরা অজাঙ্ঘ্রি করে। বেড়ার মত আড়াল করেছে...ওর ওদিকে কিছু চোখে পড়ে না। সেই বাঁড়া কোণের বেড়ার ধারে একটা বড় বাঁড়া গাছই হচ্ছে হাজরাতলা, বুদ্ধ হাজরা ঠাকুরের স্থান।...

সেই গাছতলার পূজার যোগাড় হয়েছে...পুরুষ্ঠাকুর বসে আছে। চাল, কলা, ছোলা-ভিজ, পেঁপে...ফুলের রাশ। লোকে লোকারণ্য হাজরাতলায়। মশ-পনেরোখানা গরুরগাড়ি

দাঁড়িয়ে আছে—এপার থেকে যারা এসেছে তাদের গাড়ি।

বাঁড়া বোপ ঘেরা মাঠের বাইরে দোকান বসেচে...মুড়িমুড়কি, ফুলুরি, কাটিভাজা, ছোলা-ভাজা। পিঁ-পিঁ বাঁশি বাজচে ছোট ছেলেমেয়েদের মুখে...খেলনা বিক্রি হচ্ছে। মাটির ছোবা, পুতুল, সাধাকেষ্ট, শিবঠাকুর, ঘোড়া—মণিহারি দোকানে কিত্তে, কাঁচের চুড়ি, চিরুনি বিক্রি হচ্ছে...দু'তিনখানা দোকানে পাপর ভাজা হচ্ছে। তেমনি খদ্দেরের ভিড়—বেশির ভাগ ছোট ছেলেমেয়ে আর গরুর গাড়ির গাড়োয়ানেরা। আশপাশের গ্রাম থেকেও অনেক ঝি-বৌ বিনা কারণেই পুজো দেখতে এসেচে হাজরাতলায়।

বেলা দুপুর ঘুরে গিয়েচে। পুজোর বাজনা বেজে উঠলো।

পুরুষ্ঠাকুর বল্লেন—যাও মাঠাকুরগরা স্নান করে এসে ভিজ্ঞে কাপড়ে সব হাজরাতলায় আঁচল বিছিয়ে বসো—

কলকাতার বৌটি আর পাঁচুদাসী একসঙ্গে নেয়ে উঠলো নদী থেকে। এক নিঃশ্বাসে ডুব দিতে হবে, উত্তর মূখ হয়ে হাজরা ঠাকুরের উদ্দেশে প্রণাম করতে হবে।

ম-ন-জু-লা চুপি চুপি বল্লেন—ভাই, আমার বুক কাঁপচে।

—কেন দিদি?

—আমার বড় সাধ—তোমাকে বলছি ভাই। বুকখানা হু হু করে মাঝে মাঝে। আমার সঙ্গে আমার সমবয়সী যাদের বিয়ে হয়েছিল, সবাই একটি ছুটি সন্তান হয়ে গিয়েচে—গুঁর মনে বড় কষ্ট—

—বাবার দয়া দিদি। হয়ে যাবে, চলো শীগগির করে যাই—

পাঁচুদাসীর বড় মায়া হয় বৌটির গুণের। কি চমৎকার মানিয়েছে ওকে নীল রং-এর ফুল তোলা ভিজ্ঞে শাড়ি পরে...দু'দণ্ড চেয়ে থাকতে ইচ্ছে করে। অনেকেই চেয়ে চেয়ে দেখছিল ও ওকে। সুন্দরী বটে... পাড়াগাঁয়ের হাটে-মাঠে এমন সুন্দরী মেয়ে চক্ষে পড়ে কখনো? আহা, মোমের গড়ন হাত ছুটি কখনো কি গোবরের ঝুড়ি ধরতে পারবে? গড়ে ধান ভেনে দিতে পারবে—আঙুল ছেঁচে যাবে তা হোলে। ও-হাত ধান ভেনে দেওয়ার জন্তে তৈরি হয়নি।

অস্তুতঃ পঁচিশ-ত্রিশ জন বৌ, সবাই তরুণী, ভিজ্ঞে কাপড়ে সারি বেধে হাজরাতলায় দাঁড়িয়ে। পুরুষ্ঠাকুর সকলের মাথায় কুশিতে করে জলের ছিটে দিয়ে বল্লেন—যাও সব মায়েরা, এইবার আঁচল পেতে বসো গে—

একজন বল্লেন—কতক্ষণ বসে থাকবো বাবাঠাকুর?

—চোখ বুজে বসবে সবাই। যতক্ষণ না আঁচলে কিছু পড়ে ততক্ষণ বসবে মা তোমরা। চোখ চেও না কেউ, আসন ছেড়ে উঠে পড়ো না যেন অধৈর্য্য হয়ে।

চৈত্র মাসের খর রোদে মাঠ তেতে উঠেচে—বাতাস যেন আগুনের হলকা, তবুও হাজরা-তলায় বেশ ছায়া আছে তাই রন্ধে—পাঁচুদাসীর জলতেষ্টা পেয়েচে। জল খাওয়ার কথা এখন ভাবতে নেই। বুড়ো হাজরা দয়া করুন। চোল বাঙচে কাঁসি বাজচে। ট্যাং ট্যাং ট্যাং—কাঁইনানা, কাঁইনানা,...না, ও সব ভাবতে নেই...হাজরাঠাকুর অপরাধ যেন না নেন। পাঁচুদাসী আবার মনকে স্থির করবার চেষ্টা করল।

কতক্ষণ কেটে গেল।

পাঁচুদাসী এর মধ্যে বার তিনেক চোখ চেয়ে দেখেচে। আশপাশে হাজরাঠাকুরের কোন মন্দির বা মূর্তি নেই। একটা মস্তবড় বাঁড়া গাছ অনেকদূর জুড়ে ডালপালা ছড়িয়ে দাঁড়িয়ে আছে। তলায় ছড়িয়ে পড়া শুকনো পাতার উপর তরুণী বোয়ের দল চোখ বুজে আঁচল বিছিয়ে

বসে...কোনো লোক নেই এদিকে...পুরুতঠাকুর রয়েছেন দূরে ও গাছের তলায় পুজোর জায়গায়। ও ভাল করে চেয়ে দেখলে গাছতলায় একখানা সিঁচুর মাথানো ইট পর্য্যন্ত নেই।

পাঁচুদাসী আবার চোখ বুজলো।

হঠাৎ ওদের সারিতে একটি বড় অস্পষ্ট স্বরে বলে উঠলো—আমার আঁচলে একটা কি পড়লো!

পাশের একজন উপদেশ দিল—চোখ চেয়ে ঝাখো না কি!

একটা ষাঁড়া কল।

বৌটি সারি থেকে উঠে চলে গেল পুরুতঠাকুরের কাছে, যেখানে পুজো হচ্ছে। সর্বাঙ্গ নিউরে উঠলো পাঁচুদাসীর এবং সঙ্গে সঙ্গে ওর বুকও কঁপে উঠলো। কি জানি ভাগ্যে কি আছে!

আরও দুটি বৌ সারি থেকে উঠে চলে গেল—একজনের ফুল আর একজনের ফল পড়েচে। ইতিমধ্যে আর একজন কঁদে উঠলে ডুকরে। সবাই বললে—কি হোল গো, কি হোল?

—আমার আঁচলে চুল আর টিল পড়েছে গো। পোড়া কপাল গো!

সে কঁদতে কঁদতে উঠে চলে গেল সারি থেকে। বুড়ো হাজরা নিষ্ঠুর, দয়া করলেন না তার উপর। কি অপরাধ হোল বাবার চরণে! পাঁচুদাসীর বুক কঁপে ওঠে আবার। বুকের ভেতর যেন ঢেঁকির পাড় পড়ছে। একটা বৌ চিপচিপ করে মাথা কুটছে মাটিতে ওর সারিতে। ওর আঁচলেও তাহলে চুল আর ছাই পড়েছে।

দয়া করো বাবা হাজরা, বুড়ো হাজরা দয়া করে।

বেলা ঘুরে গিয়েছে। আরও কতক্ষণ কাটলো। হঠাৎ পাঁচুদাসীর বুকের স্পন্দন যেন বন্ধ হবার উপক্রম হোল। টপ করে একটা কি পড়লো ওর আঁচলে! ফল? ষাঁড়া কল? চুল বা ছাই পড়বার শব্দ কি অমন! টিল!

...বাবা হাজরাঠাকুর!

সবাই মিলে ব্যাং নদীর খেয়া পার হজে। উদ্ধব দাস স্ত্রীকে বলে—তুই কি পেলি?

পাঁচুদাসী বলে—কল, একটা ষাঁড়া কল। হাজরাঠাকুরের দয়া গো—

ওর মন ভালো না। ম-ন-জু-লা ফিরে গিয়েছে আগের খেয়ায়। ও পেয়েছিল জট-পাকানো চুলের হুড়ি। পুরুতঠাকুর আর একবার বসতে বলেছিলেন আঁচল পেতে। আবারও সেই চুলই পড়েছে তার আঁচলে। পুরুতঠাকুর বলেছেন—মা, আমি কি করবো, আমার ওতে হাত নেই। তোমার অদৃষ্টে সম্ভান থাকলে ফুল-ফলই পড়তো—বাড়ি কিরে যাও মা—কি করবো বলে!—

ম-ন-জু-লার কান্না দেখে ওর নিজের চোখে জল এসেছিল। সত্যি, কত আশা করে এসেছিল! হাজরাঠাকুর কি করবেন? যা অদৃষ্টে আছে তাই তিনি বলে দেবেন মাত্র। বেচারী ম-ন-জু-লা! অত টাকা ওদের!

সূর্য্য অস্ত যাচ্ছে ব্যাং নদীর পশ্চিম গায়ে বনজাম আর হিজল আর বেত ঝোপের আড়ালে। পাঁচুদাসীর মন আনন্দে ভরে উঠলো হঠাৎ। থোকা আসচে, হাতে তার বীজবেগুন, কত ক্ষেতে ক্ষেতে শক্ত হাতে সে লাঙ্গল দেবে, বেগুনের চারা তুলে পুঁতবে হাপর থেকে, সোনা ক্লাবে মাটির বুকে। বুড়ো হাজরা বলবার আগে স্বপ্ন দেখেছে তার আসবার। সে আসচে।

কাশী কবিরাজের গল্প

‘আমার উঠোন দিয়ে রোজ কাশী কবিরাজ একটা ছোট বাগ হাতে ঘেন কোথায় যায়। জিগেস করলেই বলে—এই যাচ্ছি সনেকপুর রুগী দেখতে, ভায়া—

একদিন বলে—নৈহাটি যাচ্ছি রুগী দেখতে, সেখান থেকে শ্রামনগর যাবো।

—সেখানে আপনার রুগী আছে বুঝি ?

—সব জায়গায়। কলকাতায় মাসে দুবার যাতি হয়।

আমার হাসি পায়। কাশী কবিরাজ আমাদের গ্রামে বছর খানেক আগে পাকিস্তান থেকে এসে বাসা করেছে। জঙ্গলের মধ্যে একখানা দোচালা ঘর। আমগাছের ডালপালায় ঢাকা। দিনে সূর্যের আলো প্রবেশ করে না। ছেড়া কাপড় পরে কাশী কবিরাজের বৌকে ধানসেদ্ধ করতে দেখেছি। এত যদি পসার, তবে এমন অবস্থা কেন ?

একদিন আষাঢ় মাসের মাঝামাঝি আকাশে ঘন মেঘ এসে জমলো। বৃষ্টি আসে-আসে। কাশী কবিরাজ দেখি আমার উঠোন দিয়ে হনহন করে চলেচে বাগ হাতে।

ডেকে বললাম—ও কবিরাজ মশাই—শুধুন শুধুন, কোথায় চলেছেন ? বৃষ্টি আসচে—

কাশী কবিরাজ আমার চণ্ডীমণ্ডপে এসে উঠে বসলো।

বলে—একটু রাণাঘাট যাতায় এই ট্রেনে, রুগী ছেলো।

—কে রোগী ?

—একজন মাত্রাজী। পা ফুলে বিরাট হয়েচে, সব ডাক্তারে জবাব দিয়েচে। তিনবার একস্-রা কন্টি গিয়েলো। আমি বলিচি, ওসব একস্-রা টেকস্-রা আমার সঙ্গে লাগবা না। আমার মুখই একস্-রা—

আমার হাসি পেলো। নিজের যদি অত শুণ, তবে দোচালায় বাস কর কেন জঙ্গলের মধ্যে ? লম্বা লম্বা কথা বলেই কি লোকে তোমাকে বড় কবিরাজ ভাববে ?

—একটু চা খান, দাদা—

—তা খাওয়াও ভাই, বৃষ্টি এলো। একটু বসেই যাই—

—আপনার পসার তাহোলে বেশ বেড়েচে ?

—বাড়বে কি ভায়া, বরাবর আছে। আমার তান্ত্রিক কবিরাজি। যা কেউ সারাত্তি পারবে না, তা আমি সারাবো।

—বলেন কি ?

—এই জন্তেই তো আমার পসার। শুধু ঝাড়ানো—ঝাড়ানো—

—ঝাড়িয়ে রোগ সারিয়েছেন ?

—আরে এ পাগল বলে কি ? বড় বড় রোগ ঝাড়িয়ে সারিয়েছি।

—বটে !

—তোমরাই ইংরাজি লেখাপড়া জান কিনা,—সমস্ত অবিশ্বাস করো জানি। ভূত মান ? এই রে ! ঝাড়ফুক থেকে এবার ভূতপ্রোতে এসে পৌছুলো ! কাশীনাথ কবিরাজ অনেক কিছু জানে দেখছি। বললাম—যদি বলি মানিনে ?

—তা তো বলবাই, ইংরাজি পড়াতে তোমাদের ইহকালও গিয়েচে, পরকাল ঝিয়েচে !

রাগ করো না ভায়া। যা সত্যি, তাই বললাম। চা এসেচে? তাহলি একটা গল্প শোনো বলি। আমার নিজের চোখে দেখা।

খুব বুষ্টি এসে পড়লো, চারিদিক অন্ধকার করে এলো। কাশীনাথ কবিরাজ তার গল্প আরম্ভ করলো।

কাশীনাথ কবিরাজ তাত্ত্বিক-মতে চিকিৎসা করে ব'লে অনেক দূর দূর থেকে তার ডাক আসে। আজ বছর দশেক আগে হরিহরপুরের জমিদার শিবচন্দ্র মুখোজ্যের বাড়ি থেকে তাঁর ছেলের চিকিৎসার জন্তে কাশীনাথের ডাক এলো।

আমি বললাম—আগে কখনো সেখানে গিয়েছিলেন আপনি?

—না।

—নাম জানতেন?

—খুব। আমাদের ওদেশে হরিহরপুরের জমিদারের নাম খুব প্রসিদ্ধ।

—যখন গিয়ে পৌঁছলেন, তখন বেলা কত?

—সন্দের কিছু আগে। তারপর শোনো—

কাশীনাথ ওদের বাড়ি দেখে অবাক হয়ে গেলো। সেকেন্দ্রে নামকরা জমিদার, মস্ত বড় দেউড়ি, দু-তিন মহলা বাড়ি। দেউড়ির পাশে বৈঠকখানা ঘর, তার পাশে একটা বড় বারান্দা। ওদিকে ঠাকুর-দালান, বাইরে রাসমঞ্চ, দোলমঞ্চ। তবে এ সবই ভগ্নপ্রায়—পূর্বের সমৃদ্ধি ঘোষণা করে দাঁড়িয়ে আছে যাত্র। বড় বড় বট-অশ্বথের গাছ গজিয়েছে বাড়ির গায়ে। মন্দিরের চূড়োর কাঁটলে বস্ত্র শালিখের গন্ধ, কাঠবিড়ালির বাসা। সামনে বড় একটা আদ-মজা দীঘি পানার ভর্তি।

সন্ধ্যার কিছু আগে সেই মস্ত বড় পুরনো ভাঙা বাড়ি দেখে কাশীনাথের মনে কেমন এক অপূর্ণ ভাব হোল।

আমি বললাম—কি ভাব?

—সে তোমারে বলতে পারিনে, ভায়া। ভয়ও না, আনন্দও না। কেমন যেন মনে হোল, এ বড় অপয়া বাড়ি—এ ভিটেতে পা না দেওয়াই ভালো আমার পক্ষি। তোমার হবে না, কিন্তু আমার হয় বাপু, এমনি।

—অন্ত কোথাও হয়েছে?

—আরও দু-একবার হয়েছে এমনি। কিন্তু সে কথা এখন আনবার দরকার নেই। তারপর বলি শোনো না—

তারপর কাশী কবিরাজ সেখানে গিয়ে রোগী দেখল। দশ বৎসর বয়সের একটি ছেলের টাইফয়েড জ্বর, খুব সঙ্কটাপন্ন অবস্থা। কাশী কবিরাজ গিয়ে তাত্ত্বিক প্রণালীতে ঝাড়-ফুঁক করে শেকড়-বাকড়ের ওষুধ বেটে খাওয়ালো। রোগী কথঞ্চিৎ সুস্থ হয়ে উঠলো।

অনেক রাতে কাশী খাওয়া-দাওয়া সেরে দেউড়ির পাশে বৈঠকখানা ঘরে এসে দেখলো, সেখানে তার জন্তে শয্যা প্রস্তুত। উৎকৃষ্ট শয্যা, দামী নেটের মশারি, কীসার গেলাসে জল ঢাকা আছে, ডিবেল বাড়িতে পান,—সব ব্যবস্থা অতি পরিপাটি।

আমি বললাম—বড়লোকের বাড়ির বন্দোবস্ত—

—হাজার হোক, বনেদী ঘর তো? যতই অবস্থা খারাপ হোক, পুরনো চাল-চলন যাবে কোথায়?

—তারপর?

কাশী কবিরাজ বেশিৰূপ শোয়নি, এমন সময় সে দেখল ঘোমটাপর্য্য একটি বোঁ হনহন করে মাঠের দিক থেকে এসে দেউড়ির মধ্যে দিয়ে জমিদার-বাড়ি ঢুকচে। কাশী খুব আশ্চর্য্য হয়ে গেলো। এত রাত্রে বাইরের মাঠ থেকে এসে বাড়ি ঢুকলো কে? ভক্তলোকের ঘরের সুন্দরী বধু বলেই মনে হলো, যতটুকু দেখেছে তা থেকেই।

যাক্। সে এসেছে কবিরাজি করতে, অতশত খোঁজে তার কি দরকার? যে যা ভালো বোঝে করুক।

আমি বললাম—রাত তখন কত?

—রাত একটার কম নয়, বরং বেশি।

—যেন্নিক থেকে এলো, সেন্নিকে কোনো লোকালয় নেই?

—না মশাই। কাঁকা মাঠ অনেকখানি পর্য্যন্ত, তারপর কোদালে নদী। কোদালে নদীতে গরমকালে জল থাকে না। হেঁটে পার হওয়া যায়—তার ওপারে বলরামপুর গ্রাম।

—আপনি কি করে বুঝলেন ভক্তবংশের মেয়ে?

—হাত-পায়ের যতটুকু ধোলা, ধবধবে করসা। আধ-জোৎস্না রাত, আমি দিবিয়া টের পাছি—মুখখানা অবিচ্ছিন্ন ঘোমটার ঢাকা ছেলো।

—বাড়ির মধ্যে ঢুকে যাবার সময় অন্ধ কোনো লোক সেখানে ছিলো?

—না।

—আপনাকে টের পেরেছিলো?

—কোনদিকে না চেয়ে হনহন করে বাড়ির মধ্যে ঢুকে গেল।

কাশী কবিরাজ নিবিরোধী ভাল লোক, সে জলের গেলাস তুলে খানিকটা জল খেয়ে মশারি খাটিয়ে শুয়ে পড়লো। কিন্তু নানা চিন্তায় ঘুম আর আসে না, বিছানার শুয়ে এপাশ-ওপাশ করতে লাগলো। লোকে বাড়িতে চিকিৎসক ডাকে ঘুমবার জন্তে নয়। কাশী কবিরাজ অভিজ্ঞ লোক, দায়িত্ব-বোধ তার যথেষ্ট, সে অবস্থায় তার চোখে ঘুম আসে কি করে?

মিনিট খানেক পরে কাশী হঠাৎ দেখল, সেই বৌটি তার পাশের দেউড়ি দিয়ে আবার বার হয়ে যাচ্ছে। বিছানা ছেড়ে সে তড়াক করে উঠে পড়ল। বৌটি ক্রমে দূর মাঠের দিকে চলে যাচ্ছে। জোৎস্নার তার সাদা কাপড় দূর থেকেও স্পষ্ট দেখা যাচ্ছে।

আমি বললাম—মাঠের দিকে গেলো একা?

—একদম একা। আর অত রাত!

—আপনি কি ভাবলেন?

—আমি আর কি ভাববো মশাই, একেবারে অবাক্। এত রাত্রে একটি সুন্দরী মেয়ে এমন ভাবে যে নির্জন মাঠের দিকে চলে যেতে পারে, তা কখনো দেখিওনি।

কাশী কবিরাজ সাত-পাঁচ ভাবছে, এমন সময়ে বাড়ির মধ্যে থেকে একজন ছুটে এসে বলে—শীগগির আসুন, কবিরাজ মশাই, রোগী কেমন করচে।

কাশী গিয়ে দেখে, রোগীর অবস্থা লতাই খারাপ। কিন্তু হঠাৎ এত খারাপ হওয়ার কথা তো নয়। যাহোক, তখনকার মত ব্যবস্থা করতে হোলো। অনেকক্ষণ খাটুনির পরে রোগী খানিকটা সামলে উঠলো। তখন আবার এসে শুয়ে পড়লো কাশীনাথ বাইরের দেউড়ির ঘরে।

পরের দিনমান রোগীর অবস্থা ক্রমশ ভালোর দিকেই চললো। জমিদারবাবু মন বেশ ভালো—প্রথম দিন বড়ই যেন মুখে পড়েছিলেন। এমন কি কবিরাজের সঙ্গে বসে ছপুয়ের পর খানিকক্ষণ পাশাও খেললেন। কবিরাজকে তাঁদের বড় দীর্ঘিতে একদিন মাছ ধরতে, যাবার

আমঙ্গণও জানালেন। বাগয়ার ব্যবস্থাও দুপুরে বেশ ভালোই হোল—মাছের মুড়ো, দই, দুধ, সন্দেশ ইত্যাদি। কবিরাজ খুব খুশী...। জমিদারবাবু বেশ প্রফুল্ল।

সেই রাতে একটা আশ্চর্য ঘটনা ঘটলো। এমন ধরনের ব্যাপার কালী কবিরাজ কখনো কল্পনাও করতে পারেনি।

রোগীর অবস্থা ভালো থাকার দরুন সেদিন আর বেশি ঋতুনি ছিলো না। সকাল সকাল ধেরেদেয়ে শয্যা আশ্রয় করলো। কিন্তু ঘুম আসতে দেরি হোতে লাগলো। কোথাকার ঝড়িতে একটা বেজে গেলো ঢং করে। ঠিক সেই সময়ে দেখলো কালী কবিরাজ, সেই বোমটাপরা বোটি দেউড়ি দিয়ে ঢুকে অন্ধরের দিকে চলেছে।

বলতে কি কালী কবিরাজের বড় বিস্ময়বোধ হোল। কি সাহস মেয়েটার! এত রাতে মাঠের মধ্যে দিয়ে চলে আসতে ভয়ও কি করে না?

মিনিট পনেরো কেটে গেলো, কি বিশ মিনিট। তারপর কালী কবিরাজকে আশ্চর্য্য স্তম্ভিত করে দিয়ে সেই বোটি ওর ঘরে এসে ঢুকলো। আমি বললাম—আপনার ঘরে?

—হ্যাঁ, একবারে আমার সামনে।

—ঘরে আলো ছিলো?

—বাড়ীতে রোগী থাকার দরুন আমার ঘরে সারারাতই একটা হারিকেন জলে।

ঘরে ঢুকে মেয়েটি মুখের বোমটা অনেকখানি তুলে কবিরাজের দিকে চাইলো। বেশ সুন্দরী মহিলা। দেখলে সন্ত্রমের উদ্রেক হয়, এমনি চেহারা। কালী কবিরাজকে বল্লে—তুমি এখানে থেকে না, চলে যাও এখানে থেকে।

বিস্মিত ও স্তম্ভিত কালী কবিরাজ মেয়েটির মুখের দিকে চেয়ে বল্লে—আপনি কে মা?

—আমি যেই হই, তুমি এখান থেকে যাবে কি না?

—মা, আমি চিকিৎসক। রুগী দেখতে এসেছি। আমার কাজ না সেরে আমি কি করে যাবো?

—তুমি এ রুগী বাঁচাতে পারবে না। কাল সকালে তুমি চলে যাও এখান থেকে—

—কি করে আপনি জানলেন রুগী বাঁচবে না।

—আমি ওর মা। ওর সংসা ওকে খুব কষ্ট দিচ্ছে, সে কষ্ট আমি দেখতে পারচিনে—আমি ওকে নিয়ে যেতে এসেছি—নিরে যাবোই। তুমি তাকে কিছুতেই রাখতে পারবে না—

কালীনাথ কবিরাজ তখনো ব্যাপারটা ঠিক যেন বুঝে উঠতে পারেনি। সে আমতা-আমতা করে বল্লে—আপনি কোথায় থাকেন?

—আমি মারা বাগয়ার পরে আচ্চ চার বছর হোল ওর বাবা আবার বিয়ে করেচে। আমার সেই সতীন ওকে বড় যত্নগা দিচ্ছে। আমি সেখানে শাস্তিতে থাকতে পারি না—খোকা আপন যেন কাঁদে। আমি শুনতে পাই—ওকে আমি নিয়ে যাবোই। তুমি কেন অপঘণ কুড়োবে? ঘরের ছেলে ঘরে ফিরে যাও—

কালীনাথের সমস্ত শরীর হিম হয়ে গিয়েছে যেন। কি ব্যাপারটা সামনে ঘটেচে, তার যেন কোনো ধারণাই নেই, তবুও সে হাতজোড় করে বল্লে—মা, একটা কথা। আমি জমিদারবাবু আপনার স্বামীর সর্ব বলি। তিনি তাঁর ছেলেটিকে বড় ভালবাসেন। ছেলেটিকে আপনি নিয়ে গেলে তাঁর কি অবস্থা হবে, সেটা তো আপনার বিবেচনা করা উচিত।

বোটি বললেন—তাঁর এ পক্ষের ছেলেমেয়ে হবে। তাঁদের নিয়ে থাকবেন তিনি—

—ও কথা বলবেন না, মা। আপনি তাঁর কথা চিন্তা না করলে কে চিন্তা করবে? সব

দিকে বুলুন। তাঁর কথা ভাবতে হবে আপনাকেই। আমি আজই সব বলছি তাঁকে খুলে। যদি তিনি তাঁর এ পক্ষের স্বীকৃতি ব'লে ছেলেটির ওপর অভিযাচার নিবারণ করতে পারেন, তবে আপনি আমাকে কথা দিন, ছেলেটিকে আপনি নিয়ে যাবেন না? আমি সে চেষ্টা করি, মা?

—করো।

বলেই মূর্তি অদৃশ্য হোল না কিন্তু। ঘর থেকে বার হয়ে দেউড়ি দিয়ে বার হয়ে মাঠের দিকে চলে গিয়ে নিশীথ-রাত্রির শুভ-জ্যোৎস্নার কুয়াশায় মিলিয়ে গেল।

আমি জিগোস করলাম—বলেন কি!

—হ্যাঁ মশাই।

—আচ্ছা, এ মূর্তির কোনো অংশ অস্পষ্ট নয়?

—দিব্যি মাহুঘের মত। কোনো অস্বাভাবিকত্ব নেই কোথাও। কথাবার্তা বললাম, আমার কোনো ভয় হোল না। একজন ভদ্রমহিলার সঙ্গে কথা বলছি, তেমনি মনে হোল।

মূর্তিটি অদৃশ্য হওয়ার খানিক পরেই বাড়ির মধ্যে থেকে কাশীকে ডাকতে এলো। রুগীর অবস্থা খুব খারাপ। অথচ সমস্ত দিন এমন ভালো ছিলো। তখনকার মত সুব্যবস্থা করে ভোরের দিকে কাশী কবিরাজ জমিদারবাবুকে বসে—আপনার সঙ্গে আমার একটু কথা আছে, বাইরে চলুন।

আমি বললাম—বাইরে এসে সব কথা বল্লেন নাকি?

—হ্যাঁ, গোড়া থেকে। বললাম, এই আপনি যেখানে দাঁড়িয়ে আছেন আপনার প্রথম পক্ষের স্ত্রী কিছুক্ষণ আগে সেখানে দাঁড়িয়ে ছিলেন।

—বিশ্বাস করলেন?

—কৈদে কেললেন। বল্লেন,—আমি জানি। আমি এই অন্তরের সময় একদিন ওকে শিয়রে দাঁড়িয়ে থাকতে দেখেছি।

তার পরের ইতিহাস খুব সংক্ষিপ্ত।

জমিদার বল্লেন, আমি জানি, ওর সংখ্যা ওর ওপর খুব সদয় নয়—তবে এতটা আমি জানতাম না। আমি কথা দিচ্ছি, খোকা সেরে উঠলে ওর মামার বাড়িতে রেখে লেখাপড়া শেখাবো। এ সংশ্রবে আর আনবো না। আমার এ স্বীকৃতি আমি শাসন করছি। আপনি তাঁকে জানাবেন। রাত ভোর হয়ে গেলো!

রোগীর অবস্থা ক্রমশঃ ভালো হয়ে উঠতে লাগলো। এগারো দিনের পর কাশী কবিরাজ পথ্য দিলেন তাঁর রোগীকে।

বললাম—ওর মাকে আর দেখেননি? আসেননি আপনার কাছে?

—না!

ছোটনাগপুরের জঙ্গলে

শহর বা ভীথের জাঁকজমক গোলমাল আমার ভালো লাগে না। আমি চিরদিন নির্জন ভালোবাসি। তাই পাহাড়, নদী, বন-জঙ্গল দেখে বেড়াই। বন-জঙ্গলে ভগবানের সৃষ্টির কি সৌন্দর্যই না দেখি!

১৯৪৯ সালের নভেম্বর মাস,—আমি তখন ঘাটশীলায়। ছোটনাগপুরের জঙ্গল দেখবার

সাধ হোল। মিস্টার সর্দার সিংও রাজী হলেন। আর দেরি নদ—দুজনে বেলা তিনটার ট্রেনে ঘাটশীলা ছেড়ে চক্রধরপুরে এলুম। রেষ্টোরাঁয় চা খেয়ে দুজনে চললুম হরদয়াল সিং-এর বাড়ি—সেখানে রাতে খাওয়া-দাওয়া সেরে রেষ্টোরাঁতে গিয়ে দুজনের রাজিযাপন।

সকালে হরদয়াল সিং-এর বাড়ি থেকে এলো ক্ষেত থেকে সম্বতলা মূলো—চারের সঙ্গে সেই মূলো খেয়ে দুজনে মোটরে করে বেরিয়ে পড়লুম। ভগবানের অসীম দয়া—তাই এমন সব বন্ধু পেয়েছি। না হলে এমন আরামে আমাদের জঙ্গলে নিয়ে যেতো কে? এলুম চাইবাসার।

চাইবাসা জায়গাটি বেশ পরিষ্কার এবং স্বাস্থ্যকর। এখানে একটি ব্রদ আছে। তেমন বড় না হোলেও ভারি সুন্দর। উঁচু-নীচু পথ—চমৎকার বাঁধানো। পথের একদিকে পাহাড়ের শ্রেণী, আর একদিকে টানা জঙ্গল। সরকারী করস্ট। এ জঙ্গলে ছোটখাটো জীবজন্তু আছে। পথে সঞ্জয় নদী। নদীর উপর প্রকাণ্ড পুল। পার হয়ে জঙ্গলের পথে ষোল মাইল আসবার পর শলাই বাংলো। দু-বছর আগে এখানে এসেছিলুম। বাবলুর মা রান্না করে খাইয়েছিলেন। সেকথা মনে পড়লো।

পাশে ছোট গ্রাম। গ্রামের নাম বাঁকৈলা। বাঁকৈলায় হস্তায় দু-দিন হাট বসে—নানা জিনিস বিক্রি হয়। এ হাটে বাবলুর মা একখানি চাদর কিনেছিলেন—এখানকার তৈরী চাদর। জঙ্গলের দৃশ্য এখানে অভূত—অপরূপ সৌন্দর্য। নিস্তক বনভূমি—যেন সৌন্দর্যের পশরা উন্মুক্ত করে রেখেছে। যাকে বলে ভীমকান্তি দৃশ্য।

বাঁকৈলায় পৌঁছলুম বেলা তখন একটা। ইন্সপেকশন বাংলা আছে। সেখানে উঠলুম। সঙ্গে খাবার-দাবার ছিল—খেয়ে একটু বিশ্রাম করে মিস্টার সিং-এর সঙ্গে বেরলুম জঙ্গল দেখতে। বহুদূর চলে গেলুম। ক্রমে সন্ধ্যা হলো—চারদিক নিম্নম-নিম্নক। আকাশে একটুখানি চাঁদ গাছপালার আড়ালে কোথায় লুকিয়ে আছে, দেখা যায় না। পৃথিবীর মাথার উপর আকাশ যেন নীল চাঁদোরা খাটিয়ে দিয়েছে—আকাশের গারে অপূর্ব নক্ষত্রশ্রেণী! মনে হচ্ছিল—যেন আকাশে দেওয়ালির দীপ জ্বলছে জ্বলজ্বল করে। অপূর্ব আনন্দ উপলব্ধি করেছিলুম। মনে হচ্ছিল, ভগবানের কি মহাশক্তি এই পৃথিবী! বাবলুর কথা মনে হোল—তার যেন চোখ খোলে। সে যেন ভগবানের এ শিল্প চোখে দেখতে পায়।

বাংলোর ফিরলুম খানিক রাতে। পরের দিন সকাল আটটার আবার বেরলাম জঙ্গলের পথে। জুধারে কি ঘন জঙ্গল—আর গাছে গাছে কত রকমের লতাপাতা! গাছপালার আড়ালে ওদিকটা যেন লুকোনো আছে। পথ-চলা পথিক পথে যেতে যেতে জঙ্গলের সব ঐশ্বর্য দেখে যাবে, সে উপায় নেই। সে ঐশ্বর্য পুরোপুরি দেখতে হলে পথ ছেড়ে জঙ্গলে ঢুকতে হবে। কত রকমের গাছ—কত রকমের ফুল! দেবকাঞ্চন ফুল ফুটে আছে—পিটুনিয়া ফুটেচে। নভেবর হাস—জায়গাটা আশ্চর্যরকম ঠাণ্ডা। করম, কভিলা, শাল, পিয়াশাল প্রভৃতি গাছ-গাছড়া, বুনো কলা আর বুনো বাঁশ গাছ প্রচুর। দেখতে দেখতে কুরো নদীর ধারে এসে বসলুম। এখান থেকে সাত মাইল দূরে একটা স্টেশন। খানিকক্ষণ বসবার পর মোটরে চড়ে খাজুড়িয়া হয়ে একটা গ্রামে এলুম। গ্রামে হো-দের বাস—সকলেই খুটান। মেয়েদের মাথার লাল কিত। বাঁধা—সকলেই কাজকর্ম করচে। এখানে এক পাত্রী আছেন, তাঁর নাম ধনকুমার হো। তাঁর সঙ্গে খানিক আলাপ করে বাংলোর ফিরলুম, বেলা তখন একটা। স্নানাহার সেজে শুয়ে পড়লুম। শোবামাত্র নিদ্রা।

ঘুম ভাঙলে উঠে দেখি, বেলা পড়ে এসেচে। বারান্দার বেরিয়ে এলুম। বারান্দার সামান্য রোদ পড়েচে। সামনে পাহাড়ের শ্রেণী—সে-সব পাহাড়ের গারে রাঙা রোদ। বসে বই

পড়তে লাগলুম—“রেজার্স এক্স”। পড়তে পড়তে সন্ধ্যার অন্ধকার ঘনিষে চারিদিক বেশ ঠাণ্ডা হয়ে এলো। তখন ঘরে এলুম। ঘরে আঙুন জ্বালা হয়েছে—আঙুনের পাশে বসে আবার বই পড়া। প্রেমচাঁদের গল্পের বই। বই শেষ করে খাওয়া-দাওয়া। তারপর অনেক রাত্রে ঘরের বাইরে বারান্দায় এসে দেখি বনের কি শোভা! আকাশে অসংখ্য তারা জ্বলজ্বল করছে। তারার কিকিমিকি আলোয় নিস্তব্ধ বনভূমি দেখাচ্ছে যেন স্বপ্ন দিয়ে ঘেরা। আর কোন কথা নয়। মন কেবলি বলে ভগবানের কি অপূর্ব সৃষ্টি!

বিকেলে মিস্টার সিং-এর সঙ্গে গৈলকেরা গ্রামে বেড়াতে বেরলুম। ঘুরে ঘুরে সব দেখে গ্রামের পিছনে একটা ডুংরীর উপরে উঠে বসলুম—হৃৎ! তখন অন্তর যাচ্ছে—কি চমৎকার দেখাচ্ছিল! এমনি সুন্দর জায়গা আর এমনি সুন্দর দৃশ্যের ছবি কত কল্পনা করেছি, কিন্তু কল্পনায় এ দৃশ্য কোনোদিন ধরতে পারিনি—ভগবান আজ সে ছবি চোখের সামনে ফুটিয়ে তুললেন। ডুংরীতে বসেই বাড়িতে চিঠি লিখলুম।

আকাশে অগণ্য নক্ষত্র—শাল বনস্পতির মাথার অনেক রাত্রেও জ্বলজ্বল করছে অগণিত তারা। সেই শালবনে বসে ভগবানের এই অপূর্ব বিশ্ব-সৃষ্টি দেখে মনে মনে কেবলি বলতে লাগলুম, বাবলু বড় হয়ে যেন এ শিল্প দেখে—দেখে উপভোগ করে।

পরের দিন খাওয়া-দাওয়া সেরে মোটরে চড়ে পান্টু-বাংলার উদ্দেশ্যে যাত্রা। পথে সরকারী ফরেস্ট—হাটিনটে বাংলাও দেখা যায়। কি ঘন জঙ্গল! ছোটনাগপুরে বহু জঙ্গল দেখেছি—কিন্তু গৈলকেরার মত এমন ভীষণ জঙ্গল আর কোথাও দেখিনি। জঙ্গলে প্রচুর শালগাছ—জঙ্গলে কাঠুরেরা আসে কাঠ কাটতে। বাঘের কবলে অনেকে মারা যায়। এখান থেকে চার মাইল দূরে সারেন্দা-টানেল। শুনলুম, বিশ-পঁচিশ বছর আগে সেখানে এক প্রকাণ্ড বুনো হাতীর সঙ্গে বি-এন-রেলওয়ের একখানা চলন্ত ট্রেনের সংঘর্ষ হয়—হাতীটাই জখম হয়ে শেষে মারা যায়।

যেতে যেতে জঙ্গলের প্রান্তে কাঠবোকাই কখনো গোকুর গাড়ি দেখলুম। সার চলচে। আরো খানিক এগিয়ে দেখি, পথের ধারে তিনটি ময়ূর—বন থেকে বেরিয়ে পথে এসেছে। আমাদের দেখে, চলন্ত মোটর দেখে তারা সরে গেল না। এমন নির্ভর! পথে কারো নদী পার হলুম—তারপর কেইনা পার হয়ে শলাই-বাঙলোর পৌঁছলুম। খানিকটা বিশ্রাম করে চা-টা খেয়ে সন্ধ্যা নাগাদ বেড়াতে বেরলুম। এক জায়গায় একটা নালা। নালার উপর রেলওয়ে-ব্রিজ। ছোট লাইন—কোন মাইনিং কার্য আছে, তাদের প্রাইভেট লাইন। লাইনে হুজনে বসলুম—কি চমৎকার দৃশ্য! দুধারে পাহাড়—বন-জঙ্গলে আগাগোড়া ঢাকা লাইন থেকে অনেক উঁচু পর্বত—লাইনকে যেন উঁচু পাঁচিলের মত ঘিরে রেখেছে। জঙ্গলের গাছে গাছে পাতার পাতার জোনাকি জ্বলচে—আকাশে অসংখ্য নক্ষত্র-চাঁদ। ভগবানের উদ্দেশ্যে হুজনে প্রাণের প্রার্থনা নিবেদন করলুম।

রাত্রি বাড়তে দেখে মিস্টার সিং বলেন—এবার ওঠা যাক। আমার উঠতে ইচ্ছা হয় না। আমি বল্লাম—এইখানে পড়ে থাকা যাক সারা রাত। মিস্টার সিং বলেন—সর্বনাশ! ঐ জঙ্গলে আছে কত বুনো হাতী, হায়েনা আর বাঘ—নরখাদক বাঘ। তিন-চার দিন হলো, মাইনিং কোম্পানির তিনজন কুলি এখানে কাজ করছিল—তাদের—তিনজনকেই বাঘে নিয়ে গেছে। কদিন তাই কাজ বন্ধ আছে। শুনে গা ছমছম করে উঠলো।—থাকতে ভরসা হলো না। নদীর ধার দিয়ে চলে আসছিলাম—মিস্টার সিং দেখালেন, নদী-কিনারার ডিঙা বাগিতে হাতীর পায়ের দাগ—হায়েনার পায়ের দাগ। মনটা ধরাপ হয়ে গেল। এমন শোভা এমন

সৌন্দর্য—তার পিছনে যুড়ায় এ কি করাল ছায়া !

পরের দিন মোটরে চড়ে আবার যাত্রা। পথে এক জায়গায় দেখি, উচু একটা স্তম্ভ। স্তম্ভের নীচে গাড়ি থামিয়ে নামা হোল। নেমে উপরে গুঠা। শৈলমালায় ঘেরা একটা টিলার উপরে স্তম্ভ। উঠবার সিঁড়ি আছে—বরাবর। মিস্টার সিং বলেন,—আপনার জন্তই কারা ওই টাওয়ারে ওঠবার সিঁড়ি তৈরী করে রেখেছে ! সিঁড়ি বেয়ে দুজনে উপরে উঠলুম। উপর থেকে কতদূর পর্যন্ত দেখলুম ! বেশ উচু পাহাড়ের শ্রেণী। সিং বলেন—শশাংদাবুরু পাহাড়—তিন হাজার ফুট উচু ! বসে বসে দেখচি আর দেখচি। মনে হচ্ছে কোথায় থাকি—যার কোথায় এসেচি আজ ! কি সুন্দর জায়গা ! সত্যিই চোখে দেখচি ? না, স্বপ্ন ?

ক্রমে চাঁদ উঠলো—আকাশের পটে রাশি রাশি নক্ষত্র। ভর হলো বিরাটস্থের রূপ দেখে। নীচে লৌহ-প্রাচীরের মত শৈলমালা—ঘন অরণ্য—মাথার উপর অগণ্য সূর্য্য-চন্দ্র-গ্রহ তারা। বিশ্বরূপের বিরাটস্থ বেশ ভালো করেছে উপলব্ধি করলুম। মনে মনে ভাবলুম, তোমার এ রূপ দেখার সুবিধা আর সৌভাগ্য কাবলু যেন পার, হে ভগবান !

মায়া

দুঃখের আগের কথা বলি। এগনো অল্প অল্প যেন মনে পড়ে। সব ভুল হয়ে যায়। কি করে এলাম এখানে ! বগুলা থেকে রাস্তা চলে গেল সিঁদরানির দিকে। চলি সেই রাস্তা ধরেই। রাধুনী বামুনের চাকরিটুকু ছিল অনেক দিনের, আজ তা গেল।

যাক, তাতে কোনো দুঃখ নেই। দুঃখু এই, অবিচারে চাকরিটা গেল। ঘি চুরি আমি করিনি, কে করেছে আমি জানিও না, অথচ বাবুদের বিচারে আমি দোষী সাব্যস্ত হলাম। শাস্তিপাড়, সর্ষে, বেজেরডাঙা পার হতে বেলা দুপুর ঘুরে গেল। খিদেও বেশ পেয়েচে। জোয়ান বয়স, হাতে সামান্য কিছু পয়সা থাকলেও থাবার দোকান এ পর্যন্ত এসব অজ্ঞ পাড়াগায়ে চোখে পড়ল না।

রাস্তার এক জায়গায় ভারি চমৎকার একটা পুকুর। স্থান করতে আমি চিরকালই ভালো বাসি। পুকুরের ভাঙা ঘাটে কাপড় নামিয়ে রেখে জলে নামলাম। জলে অনেক পানা শেঙলা, সেঙলো সরিরে পরিকার জলে প্রাণ ভরে ডুব দিলাম। বৈশাখের শেষ, গরমও বেশ পড়েচে, স্নান করে সত্যি ভারি তৃপ্তি হোল। পুকুরের ধারে একটা তেঁতুলগাছের ডালে ভিজে কাপড় রোদে মিলাম। শরীর ঠাণ্ডা হোল কিন্তু পেট সমানে জলচে। এ সময় কোনো বনের কল নেই ? চোখে তো পড়ে না, ঘেঁষিকে চাই।

এমন সময় একজন বুড়ো লোক পুকুরটাতে নাইতে আসচে দেখা গেল। আমাকে দেখে বলে—বাড়ি কোথায় ?

আমি বললাম,—আমি গরীব ব্রাহ্মণ, চাকরি খুঁজে বেড়াচ্ছি। আশাততঃ বড় খিদে পেয়েচে, খাবো কোথায়, আপনি কি সহান দিতে পারেন ?

বুড়ো লোকটি বলে—রোসো, নেয়ে নি—সব ঠিক করে দিচ্ছি।

স্থান সেরে উঠে লোকটি আমাকে সঙ্গে নিয়ে গ্রামের মধ্যে ঢুক জললে ঘেরা একটা পুরোনো বাড়িতে ঢুকলো। বলে—আমার নাম নিবারণ চক্রবর্তী। এ বাড়ি আমার, কিন্তু আমি এখানে থাকিনে। কলকাতার আমার ছেলেরা ব্যবসা করে, শ্রামবাজারে ওদের বাসা।

এত বড় বাড়ি পড়ে আছে আর সেখানে মাত্র তিনখানা ঘরে আমরা থাকি। কি কষ্ট বলে দিকি! আমি মাসে মাসে একবার আসি, বাড়ি দেখা শুনো করি। ছেলেরা ম্যালেরিয়ার ভয়ে আসতে চায় না। মস্ত বড় বাগান আছে বাড়ির পেছনে। তাতে সব-রকম ফলের গাছ আছে—বারো ভুতে থায়। তুমি এখানে থাকবে?

বললাম—থাকতে পারি।

—কি কাজ করতে?

—রাধুণীর কাজ।

—যে ক’দিন এখানে আছি, সে ক’দিন এখানে রাঁধো, হুজনে খাই।

—খুব ভালো।

আমি রাজী হয়ে যেতে লোকটা হঠাৎ যেন ভারি খুশী হোল। আমার খাওয়ার ব্যবস্থা করে দিলে তখনি। খাওয়া-দাওয়ার পরে আমাকে একটা পুরোনো মাহুর আর একটা মোটা তাকিয়া বালিশ দিয়ে বল্লে—বিশ্রাম করো।

পথ হেঁটে বড় ক্লান্ত হয়ে পড়েছিলাম। ঘুমিয়ে যখন উঠলাম, বেলা তখন নেই। রাঙা রোদ বড় বড় গাছপালায় উঠু ডালে। এর মধ্যে বাড়ির পেছনের জঙ্গলে শেয়ালের ডাক শুন হোল। আমি বাড়ির বাইরে গিয়ে এদিক-ওদিক খানিকটা ঘুরে বেড়লাম। যেদিকে চাই, সেদিকেই পুরোনো আম-কাঠালের বন আর জঙ্গল। কোনো লোকের বাড়ি নজরে পড়লো না। জঙ্গলের মধ্যে একস্থানে কেবল একটা ভাঙা দেউল দেখতে পেলাম। তার মধ্যে উঁকি মেরে দেখি, শুধু চামচিকের আড্ডা।

কিরে এসে দেখি, বুড়ো নিবারণ চক্ৰবর্তি বসে তামাক খাচ্ছে। আমার বল্লে—চা করতে জানো? একটু চা করো। চিড়ে ভাজো। তেল-চুন যেথেকে কাঁচা লক্ষ্য দিয়ে খাওয়া যাবে।

সন্ধ্যার পর বল্লে—ভাত চড়িয়ে দাও। সন্ধ্যা আতপ আছে, গাওয়া ঘি আছে, আলু ভাতে ভাত,—বাস্!

—যে আজ্ঞে।

—তোমার জন্তে কিঙের একটা তরকারি করে নিও। কিঙে আছে রান্নাঘরের পেছনে। আলো হাতে নিয়ে তুলে আনো এইবেলা। আর একটা কথা—রান্নাঘরে সর্বদা আলো জ্বলে রাখবে।

—তা তো রাখতেই হবে, অন্ধকারে কি রান্না করা যায়?

—হ্যাঁ, তাই বলচি।

মস্ত বড় বাড়ি। ওপরে নীচে বোধ হয় চোদ্দ-পনেরোখানা ঘর। এছাড়া টানা বারান্দা। দু-চারখানা ছাড়া অল্প সব ঘরে তালা দেওয়া। রান্নাঘরের সামনে মস্ত বড় লম্বা রোয়াক, রোয়াকের ও-মুড়োর চার-পাঁচটা নারকোল গাছ আর একটা বাগাবি লেবুর গাছ। কিঙে তুলতে হোলে এই লম্বা রোয়াকের ও-মুড়োর গিরে আমার উঠোনে নামতে হবে, তারপর ঘুরে রান্নাঘরের পেছন দিকে যেতে হবে। তখনো সম্পূর্ণ অন্ধকার হয়নি, আলোর দরকার নেই ভেবে আমি এগনি শুধু হাতেই কিঙে তুলতে গেলাম।

বাবা, কি আগাছার জঙ্গল রান্নাঘরের পেছনে! বুনো কিঙে গাছ, বাকে এঁটো গাছ বলে। অর্ধাৎ এমনি বীজ পড়ে যে গাছ হয় তাই। অনেক কিঙে ফলেচে দেখে বেছে বেছে কচি কিঙে তুলতে লাগলাম। হঠাৎ আমার চোখে পড়লো, একটা বৌ-মতো কে মেরেছেলে আমার সামনাসামনি হাত নলেক দূরে কোণের মধ্যে নীচু হয়ে আধঘোমটা দিয়ে আমারই মতো কিঙে

তুলচে! হবার আমি চেয়ে চেয়ে দেখলাম, তারপর পেছন ফিরে সাত-আটটা কচি ঝিঙে তুলে নিয়ে চলে আসবার সময় আর একবার চেয়ে দেখলাম। দেখি, বৌটি তখনো ঝিঙে তুলচে।

নিবারণ চক্ৰান্তি বলে—ঝিঙে পেলো ?

—আজ্ঞে হ্যাঁ, অনেক ঝিঙে হয়ে আছে। আর একজন কে তুলছিল।

নিবারণ বিশ্বসের সুরে বলে—কোথায় ?

—ওই রাস্তাঘরের পেছনে। বেশী জঙ্গলের দিকে।

—গুরুবমাহুৰ ?

—না, একটি বৌ।

নিবারণ চক্ৰান্তির মুখ কেমন হয়ে গেল। বলে—কোথায় বৌ ? চলো দিকি দেখি!

আমি ওকে সঙ্গে করে রাস্তাঘরের পেছনে দেখতে গিয়ে দেখি, কিছুই না।

নিবারণ বলে—কৈ বৌ ?

—ওই তো ওখানে ছিল, ও ঝোপটার কাছে।

—হুঁ, যতো সব! চলো, চলো। দিনহুপুরে বৌ দেখলে অমনি!

আমি একটু আশ্চর্য হোলাম। যদি একজন পাড়াগাঁয়ের বৌ-ঝি দুটো জংলী ঝিঙে তুলতে এসেই থাকে, তবে তাতে খাল্লা হবার কি আছে ভেবে পাই নে! তাছাড়া আজ না হয় উনি এখানে আছেন, কাল যখন কলকাতায় চলে যাবেন, তখন বুনো ঝিঙে কে চৌকি দেবে ?

রাত্রে খাওয়া-দাওয়ার পর চক্ৰান্তি-বুড়ো আবার সেই ঝিঙে চুরির কথা তুললে। বলে—আলো নিয়ে যাওনি কেন ঝিঙে তুলতে ? তোমার আমি আলো হাতে নিয়ে যেতে বলেছিলাম, মনে আছে ? কেন তা যাওনি ?

আমি বুঝলাম না কি তাতে দোষ হোল! বুড়োটা খিটখিটে ধরনের। বিনা আলোতে যখন সব আমি দেখতে পাচ্ছি, এমন কি ঝিঙে-চুরি-করা বৌকে পর্যন্ত—তখন আলো না নিয়ে গিয়ে দোষ করেচি কি ?

বুড়ো বলে—না, না, সন্ধ্যার পর সর্বদা আলো কাছে রাখবে।

—কেন ?

—তাই বলচি। তোমার বয়স কত ?

—সাঁইত্রিশ-আটত্রিশ হবে।

—অনেক কম বয়স আমাদের চেয়ে। আমার এই তেষটি। যা বলি কান পেতে শুনো।

—আজ্ঞে নিশ্চয়।

রাত্রে শুয়ে আছি, ওপরের ঘরে কিসের যেন ষট্‌ষট্‌ শব্দ শুনে ঘুম ভেঙে গেল। জ্বিনিস-পত্র টানাটানির শব্দ। কে বা কারা যেন বাস-বিছানা এখান থেকে ওখানে সরাস্তে। ভারী জ্বিনিস সরাস্তে। বুড়ো কাল সকালে চলে যাবে কলকাতায়, তাই বোধ হয় জ্বিনিসপত্র গোছাচ্ছে! কিন্তু এত রাত্তিরে ?

বাবাঃ! কি বাতিকগ্রস্ত মাহুৰ!

সকালে উঠে বুড়োকে বলতেই বুড়ো অবাক হয়ে বলে—আমি ?

—হ্যাঁ, অনেক রাত্রে।

—ও! হ্যা—না—হঁ—ঠিক।

—আমাকে বল্লই হোত আমি ওজিরে দিতাম!

চক্ৰি-বুড়ো আর কিছু না বলে চুপ করে গেল। বেলা নটার মধ্যে আমি ভাল-ভাত আর খিড়িভাজা রাঁধা করলাম। খেয়ে-দেয়ে পোটলা বেঁধে সে রওনা হোল কলকাতার। যাবার সময় বার বার বলে গেল—নিজের ঘরের লোকের মত থেকো ঠাকুর। পেয়ারা আছে, আম-কাঁঠাল আছে, উৎকৃষ্ট পেঁপে আছে, তরিতরকারি পোভো, আমার খাস-জমি পড়ে আছে তিন বিঘে। ভট্টাসন হোল মেড় বিঘের ওপর। লোক-অভাবে জঙ্গল হয়ে পড়ে আছে। খাটো, তরকারি উৎপন্ন করে, খাও, বেচো—তোমার নিজের বাড়ি ভাববে। দেখাশুনো করো, থাকো। ভাবনা নেই। আর একটা কথা—

—কি?

চক্ৰি-বুড়ো অকারণে সুর বাটো করে বল্ল—কত লোকে ভাঙচি দেবে। কারো কথা শুনো না যেন। বাড়ি দেখাশুনো যেমন করবে, নিজের মতো থাকবে, কোনো কথায় কান দেবে না, গাছের কল-ফুলুরি তুমিই খাবে। দুটো ঘর খোলা রইলো তোমার জন্তে।

বুড়ো চলে গেল। আমাকে যেন আকাশে তুলে দিয়ে গেল। 'আরে, এত বড় বাড়ির বড় বড় দুখানা ঘর আমার ব্যবহারের জন্ত রয়েছে—তাছাড়া বারান্দা, রান্নাঘর, রোয়াক তো আছেই! বাড়িতে পাতকুরো, জলের কষ্ট নেই। শুকনো কাঠ যথেষ্ট, কাঠের কষ্ট নেই। দশটা টাকা অগাম দিয়ে গিয়েচে বুড়ো, প্রায় আধ-মণটাক সরা আতপ চালও আছে। গাছ-ভরা আম-কাঁঠাল। এ যেন ভগবানের দান আকাশ থেকে পড়ল হঠাৎ!

বিকেলের দিকে তেল-ছুন কিনবো বলে মুদির দোকান খুঁজতে বেরুলাম। বাপ রে, কি বন-জঙ্গল গাঁথানার ভেতরে! আর এদের যেখানে বাড়ি তার ত্রিসীমানায় কি কোনো লোকালয় নেই? জঙ্গল ভেঙে হুঁড়িপথ ধরে আধ মাইল যাবার পর একজন লোকের সঙ্গে দেখা হোল। সেও তেল কিনতে যাচ্ছে, হাতে তেলের ভাঁড়। আমার দেখে বল্ল—বাড়ি কোথায়?

—এখানে আছি নিবারণ চক্ৰির বাড়ি।

—নিবারণ চক্ৰির? কেন?

—দেখাশুনো করি। কাল এসেচি।

—ও বাড়িতে থাকতে পারবে না।

—কেন?

—এই বলে দিলাম। দেখে নিও। কত লোক ও বাড়িতে এল গেল। ওরা নিজেরাই থাকতে পারে না, তা অস্ত্র লোক! ও-বাড়ির ছেলে-বোয়েরা কান্দনকালে ও-বাড়িতে আসে না—

—কেন?

—তা কি জানি! ও বড় ভয়ানক বাড়ি। তুমি বিদেশী লোক। খুব সাবধান।

আর কিছু না বলে লোকটা চলে গেল। আমি দোকান খুঁজে জিনিস কিনে বাড়ি ফিরলাম। তখন বিকেল গড়িয়ে গিয়ে সন্ধ্যা নামচে। দূর থেকে জঙ্গলের মধ্যকার পুরোনো উঁচু দোতলা বাড়িখানা দেখে আমার বুকের ভেতরটা হাঁৎ করে উঠলো। সত্যি, বাড়িখানার চেহারা কি রকম যেন! ও যেন একটা জীবন্ত জীব, আমার মতো ক্ষুদ্র লোককে যেন গিলে ফেলবার জন্ত হাত বাড়িয়ে এগিয়ে আসচে। অমনতর ওর চেহারা কেন?

কিছু না। লোকটা আমার মন খারাপ করার জন্ত দারী। আমি যখন তেল-ছুন কিনতে

যাই তখন আমার মনে দিব্যী ফুঁটি ছিল—হঠাৎ এমন হওয়ার কারণ হচ্ছে ওই লোকটার ভয়-দেখানো কথাবার্তা। গায়ে পড়ে অত হিত করবার দরকার কি ছিল বাপু তোমার? চক্ৰতি বুড়ো তো বলেই গিয়েছে, কত লোক কত কথা বলবে, কারো কথায় কান দিও না।

কিছু না, গাছপালার কল-ফুলেরি গায়ের লোক চুরি করে খায় কিনা। বাড়িতে একজন পাহারাদার বসালে লুটপাট করে খাওয়ার ব্যাঘাত হয়, সেইজন্তেই ভয় দেখানো। যেমন ওই বোটী কাল সন্ধ্যাবেলা ঝিঙে চুরি করছিলো।

অনেকদিন এমন আরায়ে থাকিনি। বিনা-খাটুনিতে পরমা রোজগারের এমন সুযোগ জীবনে কখনো ঘটেনি। নিজের জন্ত শুধু দুটো রান্না—মিটে গেল কাজ! সকাল সকাল রান্না সেয়ে নিয়ে নীচের বড় রোয়াকে বসে আপনমনে গান গাইতে লাগলাম। এত বড় বাড়ির আমিই মালিক। কারো কিছু বলবার নেই আমাদের। যা খুশী করবো।

হঠাৎ ভয়ানক আশ্চর্য্য হয়ে গেলাম। দোতলার নালির মুখ দিয়ে পড়তে লাগলো জল, যেমন ওপরের বারান্দাতে কেউ হাত-পা ধুলে জল পড়ে—বেশ মোটা ধারে জল পড়তে লাগলো। তখন আমি উঠে রোয়াকের ধারে দাঁড়িয়ে দোতলার বারান্দার দিকে চেয়ে দেখলাম। তখনো জল পড়চে—সমান্নে মোটা ধারার। ওপরের সিঁড়ির দরজার তালা দেওয়া। চাবি চক্ৰতি মশায় নিয়ে গিয়েচেন, স্তরায় দোতলার বাবার কোনো উপায় আমার নেই। এ জল কোথা থেকে পড়চে?

মিনিট দশেক পড়ার পর জলের ধারা বন্ধ হয়ে গেল। আমার মনে হোল, চক্ৰতি মশায় বোধ হয় কোনো কলসী বা ঘড়াতে জল রেখে দিয়েছিলেন ওপরের বারান্দাতে, সেই কলসী কি-ভাবে উটে পড়ে গিয়ে থাকবে। নিশ্চয় তাই। তা ছাড়া জল আসবে কোথা থেকে?

একটু পরে গিয়ে শুয়ে পড়লাম। আলো নিবিয়ে শুয়ে পড়বার সঙ্গে সঙ্গে আমার চোখে ঘুম জড়িয়ে এলো। অনেক রাতে একবার ঘুম ভেঙে গেল, জানলা দিয়ে সুন্দর জ্যোৎস্না এসে পড়েচে বিছানায়। কি একটা ফুলের গন্ধও আসচে। বেশ সুবাস ফুলের।

কি ফুল?

ঘুমের ঘোরেরই ভাবটি এমন কোন সুগন্ধগুয়ালা ফুল তো বাড়ির কাছাকাছি দেখিনি।

তড়াক করে লাফিয়ে উঠলাম। ও কি! জানলার সামনে দিয়ে একটি বৌ চলে গেল রোয়াক বেয়ে। হ্যাঁ, স্পষ্ট দেখেছি—ভুল হবার নয়! আমি তখনই উঠে দরজা খুলে রোয়াকে গিয়ে দাঁড়ালাম। রোয়াকে দাঁড়াতে দুটো জিনিস আমার কাছে স্পষ্ট হোল। প্রথম সেই ফুলের সুবাসটা রোয়াকে অনেকখানি ঘন, ঐ বোটী যেন এই সুবাস ছড়িয়ে দিয়ে গেল এই কতক্ষণ! না, কোনো ফুলের সুবাস নয়। এ কিসের সুবাস, তা আমার মাথায় আসচে না।

কেমন একরকম যেন লাগচে! একরকম নেশার মতো! কেন আমি বাইরে এসেছি? ও! কে একটি বৌ রোয়াক বেয়ে খানিক আগে চলে গিয়েছিল—সেই ছড়িয়ে গিয়েচে এই তীব্র সুবাস। কিন্তু কোনো দিকে নেই তো সে! গেল কোথায়?

সে-রাজে সেই পর্য্যন্ত। কতক্ষণ পরে ঘরে এসে শুয়ে ঘুমিয়ে পড়লাম। সকালে উঠে মনে হোল, সব স্বপ্ন। মনটা বেশ হালকা হয়ে গেল। কাজ-কর্মের ভালো করে মন দিলাম। বন-জঙ্গল কেটে কিভাবে তরিতরকারির আবাদ করবো, সেই আলোচনা করতে লাগলাম মনের মধ্যে।

একটা অশ্রুবিধে এখানে থাকবার—বড় নির্জনে থাকতে হয়। কাছাকাছি যদি একঘর লোকও থাকতো, তবে এত কষ্ট হোত না—কথা বলবার একটা লোক নেই, এই হোল মহাকষ্ট।

সেদিন দুপুরে এক ঘটনা ঘটলো।

আমি ভাত নামিয়ে হাঁড়ি রাখতে বাচ্ছি, এমন সময় দোতলার বারান্দাতে অনেক লোক যেন একসঙ্গে হেসে উঠলো। সে কি ভীষণ অট্টহাসি! আমার গা যেন দোল দিয়ে উঠলো সে হাসি শুনে। খিলখিল করে হাসি নয়—খলখল করে হাসি। আকাশ-বাতাস ঝগঝগিয়ে উঠলো সে হাসির শব্দে।

ভাত ফেলে রেখে দৌড়ে গেলাম। রোয়াকে গিয়ে ওপরের দিকে দেখি, কিছুই না। নিচের জানলা যেমন বন্ধ, ওপরের ঘরের সারবন্দি জানলা তেমনি বন্ধ। হাসির লহর তখন থেমে নিশ্চুপ হয়ে গিয়েছে।

ব্যাপার কি? কোনো বদমাইশ লোকের দল ওপরে আড্ডা বেঁধেছে? ওপরের সিঁড়ির মুখে গিয়ে দেখি দরজায় তেমনি কুলুপ খুলেছে।

আমার ভয় হয়নি। কেননা দিনমান, চারিদিকে সূর্যের আলো। এ সময়ে মনের মধ্যে কোন ভূতের সংস্কার থাকে না। এই হাসিই যদি আমি রাত্রে স্তনভায়, তবে বোধ হয় ভয়ে অজ্ঞান হয়ে যেতাম, চাবি দিয়ে দাঁত খুলতে হতো।

রান্নাঘরে ফিরে এসে ভাতের কেন গেলে কিডের তরকারি চাপিয়ে দিই। প্রচুর বিড়ে জঙ্গলে ফলেছে, যত ইচ্ছে তুলে নিতে খাও। আমারই বাড়ি, আমারই বিড়ে-লতা। মালিক হওয়ার যে একটা মাদকতা আছে, তা কাল থেকে বৃদ্ধি। আমার মতো গরীব বামুনের জীবনে এমন জিনিস এই প্রথম।

কান পেতে রইলাম ওপরের ঘরের কোনো শব্দ আসে কিনা শুনতে। ছুঁচ পড়বার শব্দও পেলাম না। খেয়েদেয়ে নিজের মনে বিছানায় গিয়ে শুয়ে ঘুমিয়ে পড়েছি—ঘুমের ঘোরে শুনচি, ঘরের মধ্যে অনেক লোক কথাবার্তা বলছে, হাসছে। ঘুমের মধ্যেও আমি ওদের কথাবার্তা যেন শুনচি, যেমন কোনো বিরেবাড়িতে ঘর-ভর্তি লোকের মধ্যে ঘুমিয়ে পড়লে লোকজনের গলার শব্দ ঘুমের মধ্যেও পাওয়া যায়! হরত সবটাই আমার মনের ভুল! মনের সেই যে ভাব হয়েছিল হাসি শুনে, তারই কল!

এর পর ন'দিন আর কোনো কিছু ঘটেনি।

মাহুঘের মনের অভ্যাস, অপ্রীতিকর জিনিসগুলো তাড়াতাড়ি দিবা তুলে যেতে চায়, পারেও তুলে যেতে। আমি নিজের মনকে বোঝালুম, ওসব কিছু না, কি শুনতে কি শুনেচি, বৌ দেখা চোখের ভুল, হাসি শোনাও কানের ভুল! সব ভুল।

এ ন'দিনে আমার শরীর বেশ সেরে উঠলো। খাই-দাই, আর শুধু ঘুমই। কাজ-কর্ম কিছু নেই—কেমন একরকমের কুড়মি পেয়ে বসেছে আমাকে। আমি সাধারণতঃ খুব খাটিয়ে লোক, শুয়ে বসে থাকতে ভালোবাসিনে—কিন্তু অনেকদিন ধরে অতিরিক্ত খাটুনির ফলে কেমন একরকমের অবসাদ এসে গিয়েছে, শুধুই আরাম করতে ইচ্ছা হয়।

ন'দিনের দিন বিকেলে মনে হোল রান্নাঘরের পেছনে সেই কিডের জঙ্গলটা কেটে একটু পরিকার করি, কিডের লতাগুলো বাঁচিয়ে অবশ্য। শুধানে ঝালের চারা পুঁতবো, আর একটা চালকুমড়োর এঁটো লতা হয়েছে শুই জঙ্গলের মধ্যে, সেটা বাঁশের কণ্ডি দিয়ে রান্নাঘরের ছাদে উঠিয়ে দেবো। এ বাড়িতে কাজ করে সুখ আছে; কারণ দা, কোদাল, কাণ্ডে, নিড়েন, শাবল, কুড়ুল, সব মজুত আছে—ঘরের কোণে একটা হাত-করাত ইস্তক।

অলক্ষ্য মাত্র কাজ করেছি—আধ ঘণ্টাও হবে না।

হঠাৎ দেখি, সেই বোটি কিঙে তুলতে এসেচে। নীচু হয়ে ঝোপের মধ্যে কিঙে তুলচে। সঙ্গে সঙ্গে দোতলার ঘরগুলোর মধ্যে এক মহা-কলরব উপস্থিত হোল। অনেকগুলো লোক—আনাজ জনপঞ্চাশেক, একসঙ্গে যেন হৈ-হৈ করে উঠলো—সব দরজা-জানলা যেন একটা বড়ের ঝাপট লেগে একসঙ্গে খুলে গেল।

বন কাটা কলে আমি ঔপরদিকে চেয়ে দেখলাম। সামনের রোয়াকে এসে দাঁড়িলাম—কৈ, একটা দরজা-জানলার কপাটও খোলেনি দোতলার! যেমন তেমনি আছে!

বা্যার কি? বাড়িটার মূগী রোগ আছে নাকি? মাঝে মাঝে এমন বিকট চীৎকার ওঠে কেন? এবার তো ভুল হবার কোনো কথা নয়—সম্পূর্ণ সুস্থ মনে কাজ করতে করতে এ চীৎকার আমি শুনেচি এইমাত্র। এমন আবার চারিদিক নিঃশব্দ, কোনো দিকে কোনো শব্দ নেই।

সেই বোটি আবার কিঙে তুলতে এসেচে এই গোলমালের মধ্যে। দৌড়ে গেলাম রান্নাঘরের পেছনে। সেখানেও কেউ নেই।

সেদিন রাত্রে এক ঘটনা ঘটলো। ভারি মজার ঘটনা বটে।

খেয়েদেয়ে সব শুয়েচি, সামান্য তন্দ্রা এসেচে—এমন সময় কিসের শব্দে তন্দ্রা ছুটে গেল। চেয়ে দেখি, আমার বিছানার চারিপাশে অনেক লোক জড়ো হয়েছে—তাদের সবারই মাথার লাল পাগড়ি, হাতে ছোট ছোট লাঠি—আশ্চর্যের বিষয়, সকলেরই মুখ দেখতে একরকম। একই লোক যেন পঞ্চাশটি হয়েছে, এইরকম মনে হয় প্রথমটা। বহু আরশিতে যেন একটা মুখই দেখেচি।

কে যেন বলে উঠলো—আমাদের মধ্যে আজ কে যেন এসেচে!

একজন তার উত্তর দিলে—এখানে একজন পৃথিবীর লোকের বাড়ি আছে অনেক দিন থেকে। আমি দেখিনি বাড়িটা, তবে শুনেচি। যারা দেখতে জানে, তারা বলে। সেই বাড়ির মধ্যে একটা লোক রয়েছে।

—সব যিথো! কোথায় বাড়ি?

—আমরা কেউ দেখিনি।

—তবে এসো, আমরা নাচ আরম্ভ করি।

বাপ রে বাপ! কথার বলে ভুতের নেতা! শুনেই এসেছিলাম এতদিন, এইবার স্বচক্ষে দেখলাম। সে কি কাণ্ড! অতগুলো লোক একসঙ্গে লাঠি বাজিয়ে এক তাণ্ডব নৃত্য শুরু করে দিলে, আমার দেহের মধ্যে দিয়ে কতবার যে এল গেল! তার সঙ্গে সঙ্গে বিকট চীৎকার আর হুয়া!

আমার বিছানার বা আমার কোনো অংশ তারা স্পর্শও করলো না। আমি যে সেখানে আছি, তাও যেন তারা জানে না। ওদের হুকার আর ভৈরব নৃত্যে আমি জ্ঞানশূন্য হয়ে গেলাম। যখন জ্ঞান হোল, তখন শেষ-রাত্রে জ্যোৎস্না খোলা জানলা দিয়ে এসে বিছানার পড়েচে। সেই ফুলের অতি মৃদু সুবাস ঘরের ঠাণ্ডা বাতাসে। আমি আধ-অচেতন ভাবে জানলার বাইরে জ্যোৎস্নামাখা গাছপালার দিকে চেয়ে রইলাম।

কতক্ষণ পরে জানি না ভোর হয়ে গেল।

বিছানা ছেড়ে উঠে দেখি, ঘুমের কোনো ব্যাঘাত হয়নি। স্নানক্রা হোলে শরীর যেমন ঝরঝরে আর সুস্থ হয়, তেমনি বোধ করচি।

তবে ঐ ভুতের নাচ কে দেখেছিল? সে নাচ কি তবে ভুল? খেয়েদেয়ে পরম আরামে

গুরে ঘুমিয়ে পড়ে স্বপ্ন দেখেচি ?

তাই যদি হয়, তবে এই শেষ-রাত্রের ঠাণ্ডা বাতাসে যে ফুলের সুবাস পেরেচি, তা কোথা থেকে এলো ? সেই বোটি যখন চলাকেন্দ্রা করে, তখনি অমন সুবাস ছড়ায় বাতাসে। সুবাসটা ভুল হতে পারে না। এখনো সে-গন্ধ আমার নাকে লেগে রয়েছে।

কোনো অজানা বন-ফুলের সুবাস হয়তো ! তাই হবে।

তেল কিনতে গিয়েচি দোকানে, দোকানী বল্লে—কি রকম আছে ? বলি, কিছু দেখচো নাকি ?

—না।

—শুনচো কিছু ?

—না।

—তুমি দেখচি সাধু লোক। তুক-তাক জানো নাকি ? ভূতের মন্তর ?

—তেল দাও, চলে যাই। ওসব বাজে কথা।

—আচ্ছা, একটা গেরেকে ওখানে কোনো দিন ছাখোনি ? বৌ-ঘত ? কোনো গন্ধ পাওনি ?

—কিসের গন্ধ ?

—কোনো ফুলের স্বগন্ধ ?

—না।

—খুব বেঁচে গিয়েচ তুমি। তোমার আগে যারা ওখানে থাকতো, তারা সবাই একটি বৌকে দেখতো ওখানে প্রায়ই। এমন হোত শেষে, ও বাড়ি ছেড়ে তারা নড়তে চাইতো না। তারপর রোগা হয়ে দিন দিন শুকিয়ে শেষ পর্যন্ত মারা যেতো। দুটি লোকের এই রকম হয়েচে এ পর্যন্ত। বাড়িতে ভূতের আড্ডা। ভূতে লোককে পাগল করে দেয়। তাদের কাণ্ডজ্ঞান থাকে না, এমন ভালো লাগে এ বাড়ি—না খেয়ে, না দেয়ে ওখানে পড়ে থাকে—ছেড়ে যেতে চায় না ! তুমি দেখচি ভূতের মন্তর জানো। আমরা তো ও বাড়ির ত্রি-সীমানার যাইনে। মাথা ধারাপ করে দেয় সাধারণ মানুষের।

তেল নিয়ে চলে এলাম। ভাবতে ভাবতে এলাম, মাথা ধারাপ হওয়ার স্ত্রুপাত আমারও হোল নাকি ? বাড়ির সীমানার পা না দিতেই আমারও মনে হোল, নাঃ, সব ভুল ! পরম স্মৃথে আছি। এ ছেড়ে কোথায় বাবো ? বেশ আছি, খাসা আছি, তোকা খাসা আছি।

সেই থেকে আজ ছ'বছর পড়ে আছি এ বাড়িতে। চক্ৰান্তি মশার মাইনেটাইনে কিছুই দেয় না, তাতে আমার কিছু আসে যায় না। বাড়ি দেখাশুনো করি, বেগুন-কলা বেচি, দিনরাত তাঁদের নৃত্য দেখি, তাঁদের মধ্যেই বাস করি—এক-পা যাইনে বাড়ি ছেড়ে।

আমার ডাক্তারি

আমাকে দস্তমশাই ডেকে বল্লেন—ও ডাক্তারবাবু, জল খেয়ে নিন একটু—

আমি বললাম—এখন থাক্, এর পরে হবে।

—না না, সে কি হয় ? আমন, সামান্য কিছু।

আমার এ সঙ্কে একটু বাধ-বাধ ঠেকে। রোজ রোজ আমাকে বাইরের ঘর থেকে ডেকে

এনে জলখাবার খাওয়ানো চাই-ই। আমি ডাক্তারি করি পাড়াগাঁয়ে—নলিনী দত্তমশাইয়ের বাইরের চণ্ডীমণ্ডপে থাকি। আমার কাছে ভাড়া তিনি নেন না। বলেন—না না, ব্রাহ্মণ দেবতা। আপনি আমার বাড়িতে দয়া করে বাস করচেন, এতেই আমার ভিটে পবিত্র হয়ে যাচ্ছে। আবার ভাড়া নেবো এই পাড়াগাঁয়ে আপনার কাছে ?

সে যাক্ গে। ভাড়া না হয় না নিলেন। কিন্তু রোজ সকালবেলা ডেকে আমার জলখাবার খাওয়ানো চাই। মুড়ি, গুড়, চিঁড়ে, নারকোল—যেদিন যা জোটে, একটা পাথরের ধোরা ভর্তি করে দেবেন। অত খাওয়া আমার অভ্যেস নেই বলেও শুনবেন না। আমার লজ্জা করে রোজ রোজ খেতে। ভাড়া নেবেন না, তার ওপর রোজ জলখাবার! এও এক-রকম জুলুম ছাড়া আর কি ?

দত্তমশায়ের মেয়ে এসে বলে—ডাক্তারবাবু, আপনি না খেলে বাবা কি কিছু খাবেন ? দাঁতে কুটো দেবেন না।

—কেন ?

—ব্রাহ্মণ বাড়িতে অভুক্ত থাকলে বাবা খাবেন না।

—বটে! আচ্ছা চলো।

সেদিন গিয়ে দেখি চালভাজা, ছোলাভাজা আর ঝুনো নারকোল কোরা। পৃথক্ বাটিতে খেজুর গুড়। চায়ের ব্যবস্থা এদের বাড়িতে নেই, সেকেলে গৃহস্থ, চা খাওয়ার রেওয়াজ গোড়া থেকেই গড়ে ওঠেনি।

আমি পাস করা ডাক্তার নই। বাড়িতে বই দেখে হোমিওপ্যাথিক শিখে আগে গ্রামেই ডাক্তারি করতাম। কিন্তু গ্রামের লোক পরমা দিতে চায় না। ধার বাকি ফেলে আর শোধ করে না। তাই দেখেওনে এই রঘুনাথপুরে এসে বসেছি আজ প্রায় তিন-চার মাস। আমাদের গ্রাম থেকে অনেক দূরে—আট-ন’ ক্রোশ। রেল নেই, হাঁটা পথে আসতে হয়। এ গ্রামে এসে প্রথমে এক চাষী-কৈবর্ত গৃহস্থবাড়িতে দিন পনরো ছিলাম। হঠাৎ একদিন সকালে নলিনী দত্তমশায় গিয়ে আমার বলেন—প্রাণঃপ্রণাম হই ডাক্তারবাবু। আপনার নিবাস কোথায় ?

—আমুন, বমুন। আপনার এ গ্রামে বাড়ি ?

আমার বাড়ির মালিক আমার সঙ্গে পরিচয় করিয়ে দিয়ে বলেন—উনি এ গাঁয়ের একজন কর্তা-বাক্তি লোক। ঠাঁর নাম নলিনী দত্ত।

দত্তমশায় ভাড়াভাড়ি বলে উঠলেন—না, না, কর্তা না হাতী! ও সব কিছু না। তা গিয়ে, আপনার কাছে এসেছিলাম একটা অহুরোধ করতে।

—কি, বলুন ?

—আমার বাড়িতে দয়া করে আপনাকে থাকতে হবে। আমার বাইরের ঘর আছে। কোনো অসুবিধে হবে না।

—ভাড়া কি রকম দিতে হবে ?

—আপনার নিজের বাড়ি। ভাড়া দেবেন কাকে ? চলুন দিকি জিনিসপত্র নিয়ে।

ভারি অদ্ভুত লোক তো! কিছুতেই ছাড়লেন না। লোক পাঠিয়ে জিনিসপত্র নিয়ে গেলেন মুকুন্দদের বাড়ি থেকে। গত মাঘ মাসের কথা। সেই পর্যন্ত এখানেই আছি।

আজ নলিনী দত্ত বাইরে এসে বলেন—এখন কোথাও যাবেন ?

—না।

—কগ্নী কি রকম হচ্ছে ?

—মন্দ না।

—রোজ কি রকম হয় ?

—তার কিছু ঠিক নেই।

—দৈনিক জুটো করে টাকা তো হওয়া চাই-ই।

—তা এখনো হয়নি।

—ইয়ে, রাঁধবেন আজ একটু দেরিতে।

আমি তখনই বুঝি, কোনো একটা কিছু দিতে চাইচেন। রোজ রোজ নেওয়াটা ঠিক নয়। চক্ষুজ্বর বাধে না ? কি একটা ওজর করব ভাবি, এমন সময় দত্তমশায় বলেন— একটা বড় মাছ আজ নেদের বাগান পুকুর থেকে ধরতে বলেচি। রসিক সর্দার বলে আমার এক বালাবন্ধু, সে-ই নিয়ে আসবে। আপনাকে মাছ একটু দেবো।

—ও, আচ্ছা বেশ।

আর কি বলি। রোজই এই রকম চলচে।

দুপুরের পর হঠাৎ চারজন লোক এসে হাজির। হাতে পোটলা, কাঁধে ছাতি। দত্তমশায়ের কাছে খবর গেল। তিনি খেয়ে একটু শুয়েছিলেন। শুনে বাইরে এলেন। তাঁদের দেখে আনন্দে বিগলিত ও কৃতার্থপ্রায় হয়ে বিনীত সুরে হাতজোড় করে বলেন—আনুন আনুন। পরম সৌভাগ্য। ওরে ও দীপু, গা-পা ধোবার জল দিয়ে বা—

দীপু দত্তমশায়ের বিধবা মেয়ে। বাড়িতে অল্প মেয়েমানুষ নেই। হাত-মুখ ধোওয়ার জল সে-ই নিয়ে এল। দত্তমশায় বলেন—তা হোলে আপনাদের আহারের যোগাড় করি ?

তাঁদের মধ্যে একজন বলেন—হ্যাঁ, তা হোক।

আবার বেচারী দীপুকে অসময়ে আগত এই চারজন জোয়ান অভিথির জন্তে রান্না করতে হয়। তাই কি ভাতে-ভাত রান্না ? তা হবার জো নেই। দত্তমশায় বসে তদারক করবেন, অভিথিদের পান থেকে চুন না খসে। এরা নেয়ে এসে ভিজ্ঞ কাপড়ে দাঁড়িয়ে রইল। দত্তমশায় ধোপদস্ত চারখানা ধুতি বের করে দিলে তবে পরলে। তারপর জলযোগ সেরে ওরা বসে যখন তামাক খাচ্ছে তখন কৌতূহল আর না চাপতে পেরে জিগ্যাস করলাম—আমাদের নিবাস ?

দুজন বলে, হাটগাছা। অল্প দুজনের বাড়ি অল্প এক গাঁয়ে। বললাম—দত্তমশায় বৃদ্ধি আত্মীয় ?

একজন বলেন—না, আত্মীয় নন।

পরে সুনলাম তাঁরা এখানে আসেন খাজনা আদায় করতে।

বছরে একবার বা দুবার আসেন এবং এখানেই ওঠেন। পার্শ্ববর্তী গ্রামে এঁদের নিজের নিজের বিষয়সম্পত্তি আছে। প্রতিবার এসে দশ-বারো দিন থাকেন। খাজনা হঠাৎ তো আদায় হয় না, একজন প্রজার কাছে একবারের জায়গায় দশবার ছুটতে হয়, তবে তারা পয়সা বের করে।

এবারও রইলেন প্রায় দশ দিন। যতক্ষণ একটি প্রজার কাছেও খাজনা বাকি থাকবে, ততদিন এঁরা নড়লেন না। আর অসীম ধৈর্য আর আতিথেয়তা দেখলাম দত্তমশায়ের। এক-একবার মনে হোত পায়ে ধুলো নিই দত্তমশায়ের।

সকাল থেকে ছোটোছুটি করচেন কোথা থেকে গলদা চিড়ি মাছ আনা যায়, ভালো কই মাছ কি করে সংগ্রহ করা যায়, অমুকের বাড়ি থেকে পটল আনচেন, অমুকের বাড়ি থেকে মানকচু

আনচেন। সর্বদা চেষ্টা অভিধিদের কি করে খুশী করবেন, কি করে ভালো খাওয়াবেন। এরাও জানে দত্তমশায়ের হোটেলে ষতদিন ইচ্ছে থাকো, কেউ বারণ করবার নেই।

আমার কষ্ট হোত দীপু বেচারীর ক্ষেত্রে।

হোটেলের রাঁধুনী তো আর দ্বিতীয় নেই।

হুবেলা রান্না, তাও কি সোজা রান্না, হরেক রকমের রান্না, গরমজল, কাপড়ে সাবান দেওয়া, সর্দিকানিশির পাচন জ্বাল দেওয়া—সব ঐ বেচারীর ঘাড়ে।

—ওরে দীপু, সরকার মশায়ের বড় সদি হয়েচে, একটু পাচন করে দিসু তো।

দীপু অমনি বেকলো গুলঞ্চের লতা আর বাসক ছাল বোগাড় করতে।

একদিন দেখি বক্চেন যেরেক।

—তোর একটু হাঁশ করে চলা উচিত। কাল বিচ্ছেদ মশায়কে মশারি টাঙিয়ে দিলি—তা দেখলিনে কোথায় ছেঁড়া, তিনি সারারাত ঘুমুতে পারেননি মশার উপজ্জবে। কেন, দেখে তখনই একটু সেলাই করে দিলেই মিটে যায়। তোর হাঁশ বড় কম—

মনে মনে ভাবলাম, ওর হাঁশ যদি কম হোত তবে আপনার এ অব্যাহিত-দ্বার হোটেল কোন্‌কালে দরজা বন্ধ করে লালবাতি জ্বালতো। কি রত্ন পেয়েছেন ঘরে, তা ভালো করে চোখ চেয়ে দেখুন।

একদিন দেখি, বাড়ির সামনের জঙ্গলের মধ্যে দীপু কি করচে। বেলা পড়ে গিয়েচে, সন্দেশ-হয়-হয়, বজ্রাম—কি ওখানে দীপু?

—কচুর ডাঁটা কাটবো।

—এখন কেন?

—ওনারা কাল কচুর শাক খাবেন বাবা বলেন। তাই এখন তুলে ধুয়ে রাত্রে কুটে রেখে দি। সকালে সময় পাবো না।

—এখন অবেলায় ওখানে না যাওয়াই ভালো। সাপ বেকতে পারে।

—এখন না তুলে তুলবো কখন? কাল সময় পাবো না। আজ সারাদিনের মধ্যে এখন একটু বা সময় পেলাম।

—দত্তমশায় কোথায়?

—তিনি ইলিশ মাছ আনতে গিয়েছেন পাঁচঘরার হাটে। কাল কচুর শাক দিয়ে রান্না হবে কিনা।

—আজ ইলিশ মাছ এনে কাল রান্না হবে?

—কেন হবে না? আজ বেশ করে ভেজে রাখবো রাতে। কাল মাছ পাবেন কোথায় হাট ছাড়া? কাল না খাওয়ালে ঔদের কচুর শাক খাওয়ানো হবে না। পরশু চলে যাবেন সব।

—যাবেন সত্যি? আমার মনে হচ্ছে না।

দীপু আমার কথার স্লেষ বুঝতে না পেরে বলে—কেন মনে হচ্ছে না?

যেয়েও তো দত্তমশায়েরই। বাপের মতই সরল। বজ্রাম—না, তাই বলছি।

—বাবা বলছিলেন কালকের দিনটা গুঁরা আছেন, পরশু চলে যাবেন। কাল রাতে তালের বড়া করে খাওয়াতে।

—বেশ বেশ। খাওয়াও। অভিধিসেবার পরম পুণ্য।

—কত রকমের রান্না হচ্ছে বাড়িতে। কিন্তু আপনাকে দিতে পারিনে বলে কষ্ট হয়।

—দিতে বাধা দিচ্ছে কে? আমি বাধা দিইনি অস্বস্ত।

—কি যে বলেন ! ব্রাহ্মণের পাতে রান্না তরকারি, দেবো সে ভাগ্যি কি আর করে এসিচি ?

—তা হোলে মিটেই গেল ।

—একটা জিনিস কাল খাওয়াবো ।

—কি ?

—বলুন না ?

দীপুর চোখে কোতুকের হাসি । আমি বুঝতে পেরেছিলাম ও কি জিনিসের কথা বলচে ।
তবুও মজা দেখবার জন্তে বল্লাম—ভুগি বলো । আমি বুঝতে পারলাম না । কচুর শাক ?

দীপু হি-হি করে হেসে বল্লে—না । আহা, কি বুদ্ধি আপনার ! কচুর শাক তো স্ফুড়ি ।
আমার রান্না কচুর শাক আপনার পাতে দেবো ?

আমি কৃত্রিম দীর্ঘনিঃশ্বাস কেলে বল্লাম—সে আমার অদৃষ্ট !

—আহা ! আপনার অদৃষ্ট না আমাদের অদৃষ্ট ! আপনি ভাবি—

—কি জিনিসটা কাল খাওয়াবে বল্লে না ?

—তালের বড়া ।

—ওটা বুঝি স্ফুড়ি নয় ? তবুও মাথা রন্ধে । বাঁচলুম ।

—থাক্, আপনারে আর ব্যাখ্যান করতে হবে না । চলি এখন, অনেক কাজ ।

দীপুকে দেখে আমার বড় কষ্ট হয় । পঁচিশ-ছাব্বিশ বছর ওর বয়স হবে, কিন্তু বালিকার
মত সরল । মুখ বুজে কি খাটুনিটাই খাটে দিনরাত ! বাবার মন যুগিয়ে চলতে ওর জোড়া নেই,
দস্তমশায় মুখের কথা খসালেই হোল । ও কি খায় সারাদিন খাটুনির পর তা কে দেখচে ? দস্ত-
মশায় নিজের অতিথিদের নিয়েই বাস্তু । তাদের বেলা পান থেকে চুন না খসে ।

পনের দিন শুনলাম অতিথিরা আরো দিন চার-পাঁচ থেকে যাবেন । খবরটা পেলাম দস্ত
মশায়ের মেয়ের কাছে থেকেই । সে এসে বল্লে—আমার পাপ হবে, না ডাক্তারবাবু ?

অবাক হয়ে বল্লাম—পাপ ? কিসের পাপ ?

—আপনার কাছে কথা দিয়ে কথা রাখতে পারলাম না, সেইজন্তে ?

—কি কথা ?

দীপু কাজের ফাঁকে মাঝে মাঝে আমার কাছে আসে । আমি ওর কথা শুনি মন দিয়ে ।
সায় দিই ওর কথার, বোধ হয় ওর ভালো লাগে । কথা বলবার মাহুয এ বাড়িতে আর ওর
কেউ নেই আমি ছাড়া ।

ও বল্লে—ভুলো কেন ও-রকম আপনি ? তালের বড়া খাওয়াতে চেয়েছিলাম আজ মনে
আছে ? তা আজ হোল না ।

—তা হোলে অতিথিদের তালের বড়া খাওয়ানো হোল না ?

—সেই জন্তেই তো । ওঁরা কাল যাবেন না । আরো দিন চার-পাঁচ থাকবেন কিনা, তাই
বাবা বললেন আজ না করে ওঁদের যাবার আগের দিন করলেই হবে ।

—খুব ভালো কথা । কিন্তু—ওঁদের তো কালই যাবার দিন ধার্য ছিল ?

—কি নাকি বাঁশঝাড় নিয়ে গোলমাল বেধেচে ওঁদের মধ্যে একজনের । সে গোলমাল না
মিটিয়ে তো যাওয়া হয় না ।

—সে তো বটেই । একজনের কাজ যখন বাকি, তখন বাকি তিনজন একযাত্রায় পৃথক
কল করে আর যান কি ভাবে ? যাওয়া উচিত নয় ।

—সে আবার কি ?

বি. র. ৪—১৮

—ওই একটা কথা কথার ধরো।

—ভারি মজার কথা বলেন আপনি কিন্তু। হাসি পায় এমন!

—সে যাক, তাহোলে তালের বড়া হচ্ছে কবে?

—সেই যেদিন যাবেন, তার আগের দিন। তবে শুধু একটা কথা বলি। আপনার জন্তে ছোট্ট একটা তাল এনে রেখেছি। সেইটেই গোলা করে অল্প চাট্টি বড়া আপনাকে ভেজে দেবো এখন সন্ধ্যাবেলা।

আমি ব্যস্ত হয়ে বললাম—না না দীপু। লক্ষ্মী, আমার কথা শোনো। আমার জন্তে আলাদা করে তোমার কিছু করতে হবে না। কেন করতে যাবে তা? আমি ওতে রাগ করবো। না, করবে না।

দীপু না দাঁড়িয়ে চলে গেল। ও কখন আসে, কখন যায়, বোঝা যায় না। নাঃ, এর সঙ্গে পারা যাবে না। আমার কোনো দরকার নেই তালের বড়ার। ও কি শুনবে কোনো কথা? যেমন বাবা, তেমনি মেরে।

অতিথিদের ওপর ভারি রাগ হোল আমার।

এসেচি নিজের খাজনা আদায় করতে, বিষয়-আশয় দেখতে, তা পরের ঘাড়ে কেন রে বাপু? মাহুঘের একটা চকুলজ্জা থাকা উচিত। বাবা আর মেয়েকে সরল আর ভালোমাহুঘ পেয়ে—হাত অন্ত জারগা, এতদিন সেখানে বসে আজ পারেস, কাল রুইমাছ খেতে কেমন দেখতাম।

অতিথিদের একজনের নাম জনার্দন সরকার, ধূর্ত দৃষ্টি চোখে, কূট বিষয়ী আর মামলাবাজ, দেখলেই বোঝা যায়। আমার বিকেলের দিকে ডেকে বললে—ও ডাক্তারবাবু, বলি কি হচ্ছে?

নীরস সুরে বললাম—কিছুই না। বসে আছি।

—এখানে রুগীপুত্র কেমন?

—মন্দ না।

—কতদিন আছেন এখানে?

ভালো বিপদ! আমার গল্প করবার ইচ্ছে নেই ওর সঙ্গে!

আছি না আছি, সে খোঁজ কি দরকার তোমার? তোমার গলা জড়িয়ে ধরে সে সব বর্ণনা করবার ইচ্ছেও আমার নেই। বললাম—কেন বলুন তো?

—না, সেবার এসে আপনাকে দেখিনি কিনা তাই।

—আপনারা কি-বছর আসেন বুঝি এখানে?

—তা আমরা আসছি আজ দশ-এগারো বছর। নরসিংপুরে আমার তালুক আছে। এই সময় খাজনা আদায় করতে আসি। আমরা ক'জনই আসি। সকলেরই বিষয় আছে পাশাপাশি মৌজায়। এসে দস্তমশারের বাড়ি উঠি। উনি স্বজাতি আর বড় ভালো লোক। আর কোথায় যাই বলুন।

—তা তো বটেই। কোথায় আর যাবেন। আজকাল কেউ কাউকে জারগা দেয় না।

সন্ধ্যা উত্তীর্ণ হয়ে গিয়েচে। আমি ঘরের দাওয়ার বসে ভাবছি এইবার রাত্তির আরোজন করা যাক। এমন সময় দীপু হাসিমুখে দাওয়ার উঠে একটা পাথরের বাটি আমার সামনে রেখে বললে—এই নিন। আলো জালেননি?

বললাম—না, এই ভাত রান্না করবো ভাবছি এখন। এবার জালাবো। এতে কি?

বলে বাটিটা হাতে তুলে নিয়ে দেখি তালের বড়া। সত্ত ভাঙ্গা, গরম। আমি কিছু বলবার আগেই ও বল্লে—ব্রাহ্মণকে কথা দিয়েছিলাম যাওয়াবো। তাই ছোট্ট একটা তালের গোলা করে আপনার জন্তে গোটাকতক ভেজে এনেচি। গণ্ডা দশ-বারো সবসুদ্ধু। আমি বাই, রাশা-বান্না সব পড়ে রয়েছে।

—শোনো দীপু, যেও না, আমার আলোটা জ্বলে দিয়ে যাও।

—অত কুঁড়ে কেন? কই কোথায় দেশলাই দেখি?

—আচ্ছা, কেন তুমি আমার জন্তে তালের বড়া করতে গেলে? আর কারো জন্তে না?

—না, না, শুধু আপনার জন্তে। বাবার কাছে বলবেন না। কেউ জানেন না। সব লুকিয়ে ফেলেচি। তালের খোসা, তালের গোলা—চললাম। কেউ যেন জানে না।

দীপু চলে গেল। ওর তালের বড়ার বাটি আমার সামনে পড়ে রইল। জোনাকি-জলা অন্ধকারে কোথায় কি নৈশ পুষ্প ফুটেচে তার সুবাস বেরুচ্ছে।

সুন্ধ হয়ে বসে রইলুম।

দীপুর মনের ভেতরটা আমি এই নির্জন আঁধার সন্ধ্যায় বসে স্পষ্ট দেখতে পেলাম। ওর মুখের হাসিতে তা ধরা দিয়েচে। ওর মন আমি বুঝতে পেরেছি—ও নিজেকে হুহুতো বোকেইনি।

এখানে আমি আর থাকবো না। থাকা উচিত হবে না। অতিথির দলকে দত্তমশায় তোয়াজ করুন যত খুশি, তারা তালুকমোজার বৈষয়িক সুবন্দোবস্ত যতদিন ধরে করুক বসে, কিন্তু আমাকে এখান থেকে সরে পড়তে হবে। দত্তমশায় অতি সরল, ভালো লোক। দীপুও তাই। ওদের নামে কোনো কথা উঠলে আমি কখনো নিজেকে ক্ষমা করতে পারবো না। তা ছাড়া, জালে জড়াই কেন নিজেকে? আমার বাড়িতেও স্ত্রীপুত্র আছে।

সেই সপ্তাহের শেষেই নির্মম ভাবে জাল গোটালাম।

দত্তমশায় এসে পথরোধ করে দাঁড়িয়েছিলেন। বল্লেন—বলা কওয়া না, হঠাৎ চললেন, মানে? কি অপরাধ হোল আমার?

কোনো লম্বা কৈফিয়ৎ দেবার আবশ্যক বিবেচনা করিনি। ডাক্তারি ভালো চলচে না, রুগী-পত্নীর সুবিধে হচ্ছে না। দীপু যাবার আগের দিন সন্ধ্যাবেলা এলো। বল্লে—আপনি নাকি চলে যাচ্ছেন, সত্যি?

—হ্যাঁ।

—কেন যাবেন?

—চলচে না।

—কেন, বেশ তো রুগী আসে?

—ওতে ডাক্তারি চলে না।

—যাবেন সত্যি?

—হুঁ।

দীপু কঁদে কেললে। চোখের জলে ভিজে আমার পায়ের ধুলো নিয়ে চলে গেল। আমি চলে যাবার সময় দত্তমশায়ের ডাকাডাকি সত্ত্বেও সে আমার সঙ্গে দেখা করেনি।

সাত মাস পরে দত্তমশায়ের এক চিঠি পেলাম। দীপুর খুব অসুস্থ। আমি যেন একবার দেখতে বাই। ইতিমধ্যে আমাদের গ্রামেই ডাক্তারখানা খুলে বসেচি। হুঁ একদিন যেতে দেয়ি হোল। গিয়ে দেখি দীপু বিছানার সঙ্গে মিশে গিয়েচে। আগেকার স্বাস্থ্যবতী, সুন্দরী দীপুকে

আর চেনা যায় না। আমার দেখে দীপুর রোগশীর্ণ মুখ উজ্জল হয়ে উঠলো। বিছানার পাশে ওর হাত দুটি ধরে বললাম—কি হয়েছে দীপু? দেখি হাত?

ও বলল—কিছু হয়নি।

—তবে এমন চেহারা হয়েছে কি করে? দাঁড়াও দেখি।

দন্তমশায় বোধ হয় অতিথির জন্তে চা ও খাবারের যোগাড় করতে বাইরে গেলেন। আমি ওর হাত দেখলাম। অর রয়েছে নাড়িতে। পুরনো ম্যালেরিয়া অর, ভালো চিকিৎসা হয়নি। সংসারের খাটুনি এক দিনের জন্তে কামাই যারনি। অতিথি তো লেগেই আছে। অহুয়ানে বুঝলাম সব। শরীর ওর একেবারে ভেঙে গিয়েচে?

দীপু আমার দিকে তাকিয়ে বললে—কি রকম দেখলেন?

—ভালো। সেরে যাবে। গোটাকতক ইন্জেকশন নিয়মিত দিলেই হবে। শক্ত অসুখ কিছু না।

—একটা কথা বলবো?

—কি?

—আপনি এসে আমাদের বাড়ি আবার থাকুন না কেন?

—আচ্ছা, আচ্ছা, সে হবে। দাঁড়াও একটা ইন্জেকশন দিতে হবে এখন।

—দেবেন এখন। আপনি আসবেন বলুন! সত্যি, বলুন!

দীপুকে বাঁচাতে পারিনি। শেষ পরীক্ষা রাণাঘাট মিশন হাসপাতালে আমি ও দন্তমশায় নিয়ে গেলাম ওকে। শেষ দিন আমার হাত ধরে বলেছিল—আমি সেরে উঠলে আমাদের বাড়ি এসে থাকবেন, সত্যি? অনেক রুগী হবে এবার—

চুপী নদীর ধারে ওর সংস্কার করার পরে আমরা দুজনে ফিরে এলাম দেশে। দন্তমশায় আমার হাত ধরে কাদতে লাগলেন। বললেন—একলা থাকতে পারবো না ডাক্তারবাবু। আমার বাড়ি এসে আপনাকে থাকতে হবে। আমার আর কেউ নেই।

দীপুকে কথা দিয়েছিলাম হাসপাতালে। দন্তমশায়ের বাড়ি এসে আবার ডাক্তারখানা খুলেছি। দীপুর মুখের কথা সত্যি হয়েছে বটে, আজকাল রুগীর ভিড় খুব।

বর্শেলের বিভ্রম

‘বর্শেল’ অর্থাৎ বঁড়শি ও ছিপ দিয়ে মাছ মারতে যে পটু। এক কথার ওস্তাদ মৎস্যশিকারী। লাঠি যে চালাতে পটু সে হোল ‘লেঠেল’, ছিপ-বঁড়শি বাইতে যে পটু সে হোল ‘বর্শেল’।

এই সামান্য ভূমিকার দরকার ছিল এই জন্তে যে অনেকেরই ‘বর্শেল’ কথাটির অর্থ জানা নেই হয়তো—প্রসঙ্গক্রমে একথাও বলা প্রয়োজন যে, যেমন লাঠি হাতে নিয়ে সবাই বেড়ায়, কিন্তু সবাই লেঠেল নয়, তেমনি ছিপ দিয়ে মাছ সবাই ধরে, কিন্তু তারা বর্শেল নয়।

আমাদের গাঁয়ের রামহরি হোড় নামজাদা বর্শেল, আশপাশের দশখানা গাঁয়ের মধ্যে তাঁর নাম বর্শেল হিসাবে প্রসিদ্ধ। ‘তাঁর’ ব্যবহার করলাম এজন্তে যে, রামহরি বনেন্দ্রী ব্রাহ্মণ-ঘরের সম্ভান আমাদের গাঁয়ের—দশা-চণ্ডা দশসই চেহারা, বড় বড় গৌর, চোখ বড় বড় ও রাঙা। আমরা ছেলেপুলের মল তাঁকে যথেষ্ট ভর করে চলি, বড় রাশভারী লোক। আগে অবস্থা খুব ভাল ছিল, এখন বিষয়-সম্পত্তির সামান্যই অবশিষ্ট আছে; তারই আয়ে অতি কষ্টে সংসার চলে।

রামহরি জীবনে কারো চাকুরি করেননি, এখন তিনি পক্ষী বহুরে পদার্পণ করেচেন—সুতরাং এ বরসে পরের দাসত্ব আর স্বীকার করবেন না এটা নিশ্চয়।

কিন্তু মাছ ধরা সহজে একজন ‘অধরিটি’ তিনি। বহু লোক এ বিষয়ে তাঁর পরামর্শ নিতে আসে।

—হ্যাঁ হোড়মশাই, গাঙে কি চার করে রাখবো আজ ?

—কিসের চার দিচ্ছ ?

—গোবর আর কৈচো।

—নতুন বর্ষার জল, তুঁব আর কুঁড়ো দাও।

তাঁর অভিজ্ঞতা যথেষ্ট বিস্তৃত। কে তাঁর কথার প্রতিবাদ করতে সাহস করবে ? হোড় মশায় জীবনে অনেক আশ্চর্য্য ধরনের বড় মাছ ধরেচেন, তাঁর মুখে সে-সব গল্প শুনলে আহার-নিদ্রা ভুলে যেতে হয়। অবিশ্বাসি আমাদের মত ছেলেমাছের সঙ্গে সে-সব গল্প তিনি কখনো করতেন না, বড় লোকেদের সঙ্গে বসে বলতেন, আমরা বসে শুনতাম।

এ সব পঁচিশ বছর আগেকার কথা বলছি, আগেই বলে রাখি।

আমার তখন বারো-তেরো বছর বয়েস। আষাঢ় মাস, খুব বর্ষা হয়ে গিয়েছে, যাঠে-ভোবায় জল থৈ-থৈ করছে।

হাবুল বঙ্গে, মাছ ধরতে যাবি সস্তদা ? জটেমারির খালে বড় বড় বান মাছ আর জিঙল মাছ পড়ছে।

—কে বঙ্গে ?

—কাল গোপাল আর নেড়াকাকা এই বড় বড় বান মাছ ধরে এনেচে।

—তোর বড় ছিপ আছে ? আমায় একখানা দিবি ?

—তুখানা মোটে আছে—বাকি তিনখানা পুঁটিমাছ ধরা ছিপ।

বেলা তিনটের পর আমরা চারজন সমবয়সী বন্ধু জটেমারির খালে কাঠের পুলের নীচে মাছ ধরতে গিয়ে দেখি—রামহরি হোড় সেখানে তাঁর লম্বা লম্বা ছিপগুলো নিয়ে দস্তুরমত চারকাঠি পুঁতে একমনে গম্ভীর মুখে একা বসে।

সস্ত প্রশংসাত্মক বিশ্বাসের স্বরে বঙ্গে—রামহরি জ্যাঠা মাছ ধরছে !

আমি বললাম—কই ?

—ঐ জাখ্ ঐ গাছের নীচে।

আমার মাথার এক জুঁই বুদ্ধি আগলো। মস্ত-বড় বর্ষেল রামহরি জ্যাঠা দস্তুরমত চারকাঠি পুঁতে মাছ ধরতে বসেচেন। যদি মাছ ধরতে হয়, তবে তাঁর আশেপাশে বসে। নয়তো মাছ হবে না। যে যে-সাধনার সিদ্ধ তাঁর শরণাপন্ন না হোলে সে-সাধনার সিদ্ধিলাভ করা যায় না।

আমি বললাম—চল, রামহরি জ্যাঠার ডাইনে ওই ফাঁকা জারগাটার ছিপ ফেলি।

হাবুল বঙ্গে—তিনি যদি বকেন ?

—বকেন তো বকবেন, দেখছিলুম নে, তাঁর চারে বড় বড় মাছ সব আসতে শুরু করেছে। অমন গুস্তাদ এ দেশে নেই। কি দিয়ে চার করতে হয়, কিসে বড় মাছ আসে, এ উনি যেমন জানেন, এমন কেউ জানে না।

আমরা পাশে বসবার উত্তোগ করছি, রামহরি বর্ষেল কিন্তু সেটা তত প্রীতির চক্রে দেখলেন না। একটা কারণ হচ্ছে, তিনি মাছ জড়ো করবার মশলা ছড়িয়েচেন জলে, এখন অল্প কেউ এসে তাঁর তৈরি জমিতে চাষ করুক, এটা তিনি পছন্দ করলেন না। দ্বিতীয়তঃ আমরা চকল

বালক, তাঁর মত চূপচাপ বসে থাকতে পারবো না, গোলমাল করবোই। তা হোলে মাছ আসবে না চারে। ভয় পেয়ে ভেসে যাবে।

রামহরি হোড় তুরীয় অবস্থা থেকে নেমে এসে আমাদের দিকে চেয়ে বলেন—এই! ওখানে বসবি নাকি?

—হ্যাঁ জ্যাঠামশায়। আপনার পায়ে পড়ি কিছু বলবেন না আমাদের।

রামহরি বিরক্তিপূর্ণ মুখে বলেন—যতো আপোদ! আর জায়গা পেলি নে? আচ্ছা চূপ করে বোস। কেউ কথাটি কইবি নে।

কিছুক্ষণ কেটে গেল। প্রায় আধঘণ্টা ছিপ ফেলেচি আমরা, কিন্তু একটা মাছও ঠোকরার নি। গোলমাল না করি, কথাবার্তা চলচে সমানে। ক্রমে কথাবার্তার স্রর চড়লো।

পচা বলে—ওই ক্ষেতটাতে কঁকুড় হয়েছে, সস্তা যা গোটা-চারেক কচি দেখে কঁকুড় তুলে আন—

রামহরি বর্শেল ওদিক থেকে ধমক দিয়ে বলেন—এই সব, কি হচ্ছে?

আমরা ধমক খেয়ে কিছুক্ষণ চূপ করে রইলাম। ইতিমধ্যে হাবুল এবং পচা বাবলা-কাঁটার নীচু বেড়া ডিঙিয়ে অদূরবর্তী কঁকুড়ের ক্ষেতে ঢুকে পড়লো এবং তিনটে বড় বড় কঁকুড় নিয়ে আমাদের কাছে কিয়ে এল।

গুগুগোল বাখলো কঁকুড়ের ভাগ নিয়ে।

আমি বললাম—তোমরা ভাগ বেশী নেবে কেন? সমান ভাগ করো। আমি তোমাদের ছিপ নিয়ে চৌকি না দিলে তোমরা কঁকুড় আনতে পারতে?

পচা বলে—আমি বড়টা তুলেচি, ওটা আমার।

যতীশ নাপিতের ছেলে কেটে বলে—তা কেন? সমান ভাগ হবে।

রামহরি আবার ধমক দিয়ে বলেন—ও সব কি হচ্ছে রে? মাছ ধরতে এসেছিস, না কঁকুড় খেতে এসেছিস এখানে?

আমি বললাম—মাছ মোটে ঠোকরাচ্ছে না জ্যাঠামশায়!

—কি করে মাছ ঠোকরাবে? তোমাদের তো মাছ ধরানয়, মাছ ধরা খেলা। কি জানিস তোরা মাছ ধরার? সব ক'টাতে জুটে ছটোপাটি করচিস আর কঁকুড় চুরি করচিস পরের ক্ষেত থেকে। মাঝে পড়ে আমারও মাছ হোল না তোদের গোলমালা। নইলে যা চার করেছিলাম, কুঁড়ো দিয়ে আর পুরনো তেঁতুল—

রামহরি হঠাৎ চূপ করে গেলেন। উত্তেজনার মুখে মৎস্ত-শিকারের গুহ তত্ত্ব প্রকাশ করে ফেলেছিলেন আর একটু হোলে।

আমি চুপি চুপি বললাম—ওই শুনে রাখ, কুঁড়ো আর পুরনো তেঁতুল—এই দিয়ে চার করতে হবে বুঝি তো! তুলে বলে কেলো দিয়েচেন—

হাবুল ছিপ একখানা জল থেকে তুলে বলে—মাছ মোটে ঠোকরাচ্ছে না।

রামহরি তাজিলোর সঙ্গে ছিপটার দিকে চেয়ে বলেন—ও কি বহর দিয়েছিস? তোদের সবই হোল ছেলেখেলা। জল মেপে বহর দিতে হয়।

আমি আগ্রহের সুরে বললাম—সে কি করে করতে হয় জ্যাঠামশায়?

—জল মেপে নিস্নি?

—তা তো জানিনে।

রামহরি দাঁত খিঁচিয়ে বলেন—তা জানবে কেন? জানো কঁকুড় চুরি করতে। ডিল বেঁধে

হুতো জলে ছেড়ে ত্যাগে কতটা ভিজছে—সেখানে ফাত্মা তুলে বাঁধে—তাকে বহর দেওয়া বলে। দেখি ?

আমি ছিপ তুলে দেখাতে রামহরি বর্শেল সেদিকে চেয়ে গম্ভীর ভাবে বলেন—আড়াই হাত বহর দে।

সময়ে আমার মন পূর্ণ হয়ে গেল। রামহরি বর্শেল স্বরং আগাদের বহর সম্বন্ধে উপদেশ দিয়েছেন। এইবার মাছ না হয়ে যায় ?

কিন্তু কিছুক্ষণ চূপ করে বসে থাকবার পরে আমাদের মধ্যে আবার গুঞ্জন-রব উখিত হোল এবং খুব শীগ্গির সে গুঞ্জন কলরবে পরিণত হয়ে গেল। এবার গোলমাল বাধলো ছিপের বহর নিয়ে। প্রত্যেকে প্রত্যেকের দোষ ধরতে ব্যগ্র।

পচা বলে—আমায় ছিপ দাও—আমি নিজে বহর দিই।

আমি বললাম—তুই কি বুঝিস বহরের ? আমায় দে, দিয়ে দিচ্ছি।

—থাক, তোর আর ওস্তাদি করতে হবে না—তের হয়েচে।

—মুখ সামলে কথা কবি সন্ত !

—তুই মুখ সামলে—

আমাদের সুর তখন পক্ষমে উঠেচে। রামহরি বলেন—কি বিপদেই পড়েছি এদের নিয়ে ! আঁজ যে আমার চার করাই মাটি হোল দেখছি এদের জালায় ! তোরা বাপু অস্ত্র জারগায় যা—ওঠ ওখান থেকে—বেরো—

আমরা ভাড়া খেয়ে ছিপ গুটির সেখান থেকে উঠে আর কিছু দূরে গিয়ে বসলাম। একটা কাশঝোপের আড়াল থাকার দরুন সেখান থেকে রামহরি বর্শেলকে ভাল করে দেখা যায় না।

আরও কিছুক্ষণ কেটে গেল।

সামনের ছোট খালে কচুরিপানার দামে নীল ফুল ফুটেছে, বর্ষার জল থৈ-থৈ করচে খালের কানায় কানায়। ওপারের চরে আরামডাড়া গ্রামের বাঁশ-খেজুর-তালগাছের শীর্ষ বৃষ্টিধোরা নীল আকাশের তলায় একটা শামল সরলরেখা রচনা করেছে। দু-একটা সাদা বক জলের ধারে পান-শেগুলার দামের ওপর চরে বেড়াচ্ছে।

হঠাৎ একটা অস্পষ্ট চীৎকার শুনে আমরা রামহরি জ্যাঠার দিকে চাইলাম। তিনি দাঁড়িয়ে উঠে একটা বড় ছিপ দু-হাতে হ্যাঁচকা টান মেরে তুললেন—এটুকু আমরা দেখলাম। তারপর তিনি বলে উঠলেন—যাঃ—

হাবুল বলে—রামহরি জ্যাঠা মস্ত বড় মাছ বাধিয়েচে, চল্ গিয়ে দেখি—

সবাই মিলে তখনি ছুটে গিয়ে সুনলাম প্রকাণ্ড মাছ বেধেছিল ওঁর ছিপে, কিন্তু উনি টান দিতেই ছিপের আগা ভেঙে নিয়ে মাছটা পালিয়েচে। সত্যি দেখি, বড় একটা ছিপের আগার দিকটা ভাড়া, ছিপটা হাতে করে বোকার মত রামহরি দাঁড়িয়ে।

আমাদের দেখে বিরক্তির সুরে ঝাঁজের সঙ্গে তিনি বলেন—তোদের জন্তে আজ সব মাটি। না দিলি চারে মাছ আসতে, না দিলি সূস্থ হয়ে মাছ ধরতে। সেই বেলা তিনটে থেকে পেছনে লেগেচিস বাপু, মাছ ধরতে আসিস কেন তোরা ? কি বুঝিস মাছ ধরার ? এ কি ছেলের হাতে পিঠে ? এত বড় মাছ খেলে, তোদের জালায় তুলতে পারলাম না, হুতো কেটে নিয়ে পালিয়ে গেল। নাঃ, আজ আর মাছই ধরবো না। কাল থেকে আমার ত্রিসীমানার বসতে দেবো না বলে দিচ্ছি—

রামহরি জ্যাঠার বত রাগ আমাদের ওপর এসে পড়েচে বুঝলাম। নইলে তাঁর মাছ পালিয়ে

গেল হুতো কেটে, তাতে আমাদের অপরাধ কোথায়? হাবুল নীচু স্বরে বল্লে—বা রে, উনি পচা হুতো নিয়ে মাছ ধরতে এসেচেন, তাতে আমাদের দোষ বুঝ? আমরা মাছকে শিখিয়ে দিইনি তো—

যাহোক, রামহরি জ্যাঠা তো ছিপ গুটিয়ে চলে গেলেন। তারপরেই যে ঘটনাটি ঘটলো, আমাদের মত বালকের জীবনে সেরূপ ঘটনা আর কখনো ঘটেনি।

রামহরি জ্যাঠা চলে যাওয়ার মিনিট পনেরো পরে হঠাৎ আমার নজর গেল বাঁ-দিকের শেওলা-দামের ধারে একটা সাদা শরের কাত্না একবার ডুবচে একবার উঠচে। আমার কথাই হাবুলও সেদিকে চেয়ে দেখলে। কাত্নাটা ক্রমেই যেন ডাঙার দিকে আসতে লাগলো—অথচ খালের স্রোত তো এখন উল্টোদিকে বইচে, তবে কাত্না ডাঙার ধারে আসচে কিসের জোরে?

হাবুল বল্লে—তাই তো সম্ভব, ওটা কি হচ্ছে?

হঠাৎ আমি জিনিসটা বুঝতে পারলাম। রামহরি জ্যাঠার সেই ছিপের কাত্না! বড় মাছ ওর তলায় ঝড়শিতে বেধে আছে।

কথাটা যেমন মনে হওয়া, আমার সমস্ত শরীর দিয়ে যেন কিসের কাঁজ বেরিয়ে গেল। ততক্ষণ সমস্ত ব্যাপারটা আমি বুঝতে পেরেছি। হাবুলকে বললাম—রামহরি জ্যাঠার সেই মাছটা! ও জখম হয়ে এসেচে বলে অবসন্ন হয়ে ডাঙার দিকে আসচে। জলে নামো সবাই।

হাবুল বল্লে—পচা, তুই ছেলেমাছই আছিস, পরনের কাপড় খুলে ফেল, মাছটাকে কাপড় দিয়ে জাপটে ধরতে হবে।

আমি বললাম—ভারী মাছ, খুব সাবধানে তুলবার চেষ্টা করো। জলের তলায় ওর কুমীরের মত শক্তি।

সবাই মিলে জলে নামলাম। কাত্না ধরে সম্ভরণে টান দিতেই জলের তলায় প্রকাণ্ড মাছ ঝটপট করে উঠে জল ছিটিয়ে আমাদের সারা গা ভিজিয়ে দিলে। আমাকে তো টেনেই নিয়ে গেল কিছুদূর—হাবুল আমার কোমর জড়িয়ে টেনে রাখলে। বল্লে—টান দিস্ হে, হুতো ছিঁড়ে যাবে—মস্ত মাছ—সাবধানে তোল।

প্রায় মিনিট পনেরো ধরে মাছটা যুঝল। যারা কখনো বড় মাছ ছিপে ধরেচে, তারাই জানে এ ব্যাপার কি! এক-একবার এমন হোল যে, মাছ বুঝি আর থাকে না, চোঁ-চোঁ ছুটলো বেশী জলের দিকে। তার চেয়েও ভয় ছিল ঘন কচুরিপানার দামের নীচে গিয়ে লুকুলে এ মাছের আর সন্ধান পাওয়া যাবে না।

অবশেষে মাছটা ক্রমেই অবসন্ন হয়ে পড়তে লাগলো। মুখে আড়াই ইঞ্চি ঝড়শি নিয়ে কতক্ষণ পারবে? মাছ অবসন্ন হোলে ক্রমশঃ আপনাই ডাঙার কাছে আসে। পচা সেই সময় কাপড় দিয়ে মাছটা জাপটে ধরলো—আমরা সবাই গিয়ে পড়লাম মাছটার ওপরে। টেনে ডাঙায় তুলে দেখি, সের-পাঁচেক আন্দাজ ওজনের রুইমাছ।

গ্রামে চুকবার পথেই রামহরি বর্শেলের ঘর। তখন সন্ধ্যার অন্ধকার হয়ে এসেচে, রামহরি জ্যাঠা দাঁওয়ার বসে তামাক খাচ্ছেন। আমরা হৈ-হৈ করে আসছি দেখে তিনি জিগ্যোস করলেন—কি রে? মাছ শেলি নাকি?

আমাদের উদ্দেশ্য ছিল তাই। রামহরি জ্যাঠার নাকের সামনে দিয়ে বড় মাছটা নিয়ে যাবো! দাঁওরা থেকে নেমে এসে রামহরি বল্লেন, এত বড় মাছটা তোরা কোন্ ছিপে ধরলি? তোদের সঙ্গে তো বড় ছিপ ছিল না!

আমি বললাম—হরকণ্ডা ঝড়শির একখানা ছিপ আছে—এই যে!

রামহরি হাজার হোক, ওস্তাদ বর্শেল তো! অশ্রুচর্য্য হয়ে বলেন—মাছটার নিতান্তই তা হোলে মরণ ছিল। হরকণ্ডা বঁড়িশিতে পাঁচ সের কইমাছ ওঠে, এ কখনো সম্ভব হয় না। তোদের ও ছেলেখেলা করতে গিয়ে এত বড় মাছটা জুটে গেল অমনি অমনি—নইলে ও-মাছ হরকণ্ডা ছিপে ডাঙার ওঠানো তোদের সাধ্য ছিল? ওই যে বললাম, মাছটার কপালে নিতান্তই মৃত্যু ছিল আজ।

বাড়ি কিরে রামহরি জ্যাঠার বাড়ি আমরা সের দেড়েক কাটা মাছ আর মুড়োটা পাঠিয়ে দিলাম।

কাদা

একঘেরে গ্রাম্যজীবনের মধ্যে হঠাৎ শোনা গেল আমাদের পাশের বাড়ির শ্রামাকান্ত চক্কির বিয়ে। শ্রামাকান্ত চক্কি আমার কাকা হন, অবিব্রিত গ্রামসম্পর্কে। শ্রামাকান্ত বয়েস কত তা জানিনি, তিনি নাকি কলেজে পড়েন কলকাতায় না কোথায়। গ্রামে আসেন মাঝে মাঝে দেখতে পাই।

বিয়ে হচ্ছে আমাদের গ্রামের কাছে নসরাপুর।

নসরাপুর গ্রামের বীরেশ্বর ভট্টাচার্যের মেয়ে। বীরেশ্বর ভট্টাচার্যকে দেখেছি, বুড়োমানুষ, ঐ গ্রামেরই পাঠশালার পণ্ডিত। আমাদের গাঁয়ে এসেছিলেনও বারকয়েক।

বিয়ে হবে সামনের সোমবারে।

হৈ হৈ পড়ে গেল পাড়ার ছেলেদের মধ্যে।

আমাদের দল ঠিক করলে একটা উৎসব করতে হবে এই বিয়ের দিনে। আমার উৎসাহটা সব চেয়ে বেশি। আমি ভেবেচিন্তে দক্ষিণ মাঠের বিলের ধার থেকে কতকগুলো পাকাটি নিয়ে এলাম এবং পথের ধারের প্রত্যেক গাছে এক গাছা করে পাকাটি নোনার ডালের ছোট্ট দিয়ে বাঁধলাম।

হরি জ্যাঠামশায় দেখে বলেন—ও কি হচ্ছে?

বড় বড় মোটা কীচের পরকলা বসানো চশমার ভেতর দিয়ে দেখি হরি জ্যাঠামশায় আমার দিকে কটমট করে তাকাচ্ছেন। ভয়ে ভয়ে গাছ থেকে নেমে পড়লাম।

—বলি—ও—এই—

—কি?

—বাজি আলো করবো শ্রামাকান্তার বিয়েতে। তাই পাকাটি বাঁধছি।

—ইঃ! যত ছেলেমানুষি! এই একটা সরু পাকাটি জেলে আলো হবে? কতক্ষণ জ্বলবে ওটা?

—যতক্ষণ হয়।

—ছাই হবে। বুদ্ধি কত! ও কখনো জ্বলে?

হরি জ্যাঠামশায় চলে গেলেন। আমার রাগ হোল মনে মনে। উনি সব জানেন কিনা? পাকাটি জ্বলবে না তো কি জ্বলবে?

ক্রমে বিয়ের দিন এসে পড়লো। যেদিন বিয়ের বর রওনা হয়ে চলে গেল, সেদিন পাকাটি জ্বালতে সন্ধ্যা সতু ও হীরক বাণ করলে। আজ জ্বলে কি হবে? যেদিন বর আসবে বৌ নিয়ে,

সেদিন জেলে দিবি। দেখাবে ভালো।" বিয়ের বরযাত্রী গেল গাঁশুদ্ধ খেঁটিয়ে। কিন্তু আমার যে অত উৎসাহ, আমারই যাওয়া হোল না। কেন যে যাওয়া হোল না, কি জানি। বাবা গেলেন অথচ আমার নিয়ে গেলেন না।

তার জন্তে কোনো কান্নাকাটি করলাম না।

যাওয়ার ওপর আমার বিশেষ কোন লোভ নেই। খেয়ে আমি সহ্য করতে পারিনে, পেটের অন্ত্র করে। ওই ভল্লেট বোধ হয় বাবা আমায় নিয়ে গেলেন না, কে জানে?

মঙ্গলবারে সন্ধ্যার আগে বর-বৌ আসবে, বরযাত্রীরা কিয়ে এসে বসে।

আমি ঠিক করলাম যেমন ওরা আসবে অমনি যে পথে আসবে ওরা, সে পথের দুধারের গাছে যত পাকাটি বেঁধেছি, সবগুলো জালবো।

কেবল ঘর-বার করছি, একে ওকে কেবল জিগ্যেস করছি, কখন বর আসবে।

বেলা যায়-যায়।

এমন সময় নীলু এসে বসে—নীলুগিরি চল—বৌ আসচে—

আমি বললাম—কে বলে?

নীলু আমার হাত ধরে এগিয়ে নিয়ে চললো। গোরালাপাড়ার মোড়ে গিয়ে বাঁজনার শব্দ পাওয়া গেল যথেষ্ট। বললাম—কদুর রে?

—তা বুলাপাড়ার কাছে হবে। অনেক দূর এখনো।

দেখতে দেখতে আমাদের ঘোড়ার গাড়ি কাছে এসে গেল।

আমরা ঘোড়ার গাড়ি বেশি দেখিনি, দু-একখানা কালেভদ্রে শহর থেকে এসে এ গ্রামে ঢোকে, তাও আমাদের জীবনে সবসুদ্ধ মিলে বার-দুই দেখেছি মাত্র।

ছেলের দল কলরব করে উঠলো—ওই রে ঘোড়ার গাড়ি।

সঙ্গে সঙ্গে বর-বোঁসুদ্ধ গাড়ি কাছে এসে পড়লো।

এইবার কিন্তু বাখলো মুশকিল।

পাকা রাস্তা ছেড়ে খানিকটা কাঁচা রাস্তায় গেলে আমাদের গ্রাম। শ্রাবণ মাসের শেষ, বেজায় কাঁচা হয়েচে কাঁচা রাস্তায়। বিশেষ করে একটা জায়গায় হাবড় কাঁচা—সেটার নাম ষাঁড়াতলার দ'। গাড়ি সেখানে এসে সেই হাবড়ে পড়ে পুঁতে গেল। মোষের গাড়ি সে গাড়ি সে কাঁচার পড়লে ওঠে না, শহরে ঘোড়ার সাধ্য কি সে হাবড় থেকে গাড়ি ওঠায়?

ননী বলে—এ রামকাঁচা থেকে বাছাধনের আর উঠতে হবে না। ও বোগা ঘাণা ঘোড়ার কনো এই হাবড় ঠেলে ওঠা?

তখন সবাই মিলে চাকা ঠেলতে লাগলাম। গাড়ি চলে এলো আমাদের কাঁচার বাঁড়ি। আমাদের মা বৌ বরণ করে ঘরে তুললেন।

তখনও সন্ধ্যা হয়নি। বর্ষাকাল, রোদ আছে কি নেই বোঝা যায় না—যদিও তিন-চারদিন বৃষ্টি হয়নি। আমাদের আকর্ষণের বস্তু হয়ে দাঁড়িয়েচে ঘোড়ার গাড়িখানা। সেখানা বকুলতলার দাঁড়িয়ে, তার চারিপাশ ঘিরে গ্রামের যত ছেলেপিলে। গাড়োয়ান বলচে, যদি আমরা ষাঁড়াতলার দ'-এর হাবড় পর্যন্ত গিয়ে চাকা ঠেলে গাড়ি উঠিয়ে দিতে রাজী হই, তবে সে আমাদের গাড়িতে চড়তে দেবে পাকা রাস্তা পর্যন্ত।

আমরা সবাই হৈ-হৈ করে গাড়িতে উঠলাম, কতক গাড়ির ছাদে, কতক পেছনে, কতক ভেতরে। ষাঁড়াতলার দ'-এর কাঁচা থেকে সবাই মিলে ঠেলে গাড়ি উঠিয়ে দিলাম, তার বদলে পাকা রাস্তা পর্যন্ত আমাদের গাড়িতে চড়িয়ে নিয়ে গেল। কি মজা!

আমরা যখন পাঁকা রাস্তায়, তখন সন্ধ্যা হয়ে অন্ধকার নামলো। ননী বললে—গা ঘোবো কোথায় ? সন্ধ্যা অন্ধে কাদা।

আমাকে বললে—মশাল জালবিনে ? চূপ কর কে ডাকচে।

সর্বনাশ ! আমার বাবার গলা।

সন্ধ্যা হয়ে গিয়েচে। ঘুটঘুটি অন্ধকার। বাবা আমার খুঁজতে বেরিয়েছেন। তিনিই ডাকাডাকি করছেন। সন্ধ্যার সময় বাড়ি ফিরিনি, বাবা ডাকতে বেরিয়েছেন।

ননী বললে—আলো দিবিনে গাছে গাছে ?

আর আলো ! আমার মুখ শুকিয়ে গিয়েচে। বাবা কাছে এসে পড়েছেন ডাকতে ডাকতে।

আমি উত্তর দিলাম—যা-ই-ই—

এই সন্ধ্যাবেলা সারা গায়ে কাদা মেখে আমি ভুত হয়ে আছি। আপাদমস্তক কাদা। চালাক গাড়োয়ান একটুখানি গাড়িতে চড়বার লোভ দেখিয়ে কাজ গুছিয়ে চলে গিয়েচে। এখন আমায় ঠেকার কে ?

বাবা এসে আমার কান ধরলেন। বললেন—হতভাগা বাদর, পড়া নেই শুনো নেই—এত রাত পর্যন্ত বাদরের দলে মিশে—এ কি ? গায়ে এত কাদা কেন ?

আমি কঁাদো-কঁাদো সুরে বললাম—এই গাড়োয়ান বললে—আমার গাড়িটা একটু ঠেলে দাও—বড্ড কাদা—তাই সবাই মিলে—আমি আসতে চাইনি...আমায় ওরা নিয়ে এল—ওই ননী, নিস্তে, শশী—

বলে সাক্ষ্যপ্রমাণের চেষ্টায় সঙ্গীদের দিকে ফিরে চাইতে গিয়ে দেখি জনপ্রাণী সেখানে নেই। কে কোথা দিয়ে সরে পড়েচে এরি মধ্যে।

বাবা বললেন—তোমার দোষ নেই ? তোমাকে সবাই নিয়ে গিয়েছিল ? তুমি বুড়ো-দামড়া কিছু জানো না—না ? ঘোড়ার গাড়িতে না চড়লে তোমার—

কথা শেষ না করেই হুড়ুদাড় মার। চড় ও কিল। বিষম মার। চোখে সর্বের ফুল।

কঁাদতে কঁাদতে বাড়ি ফিরে এলাম বাবার আগে আগে। মা বললেন—আচ্ছা, তোমার কি ভীষ্মরতি হয়েছে ? না কি ? এই ভবুসন্ধ্যাবেলার ছেলেটাকে অমন ভুতোনন্দি মার—ওমা, তা পাড়ার ছেলেদের সঙ্গে না হয় গিয়েইচে একটু, আজ একটা আনন্দের দিন ওদের, তোমার মত বুড়ো তো ওরা নয়—ছি ছি—নে, এদিকে সরে আয়, খুব আমোদ করেচ ! এসো—

সে-রাত্রে পাঁকাটি জালিয়ে রোশনাই করা আমার ঘারা আর সম্ভব হয়নি।

এর ত্রিশ বছর পরের কথা।

আমি কলকাতায় চাকরি করি। বর্ষাকাল। মহকুমার স্টেশনে নেমে বাড়ি যাবো, এমন সময় শ্রাম্যাকাঁকার ছেলের সঙ্গে রাস্তায় দেখা হোল।

শ্রাম্যাকাঁকা মারা গিয়েছেন আজ দশ-বারো বছর, গ্রাম ছেড়ে তাঁর ছেলেরা আজকাল শহরে বাস করে, শ্রাম্যাকাঁকার বড় ছেলেটি এখানে চাকরি করে। ওর নাম অরুণ।

অরুণ বললে—বাড়ি যাচ্ছেন দাদা ? দীপ্তির বিয়ে পরন্তু। আপনাকে আসতে হবে অবিশ্রি অবিশ্রি। আমুন না একবার আমাদের বাসায়—

গেলাম। দীপ্তি ষোল-সতেরো বছরের সুশ্রী মেয়ে। আমার দেখে খুশী হয়ে এগিয়ে এল।

বললাম—কোথায় তোর বিয়ে হচ্ছে রে দীপ্তি ?

দীপ্তি মুখভঙ্গি করে বললে—আছা-হা !

—তার মানে ?

—তার মানে আপনার মুণ্ড ।

—কথার কি যে ছিরি !

—হবে না ছিরি ? আপনার কথার ছিরিই বা কি এমন ?

—বল্ না কোথায় বিয়ে হচ্ছে ?

—কে ?

—জ্যাখ্ দীপ্তি, চালাকি যদি করবি—বল্, কথার উত্তর দে—

দীপ্তি জ্বাল নাড়তে নাড়তে বলে—আহা, যেন জানেন না আর কি !

আমি বিশ্বাসের সুরে বললাম—সেখানে নাকি ? সে-ই ?

—হঁ !

—ভালো । খুশী হোলাম ।

—খুশী কিসের ?

—আবার চালাকি করবি দীপা ! হোসনি খুশী তুই ?

—ওরকম বলে আমি সরবো আপি থেয়ে । সত্যি বলচি ।

—আচ্ছা যা, আর কিছু বলবো না । এখন একটু চা করে খাওয়াবি, না এমনি চলে যাবো ?

—খাওয়াচ্ছি, ওমা ! ঘোড়ায় জিন দিয়ে যে ! এমন তো কখনো দেখিনি—

—দেখিসনি, দেখলি । নিরে আর চা ।

—খাবেন কিছু ?

—তোর খুশী ।

একটু পরে চা ও খাবার হাতে দীপ্তি এসে ঢুকে বলে—সোমবারে কিন্তু আসতে হবে । আপনাকে থাকতে বলতাম এখানে, কিন্তু বলবো না । বাড়িতে বড্ড ভিড় । আপনার কষ্ট হবে । সোমবার আসবেন অবিশ্টি অবিশ্টি—

—আচ্ছা ।—

—কথা দিলেন ?

—নিশ্চয় । বরযাত্র না কনযাত্র ?

—হুই-ই । আপনাদের গাঁয়ের যখন বর, তখন বরযাত্র তো হোতেই হবে ।

—কনযাত্র কার অহুরোধে ?

—আমার ।

—আচ্ছা আসি—

—ঠিক আসবেন পরশু ?

—ঠিক ।

—ঠিক ?

—ঠিক ।

দীপ্তি খাম ধরে দাঁড়িয়ে রইল, যখন আমি চলে এসে রাস্তার ওপর উঠেচি ।

যার সঙ্গে দীপ্তির বিবাহ, সে আমাদের গ্রামেরই ছেলে বটে কিন্তু তারা পশ্চিমপ্রবাসী । দেশের বাড়িতে জাতি-ভাইরা থাকে । এই বিবাহ উপলক্ষে বহুকাল পরে ওরা সবাই দেশে এসেছে, বিয়ের পরই আবার চলে যাবে । গ্রামে আমিও গেলাম অনেকদিন পরে, আমিও গ্রাম ছেড়েছি দশ-পনেরো বৎসর । গ্রামে যেতেই ওদের দল এসে আমার বরযাত্রী হওয়ার নিয়ন্ত্রণ

করে গেল।

বিবাহের দিন এসে পড়লো।

বিবাহের লগ্ন সন্ধ্যার অন্ধকারেই।

অজ্ঞান বরষাত্রী কতক নৌকোতে, কতক গরুর গাড়িতে রওনা হয়ে কনের বাড়ি চলে গেল। শহর থেকে একখানা ঘোড়ার গাড়ি এসেচে, সেখানেতে বর, বরকর্তা, পুঙ্কত ও আমি যাবো এই স্থির হয়েছে।

বর বল্লে—নিতাইদা, চা খেয়ে নাও, আর বেশি দেরি না হয়, বাবাকে বলো—ভূমিই সব শুদ্ধিয়ে নাও!

—সে ভাবনা তোমার কেন? যা করবার করচি।

—শোনো একটা কথা। দীপ্তি তোমায় কিছু বলেছিল?

—না।

—বিরের বিষয়ে?

—না।

—দেখা হয়নি আসবার দিন?

—না। কেন?

—তাই জিগ্যেস করচি।

সন্ধ্যার অগ্নিই দেরি আছে, তখন আমরা ঘোড়ার গাড়িতে গিয়ে উঠলাম, গাড়িও ছেড়ে দিলে।

আমাদের পিছনে শাঁক বাজতে লাগলো, হলু পড়তে লাগলো।

গাড়ি গা ছাড়িয়ে খানিকদূর যেতে না যেতে অন্ধকার নামলো, সঙ্গে সঙ্গে ঝাঁড়াতলার দ'য়ের কাদায় গিয়ে পড়লো গাড়ি। কিছুতেই আর ওঠে না। ঝাড়া পনরো মিনিট বৃথা চেষ্টার পর গাড়োয়ান বল্লে—বাবু, একটু নামতে হবে। খালি গাড়ি তখন নিয়ে গিয়েছিলাম, এখন যোঝাই গাড়ি যাবে না। আপনারা একটু নামুন—

অগত্যা নামা গেল—কিন্তু তখন গাড়ির চার চাকা যা পুঁতবার পুঁতে গিয়েচে।

ঘোড়াকে চাবুক মারলে কি হবে, গাড়ি নড়ে না।

তখন আমি আর বরকর্তা দুজনে সেই কাদায় নেমে চাকা ঠেলি। কোনো লোক নেই। বরকে বা পুঙ্কতমশারকে অহরোধ করা যায় না চাকা ঠেলতে। আমরা দুজন ছাড়া ঠেলবে কে?

দীপ্তির বিষের স্থলয় উত্তীর্ণ না হয়ে যার, তার বিষেতে কোনো বিষ না ঘটে, প্রাণপণে ঠেলতে লাগলুম সেই চাকা, সেই ঝাঁড়াতলার হাবড়ের মধ্যে। আপাদমস্তক কাদায় মাখামাখি হোল। বরকর্তা বুড়োমুখ, তাঁকে আমি বেশি ঠেলতে দিলাম না। নিজেই ঠেলে কাদা পার করে তুললাম।

বর বল্লে—এ, তোমার এ কি চেহারা হোল? কাদার যে—

আমি বল্লাম—তোমরা যাও, আমি যাচ্চিনে—

সবাই বলে উঠলো—সে কি? সে কি? সে কি হয় নাকি?

—আচ্ছা, এগোন আপনারা। পেছনে আসচি। জামাকাপড় ছেড়ে আসি—

গাড়ি চলে গেল।

আমি দাঁড়িয়ে রইলাম সেদিকে চেয়ে। আর আমি যাবো না। দীপ্তির বিষে স্থলয়ে হোক, বাধাশূন্য হোক।

হঠাৎ আমার মনে পড়লো একদিনের কথা। দীপ্তির বাবা বিয়ে করে যেদিন ওর মাকে নিয়ে ফিরছিলেন। ত্রিশ বছর আগের ঠিক এমনি এক অন্ধকার সন্ধ্যা।

সেই প্রাণ মাসে ষাঁড়াতলা দ'এর কাদা ঠেলে গাড়ি উঠিয়েছিলাম কাদায় মাথামাখি হয়ে। বাবার কাছে মার খেয়েছিলাম।

আজ আবার তাদেরই মেয়ের বিয়েতে সেই রকমই গাড়ি ঠেলছি, গাড়িও যাচে শহরের দিকেই। তাদেরই মেয়ে দীপ্তি। হয়তো সে আজ খুব রাগ করবে আমি না—

জীবনে কি আশ্চর্য ঘটনাই সব ঘটে!

ভৌতিক পালঙ্ক

অনেকদিন পর সতীশের সঙ্গে দেখা। বেচারি হস্তদম্ব হয়ে ভিড় ঠেলে বিকালবেলা বেটিক স্ট্রিটের বা দিকের ফুটপাথ দিয়ে উত্তরমুখে চলেছিল। সমস্ত আপিসের সবোমাত্র ছুটি হয়েছে। শীতকাল। আধ-অন্ধকার আধ-আলোর পথ ছেয়ে ছিল। ক্লান্তদেহে ছাকড়া-গাড়ির মত ধীরে ধীরে পথ ভেদ করে চলেছিলাম। সহসা সতীশের জামাটা চেপে ধরে চীৎকার করে উঠলাম—

আরে, সতীশ যে!

সতীশ সবিস্ময়ে আমার পানে চেয়ে বলে উঠল—থগেন! বাই গড! আমি তোমাকেই খুঁজছিলাম।

বললাম—তার প্রমাণ, আমাকে ধাক্কা দিয়েই তুমি চলে গেছিলে আর একটু হলে! ভাগ্যিন্স ডাকলাম।

—সরি। আমি এখন বিশেষ ব্যস্ত।

—তা তো বুঝতেই পারছি। তা কোথায় চলেছ শুনি?

—তোমাকেও আমার সঙ্গে যেতে হবে। বেশীদূর নয়। যাবার পথে সব বলব।

—আশ্চর্য!

—না' বলে শুনব না। জোর করে নিয়ে যাব।

ছেলেবেলা থেকেই সতীশকে চিনি। কথা অল্পবাহী সে কাজ করে। আর শরীরে কিছু বল থাকার, প্রায়ক্ষেত্রে সে বলপ্রয়োগ করে স্বার্থসিদ্ধি করতে ভোলে না। অগত্যা তার সঙ্গে যেতে হোল।

তার গন্তব্যস্থান খুব নিকটেই ছিল এবং সে তার উদ্দেশ্য খুব সংক্ষেপেই ব্যক্ত করল। সেদিন সকালে খবরের কাগজে বেচা-কেনার কলমে একটি বিজ্ঞাপন ছিল:

“একটি অতি আধুনিক এবং রহস্যজনক চীনদেশীয়

খাট অধিক মূল্যদাতাকে বিক্রয় করা হইবে।

জগতে ইহা অদ্বিতীয়। সুযোগ হারাইলে

অনুশোচনা করিতে হইবে।

২।৩.....স্ট্রীট।”

সতীশ তার পকেট থেকে বিজ্ঞাপনটি বার করে বল্ল—পড়।

—বুঝলাম। তা ‘রহস্যজনক’ শব্দটার মানে কি?

—এটেই তো আমার ভাবিরে তুলেচে! কোনো হাদিস করে উঠতে পারছি না।

সতীশ চলছিল রাস্তার নাম দেখতে দেখতে। হঠাৎ সে লাকিয়ে উঠল—পেরেছি। এই গলি।

সন্ধ্যার স্তিমিত আলোকে সেই গলির পানে তাকিয়ে আমার সারা শরীর—কেন জানি না—একপ্রকার শিহরণ জাগল। চীনাপঞ্জীর চীনা-আবহাওয়ায় রহস্যজনক খাট! সতীশের হাতটা ধরে বললাম—খাটে কাজ নেই সতীশ, চল কিরে যাই। আমার বাঙালী-খাট বেঁচে থাকুক।

সতীশ প্রবলবেগে এক ঝাঁকানি দিয়ে উঠল—ভীতু কোথাকার! এতটা এগিয়ে এসে কখনও ফেরা যাবে না।

গলির মোড়ে ডান পাশে একটা নিমগ্ন ছুঁতের মত মাথা উঁচু করে দাঁড়িয়ে ছিল। ওদিকের ডার্টবিনের মধ্যে থেকে যত সব অশাস্ত-কুখাজের উৎকট গন্ধ ভেসে আসছে। অন্নপ্রাশনের ভাত যেন ঠিকরে বার হয়ে আসতে চাইল অসহ যন্ত্রণায়! নাকে ক্রমাল চাপা দিয়ে কোনগতিকে পথ চলতে লাগলাম।

একটা দমকা বাতাস বিলাস্ত হয়ে আচমকা দক্ষিণ দিক থেকে ভেসে এসে আমাদের শরীরে যেন আছাড় খেয়ে পড়লো। মাথার উপর দিকে কয়েকটা বাহু ডানার শব্দ করতে করতে উড়ে গেল। দুটো অভিব্যক্তিহীন কুকুর এই অনধিকার প্রবেশকারীদের পানে চেয়ে বিজী সুরে অভিযোগ করতে লাগল।

পথে আর জনমানবের চিহ্ন পর্য্যাপ্ত ছিল না। পাশে একটি চীনা-ডাক্তারের বহু পুরাতন সাইন-বোর্ড। তার উপরকার নরককালের ছবিটি জীর্ণপ্রায়। কোথা থেকে একটি পিয়ানোর অস্পষ্ট সুর ভেসে আসছিল।

ঈশ্বরই আমরা আমাদের নির্দিষ্ট গৃহে এসে পৌঁছোলাম। অমন বাড়ি আমি আর জীবনে দেখিনি। ইট বার-করা পঙ্কপ্রায় বহু প্রাচীনকালের সাক্ষ্য নিয়ে দাঁত বার করে দাঁড়িয়ে আছে। হয়তো নবাব আলিবর্দি খাঁর আমলে এই বাড়ির ভিত্তিস্থাপন হয়েছিল।

ভাঙা ফটক দিয়ে অতি সন্তর্পণে ভিতরে প্রবেশ করলাম। বাড়ির ভেতরে গিয়ে আমি অবাক হয়ে গেলাম। এত লোক এখানে কোথা থেকে এল? যে নির্জন নিস্তব্ধ গলি আমরা পিছু ফেলে আসলাম, সেখানে তো কারুর ছায়া পর্য্যাপ্ত খুঁজে পাইনি! ভৌতিক কাণ্ড নাকি? সকলের মুখেই কৌতূহলের ছাপ বর্তমান। নানা জাতির লোক সেখানে সমবেত হয়েছিল। এতগুলি লোক, কিন্তু কারুর মুখে একটি কথা নেই। ছুঁচ পড়লে পর্য্যাপ্ত তার শব্দ শোনা যায়।

ঘণ্টাখানেক পর একটি বৃদ্ধ মোটা চীনা আমাদের পথ প্রদর্শন করে নিয়ে গেল। তার মাথার একটা চুলও কাঁচা ছিল না। তার সামনের ওপরের দুটি দাঁত সোনা দিয়ে বাঁধানো, আর বাঁ হাতের উচ্চতে একটি ভোজালির ছবি। সে আমাদের ইশারা করে অনেকগুলি ঘর পার করে সেই খাটের ঘরে নিয়ে গেল। বাড়িটি একটি দুর্ভেদ্য দুর্গের মত—চারিদিকে গোলকর্ধাধা।

হ্যাঁ, খাট বটে! অমন খাট আমি জীবনে আর দ্বিতীয়টি দেখিনি। খাট আমি অনেক দেখেছি; কিন্তু ঠিক ঐ রকম আশ্চর্য্য চীনা-খাট সেই প্রথম এবং শেষ দেখলাম। তার অপূর্ণ ভাস্কর্য্য, অপূর্ণ কারুকার্য্য! একপাশে ভগবান বুদ্ধের ধ্যান-গম্ভীর প্রশান্ত মূর্ত্তি। আরতনে খাটটি বিশেষ বড় নয়। দুটি মানুষ বেশ আরামে শুতে পারে। আবার আশ্চর্য্য, সেই খাট বাড়িয়ে, দশজনের জায়গা করা যায়! দেখে চমকে গেলাম। সকলের সঙ্গে দর-কষাকষি হতে লাগল। ঐ সামান্য একটা কাঠের খাটের প্রতি সকলেরই মন আকৃষ্ট হয়েছিল। কেনবার জন্তে সকলের কি সে ব্যাকুলতা! দাম হু-হু করে বাড়তে লাগল। শেষে সতীশের ভাগ্যেই ঐ খাটটি জুটল—পনরো-শ টাকা।

সেই খাট নিয়ে বাড়ি ফিরতে সতীশের প্রায় দশটা বাজল। যে দেখল সে-ই বল—
চমৎকার!

সেখানে থেকে খাওয়া-দাওয়া করে আমি বাড়ি গেলাম। সতীশ বল—আবার এস, নেমস্তন্ন
রইল।

—তখান্ন। বলে চলে এলাম।

আমি বাবার আগেই পরের দিন সকালে সতীশ এসে হাজির। উদ্ধৃষ্ণ চুল, মুখ শুকনো।
চোখ দুটি জ্বাফুলের মত লাল—হুঁতাবনার ও দুশ্চিন্তার হরতো সারারাত্রি ঘুম হয়নি!

আমি সবিস্ময়ে প্রশ্ন করতাম—আরে, ব্যাপার কি?

—বিপদ, বিষয় বিপদ! সতীশের গলা দিয়ে স্বর বার হচ্ছিল না।

—কিসের বিপদ?

—সেই খাট।

একটা যে কিছু হবে, তা আমি আগে থেকেই বুঝতে পেরেছিলাম। কেউ কখনও খাল
কেটে কুমীর নিয়ে আসে? হাজার হোক, ওটা একটা রহস্যজনক খাট।

পূর্বরাত্রের ঘটনা সে সবিস্ময়ে বর্ণনা করে গেল। সারারাত্রি সে ঘুমোতে পারেনি। ঐ
খাটের ওপর সে শুয়ে ছিল। হঠাৎ মধ্যরাত্রে তার মনে হোল, কে যেন খাটটা নাড়াচ্ছে। উঠে
সুইচ টিপে আলো জেলে দেখল, না, খাট ঠিকই আছে। আবার শুয়ে পড়ল—আর খানিক
পরেই ঘুম ভেঙে গেল। কিসের একটা ভীষণ শব্দে সারা ঘরখানা যেন গমগম করছে! দেওয়ালের
সঙ্গে যেন খাটখানার ভীষণ ঠোকাঠুকি হচ্ছে!

ধড়মড় করে উঠে ও আলো জ্বালল। না, সব কিছু নিঃশব্দ নিথর—কোথাও এতটুকু শব্দ
নাই। সে আবার শুয়ে পড়ল। এবার আর সে আলো নেবাল না। ভোররাত্রে কার হুর্কোখা
আর্ন্তকণ্ঠের বিলাপধ্বনিতে তার চেতনা ফিরে এল। কে যেন খাটের পাশে বসে বিনিয়ে-বিনিয়ে
কঁদে মরছিল।

আমি বললাম—বলেছিলাম তো তোমার প্রথমেই, ও খাট কিনে কাজ নেই। যেমন তোমার
দোখ। এইবার বোঝো।

সতীশ বল—দেখ খগেন, তোমার হয়তো বুঝিয়ে বলতে পারব না। ঐ হতভাগা খাটখানার
ওপর এমন মান্না লেগে গেছে যে কি বলব! আমি ওকে ছাড়তে পারব না কোনমতেই।

—তবে মর ঐ খাট নিয়ে।

—আমি তোমার সাহায্য চাই।

—আমার সাহায্য!

—হ্যাঁ, আজ তুমি আমাদের ওখানে রাতে খাওয়া-দাওয়া করবে। সারারাত না ঘুমিয়ে ঐ
খাট পাহারা দেব। দেখি, ওর গলদ কোথায়!

—আর আমার আপিস?

—পাগল, কাল যে রবিবার!

অগত্যা বন্ধুকে সাহায্য করবার জন্যে সন্ধ্যাবেলা তাদের বাড়ি গিয়ে হাজির হলাম।
সতীশ আমার অপেক্ষার পথপানে চেয়ে ছিল। সে সোলাসে চীৎকার করে উঠল—সুখাগতম্!
সুখাগতম্!

—ভালপর? আর কোন গুণগোল হয়নি তো?

—না, দিনের বেলা গুণগোল হবার তো কোন কারণ নেই!

সতীশের মা বলেন—দেখ দেখি বাবা খগেন, এত বলছি—বা, বিক্রি করে দে,—তা আমার কথা যদি শুনেচে !

সতীশ বল্ল—বলছ কি মা, ভর পেয়ে পনরো-শ টাকা তার খাটটা বিক্রি করব ?

পাওয়া-দাওয়া সেরে রাত্রি জাগবার সাজসরঞ্জাম নিয়ে আমরা দুই বন্ধুতে খাটের ঘরে গিয়ে বসলাম। আমার হাতে দীনেন রায়ের ডিটেকটিভ উপন্যাস, আর সতীশের হাতে “হেলথ, অ্যাণ্ড হাইজিন”।

রাত্রি ক্রমে ক্রমে বাড়তে লাগল। ঠিক হোল, আগে সতীশ ঘুমবে আর আমি জাগব। তারপর সতীশ জাগবে, আর আমি ঘুমব।

বইখানা খুলে আমি বসে রইলাম। পড়তে পারলাম না একটি অক্ষরও, একদৃষ্টিতে তাকিয়ে রইলাম ; চারদিকে কান খাড়া করে বসে রইলাম ভয়ে ভয়ে। এতটুকু শব্দ থেকে থেকে চমকে উঠছিলাম। ঐ বুঝি অপদেবতা আমার গলাটি দিলে টিপে।

কাদের বাড়ির ঘড়িতে সুর করে দুটো বেজে গেল। হঠাৎ মনে হোল, কে যেন বাইরের বারান্দায় চলে বেড়াচ্ছে ! তার পদশব্দ বেশ স্পষ্ট হয়ে উঠল। আমার সারা শরীর ডোল দিয়ে উঠল, লোমগুলো খাড়া হয়ে উঠল।

হঠাৎ সশব্দে খোলা জানলাটা বন্ধ হয়ে গেল। মুহূর্তে বোধ হোল, আমি যেন শূন্যে উঠে গেছি, আমার জ্ঞান যেন লোপ পেয়ে গেছে। আমি মৃত না জীবিত, তাও ঘোর সন্দেহের বিষয় হয়ে উঠল। আমি সভয়ে ডেকে উঠলাম—সতীশ ! সতীশ !

সতীশ ধড়মড় করে উঠে বসল—ব্যাপার কি খগেন ? ব্যাপার কি ?

ভয়ে ও বিস্ময়ে আমার মুখ দিয়ে কোন কথা বেরলো না। সতীশ আমার হৃৎকোষে হাত দিয়ে নাড়া দিয়ে ডাকল—খগেন ! খগেন !

আমি আঙুল দিয়ে কপালের ঘাম মুছে বজ্রম—ও ! যা ভর পেয়েছিলাম !

—তা তো বুঝতেই পারছি। যাক, আর তোমার জাগতে হবে না। তুমি ঘুমোও, আমি জেগে বসে আছি।

—না, আমারও ঘুমিয়ে কাজ নেই। আর তা ছাড়া ঘুমও আমার হবে না আদৌ।

—ভীতু কোথাকার !

তারপর ভীতু আমি ও সতীশ দেওয়ালে ঠেসান দিয়ে বসে রইলাম। আমরা দু'জনেই নিঃশব্দে জেগে রইলাম। কেউই একটিও কথা কইলাম না। আমি খোলা জানলা দিয়ে বাইরের টুকরো আকাশের পানে একদৃষ্টি তাকিয়ে রইলাম। অসংখ্য তারকা মিটমিট করে জ্বলছিল। বোধ হোল, তারা যেন আমাদের বিপদে কিক-কিক হাসছে ! আমরা চুপটি করে বসে আছি, এমন সময়ে হঠাৎ ইলেকট্রিকের আলো দপ্ করে নিবে গেল। আমরা সমস্তরই বলে উঠলাম—কে ?

বোধ হোল কে যেন যেন সুইচ্ বন্ধ করে দিয়েছে !

হঠাৎ এক উৎকট হাসিতে সারা ঘর ভরে উঠল। অমন হাসি আমি জীবনে কাউকে হাসতে দেখিনি। হাসি যেন আর শেষ হতে চায় না ! সে কি বিকট শব্দ !—হা-হা-হা-হি-হি-হি-হো-হো-হো-হে-হে-হে...

বোধ হোল, কে যেন ঠিক দরজার কাছে হেসে খুন হচ্ছে। আমি শিউরে উঠলাম।

সতীশ চট করে টর্চটা দরজার ওপর ফেলল। তাতে হিতে বিপরীত হোল। বোধ হোল কে যেন দরজার ঠিক বিপরীত দিকে জানলাটার ধারে বসে আঁর্ককণ্ঠে বিনিয়ে-বিনিয়ে কেঁদে মরছে !

বি. র. ৪—১২

তার কান্নার কোন ভাষা বুঁজে পেলাম না। খেবল একটা ককণ সুর সারা ঘরময় ঘুরে ঘুরে মরতে লাগল। তার পর সেই খাটের উপর গিয়ে সেই বিলাপ-ধ্বনি আর নড়ল না। তার কান্নার যেন খাটটা ভিজে গেল। সেই অবোধা ভাষার স্কন্ধ বিলাপ-ধ্বনি চিত্তে এমন এক অজ্ঞাত বেদনার সঞ্চার করল, যার ফলে আমাদের সমস্ত শক্তি যেন ক্রমে ক্রমে লোপ পেতে লাগল। মনে হোল, কে যেন ক্রোরোকম্ দিয়ে আমাদের অজ্ঞান করে দিচ্ছে! আমরা যেন ধীরে ধীরে অচেতন হয়ে পড়ছি!

সতীশের সাহসটা ছিল কিছু বেশী, তাই সে খাটের উপর টর্চ কেলে গর্কে উঠল—কে, কে ওখানে?

কিছুই নেখা গেল না, কেউ সাড়া দিল না। সহসা সেই খাটখানা ঘরময় দাপাদপি শুরু করে দিল। মনে হোল অগণিত নরকঙ্কাল যেন তার চারিদিকে নৃত্য করচে। তাদের হাড়ের খটখট শব্দে কানের পর্দা ছিঁড়ে যাবার উপক্রম হোল। আমার বুকের ভেতরটা টনটন করতে লাগল কিসের যেন বেদনায়। বোধ হোল, হয়তো বুকখানা ভেঙে চুরমার হয়ে যাবে!

একটু একটু করে আমার জ্ঞান হারিয়ে গেল।

তারপর কোথা দিয়ে যে কি হয়ে গেল, তা ঠিক বুঝতে পারলাম না। বোধ হোল, আমি যেন অনেক দূরে এক চীনাবাড়ী গিয়ে হাজির হয়েছি। একটি ছোট ঘরে তখন সেই গভীর রাতে টিম-টিম করে একটি দীপ জলছিল। ঘরের মেঝের উপর একটি লোক মুমূর্ষু অবস্থায় পড়ে রয়েছে।

একটা ছেঁড়া মাজুরের ওপর তার সেই রোগ-পাতুর মুখখানা দেখে আমার বড় দয়া হোল। রোগে ভুগে ভুগে বেচারী কঙ্কালসার হয়ে গেছে। তার পাশে বসেছিল—তার স্ত্রী হবে বলেই বোধ হোল—চেহারা কিন্তু তার স্বামীর চারগুণ। একটা মস্ত টুলের ওপর বসে সে টুলছিল।

তার পাশেই আমাদের এই খাটটা দেখে আমি অবাক হয়ে গেলাম। সাত সমুদ্র তের নদী পার করে এটাকে কে এখানে নিয়ে এল?

হঠাৎ স্ত্রীলোকটি বিকট এক হা করে হাই তুলল, তারপর দুটো সশব্দ ভুড়ি দিয়ে একবার ঘরের চারিদিকে চেয়ে দেখল। দেখলাম—তার স্বামী ইতিমধ্যে উঠে সেই খাটের দিকে এগিয়ে গেছে চুপি চুপি। চকিতে জুঁকা বাঘিনীর মত তার স্ত্রী তাকে জোর করে খাট থেকে নামিয়ে বিছানায় কেলে দিলে। সে ভীষণ ভাবে গর্জন করতে লাগল, আর তার স্বামী ব্যাকুলভাবে অনুন্নয় করতে লাগল, ঐ খাটের পানে অঙ্গুলী-সঙ্কেত করে!—বোধ হল, সে চায় খাটে উঠতে; কিন্তু তার স্ত্রী তাকে কিছুতেই উঠতে দেবে না।

উত্তেজনার কাশতে কাশতে তার মুখ দিয়ে একঝলক রক্ত বেরিয়ে গেল। আমি শিউরে উঠলাম। তারপর লোকটার মাথাটা বিছানায় লুটিয়ে পড়ল, আর সে উঠল না। তার স্ত্রী তার পাশে বসে বিনিয়ে বিনিয়ে কঁাদতে লাগল।

যখন জ্ঞান ফিরল, দেখলাম—ভোরের আলোয় চারদিক ভরে গেছে। দেখলাম—সতীশের মা আমার চোখে-মুখে জলের ছিটে দিচ্ছেন।

তিনি আমার জ্ঞান ফিরে আসতে দেখে বলেন—থগেন, বাবা থগেন!

আমি বললাম—আমি কোথায়?

—নীচের ঘরে।

—সতীশ কোথায়?

—সতীশের এখনও জ্ঞান হয়নি।

তারপর শুনলাম—রাত্রি চারটে নাগাদ আমরা নাকি দুজনে সদর দরজার এসে খাটিতে পড়ে গিয়ে গৌ-গৌ করতে থাকি। সতীশের মা বাইরে এসে এই অবস্থা দেখে চীৎকার করে কাঁদতে আরম্ভ করে দেন। পাকা তিন ঘণ্টা তদারক করার পর আমাদের জ্ঞান হয়। ডাক্তার এসে বলে গেছিল—ভরের কোন কারণ নেই। একটা 'সাদ্‌শক' (sudden shock) আর কি। জ্ঞান হলে একটু ব্রোমাইড দিলেই সব ঠিক হয়ে যাবে।

সতীশের জ্ঞান হতে, সেও সেই আমারই মত অবিকল উদ্ভট স্বরে কথা বলে গেল। আমি বিশ্বাসে সকলের পানে তাকিয়ে রইলাম।

সতীশের মা বলেন—আগে ঐ সর্ব্বনেশে খাট বিদ্যার কর বাবা!

খাট-বিক্রির একটা বিজ্ঞাপন দেওয়া হোল। পরের দিন বিকালে অসংখ্য লোকে বাড়ি ছেড়ে গেল। খাটটা বিক্রি হোল—শেষ পর্য্যন্ত দু'হাজার টাকার। এক ইছনী সেটা কিনে নিয়ে গেল।

যাক, যাক থেকে কিছু লাভ হোল। বিক্রি না হলে শেষ পর্য্যন্ত হয়তো ওটা বিলিয়ে দিতে হোত।

এখনও মাঝে মাঝে সেই রহস্যজনক খাটের কথা ভাবি। এক-একবার মনে হয়—সেটা এখন কার কাছে আছে, খোঁজ করি। সেই অতৃপ্ত আত্মা—যাকে তার দুর্দান্ত স্ত্রী কোন ক্রমেই ব্যাধির ভরে খাটের ওপর জীবিত অবস্থায় শুতে দেয়নি, সে কি আজ তৃপ্ত হয়েছে? না, এখনও সে ঐ খাটের গিছনে প্রতি রাতে ঘুরে ঘুরে মরে—কাউকে ওর ওপর শুতে দেবে না বলে?